

NY FOTOAM-PIJINJANA

 Misaotra anao, Rahalahy Williams. Manao ahoana, ry sakaiza. Tombontsoa iray ny tonga eto izao maraina izao. Ary ny manana fampidirana tahaka an'izany, mbola manao ahy hahatsapa ho kely kokoa foana izany. Ary izaho dia...tena nankasitraka ny amin'ity fanararaotra ahatongavana ity, izao maraina izao, eto Phoenix.

² Tsaroako fony aho tonga voalohany teto Phoenix, teo amin'ny fito ambin'ny folo taona teo aho. Nihitatra tokoa izy hatramin'izany fotoana izany. Aninkeo maraina rehefa tonga teto Phoenix izahay, dia zara izahay raha afaka niteny hoe oviana izahay no niala tany Tucson ka tonga teto Phoenix. Saiky mitambatra izy ireo, toerana maro be no nihitatra. Ireo toerana izay nandehananay taloha eto sy nandefasanay an'ireo ampondra tany an-tany efitra mihitsy aza, ary ankehitriny dia misy tranom-bahiny sy tsenan'enta-madinika, sy ny sisa. Ary, mazava ho azy, manao ahy ho lasa antitra izany.

³ Ary avy eo dia nипetraka teo akaikin'ny rahalahiko tsara eto aho, Rahalahy Valdez, ary izaho—hoy aho hoe, “Eny, rahalahy...” Niresaka izahay, ka hoy aho hoe, “Eny, mazava ho azy, antitra aho.” Hoy aho hoe, “Fantattro izany, mitombo ireo mailiko.” Hoy aho hoe, “Miandrasa mandra-pahazoanaao ny taonako,” na zavatra tahaka an'izany. Izaho dia—gaga aho nahafantatra fa antitra kokoa eo amin'ny roa ambin'ny folo taona eo noho izaho izy. Noho izany, izaho, arak'izany dia nahatsapa ho tsaratsara betsaka kokoa aho arak'izany. Hoy aho hoe, “Rahalahy Valdez, tiako ianao...Hafiriana no efa nitorianao ny Filazantsara?”

Hoy izy hoe, “Dimampolo taona.”

⁴ Eny, tena ankizy kely mihitsy aho fony izy nitory teny. Noho izany dia hoy aho hoe, “Maniry aho ny handraisanao ny fivoriana fotsiny izao maraina izao, Rahalahy Valdez.” Hoy aho hoe, “Izaho—lehilahy tanora iray aho,” hoy aho hoe, “halako ny karazan’ny hipetraka eto ka hiezaka hiresaka,” hoy aho, “ireo zokiko.”

⁵ Dia nihomehy fotsiny izy, nanao hoe, “Ho an’ny inona no neverinao namiliako fiara hatreto?”

⁶ Noho izany dia tena mankasitraka an-dRahalahy Valdez aho. Niteny tamiko mikasika ny fananana trano fitsaharana iray eto izy. Izany dia—tena mahafinaritra izany. Mankasitraka an'izany aho. Nanasa ahy ho tonga sy hitsidika azy ireo matetika izy. Ary eo akaikin'ny New River eto izany. Tsy fantattro raha misy anankiray aminareo mahafantatra ny misy azy, na tsia. Azoko antoka, raha Valdez iray no ambadik'izany, dia mety tsara izany.

⁷ Koa noho izany, isaky ny tonga amin'ny fivoriana iray aho, dia mazàna mihaona amin'ny olona iray izay efa—izay efa sitrana tao amin'ireo fivoriana na zavatra iray. Ary rehefa nitsangana teo amin'ny latabatrala teto aho izao maraina izao, anabavy sarobidy iray mipetraka eto, amin'ny anarana hoe Erb, tonga eto izy avy any Michigan. Ny zananilahy no mpiteny eto ao amin'io fampielezam-peo Kristiana io. Ary niteny tamiko izy mikasika ny tao amin'ny fivoriana tany lavitra tany Flint, Michigan. Nahazo karatrala fangataham-bavaka iray izy, ary niezaka mba hivavahana, fa tsy nahavita an'izany mihitsy izy. Ary tena narary mafy tokoa izy. Ary eto mihitsy izao maraina izao, dia mino aho fa nanasitrana an'ilay vehivavy Andriamanitra, mitsangana eto mihitsy eo amin'ny sisin'ilay toerana.

⁸ Hoy aho hoe, “Fotoana iray toy ny inona! Izany dia efa teo amin'ny roa ambin’ny folo, efatra ambin’ny folo taona lasa teo, ary ankehitriny ao amin'ny tanàna antsoina hoe Phoenix, Phoenix dia zavatra iray izay naorina—natsangana avy tamin'ny faharavàna.” Hoy aho hoe, “Eny, izany ilay zavatra iray ihany izay nitranga taminao izao maraina izao. Andriamanitra no nanangana anao, mino aho, izao maraina izao, avy tamin'ny—ny fahasalamana rava ho amin'ny fahasalamana tsara.”

⁹ Nandre fotsiny aho omaly hariva, hoe tonga ireo antso, tena maro. Mpiara-monina aminareo aho ankehitriny, mipetraka any Tucson aho ary tena maro ireo antso ka tsy afaka nahavita azy rehetra ireo aho, noho izany dia mivavaka ho azy ireo amin'ny alàlan'ny telefona fotsiny aho. Ary izy ireo, arak'izany, tsy maintsy nametraka ny nomeraony fotsiny izy ireo.

¹⁰ Ary nisy ramatoa iray, fito amby valopolo taona, Kristiana antitra iray, tany ivelan'ny sainy fotoana fohy izy. Teny andàlambe izy, nihiaikiaka, ary niantso polisy, fa hoe nisy olona naka ny zazakeliny. Fito amby valopolo taona, hitanareo, niala taminy ny sainy. Ary vehivavy antitra iray malala izy. Tsy mbola nahafantatra azy mihitsy aho teo amin'ny fiainako. Ary noho izany dia niantso i Billy, ka nanao hoe, “Mandehana mivavaka avy hatrany,” hoy izy, “tena marary mafy ilay ramatoa, ka mihevitra izy ireo fa ho faty izy.” Hoy izy, “Izy fotsiny dia... any ankoatry ny tenany izy.”

¹¹ Noho izany dia nahantoko fotsiny ilay fihainoana, ka nandeha nankao amin'ilay efitra aho ka nivavaka. Afaka fotoana fohy, dia natory izy. Nifoha izy, ara-dalàna tsara, nihinana akoho iray manontolo ho sakafy hariva, niaraka tamin'ny gilasy rehetra sy mofomamy, taorian'izany. Hia.

¹² Hitanareo, masi-mandidy Andriamanitra. Tena misy Izy, Izy dia afaka... Tsy voatery ho eo ianareo; izao fotsiny—angataho fotsiny izany.

¹³ Mino aho fa ny mpitarika antsika eto, izao maraina izao, na olona iray, na angamba Rahalahy Valdez tao amin'ny fivavahany ilay izy, no nanao hoe, "Tsy mahazo isika satria tsy mangataka. Tsy mangataka isika satria tsy mino."

¹⁴ Mankasitraka an'ilay hiran'ity olona tanora eto ity aho. Rahalahy Valdez, isika olona antitra, dia nahamarika ny fahatsoram-pon'io lehilahy tanora nanao an'io fijoroana vavolombelona io, hoe nahafantatra an'i Jesosy izy.

¹⁵ Ankehitriny fantatsika fa isika dia mahita, matetika, an'ireo feo efatra sy hira, izaho...izao no tenin'ny mpitoriteny iray hafa, hoy Rahalahy Valdez hoe, "Matetika dia tonga ampolony roa ambin'ny folo izy ireo." Satria, izy ireo dia toy ny hoe, androany, ilay izy dia—lasa fampisehoana iray ilay izy raha tokony ho—ho fahamasinana sy fahatsoram-po izay nananan'ireo pentekotista fahiny.

¹⁶ Ary ny fahatsoram-pon'ireto zazalahy ireto, izaho—mankasitraka an'izany aho. Ny Tompo hitahy anareo zazalahy. Ary izaho dia...

¹⁷ Tsy manaraka televiziona betsaka aho. Araka ny fantatrareo, manohitra an'izany marina tokoa aho. Ary manofa toerana iray marina tokoa aho any Tucson mandra-pahavitanay ny toeranay, izay hanaovanay ny tranonay any, raha sitrapon'ny Tompo. Ary ilay ramatoa izay mampanofa an'ilay trano, sakaiza Kristiana iray mahafinaritra izy, saingy izy dia nanana tao an-trano te—te—televiziona iray. Eny, manana zanaka tanora aho, ary fantatrareo hoe ahoana izy ireo, noho izany dia mandeha haingana mankeo amin'izany izy ireo. Noho izany, maraina vitsivitsy lasa izay, rehefa avy tany amin'ny dia iray niaraka tamin-dRahalahy Stromei mihitsy aho...Tsy fantattro raha eto Rahalahy Stromei izao maraina izao, na tsia, izy no filohan'ilay fivoriana any Tucson. Ny zanakovavy tanora, izay mipetraka eto aoriana eto, dia niantso ahy mba hijery, nanao hoe, "Handefa an'ilay televiziona izahay, hira feo efatra iray," na inona ilay izy.

¹⁸ Eny, ankehitriny, tena mpitsikera iray tsara mihitsy aho, ary izaho—miala tsiny aho ny amin'izany, fa izaho—izaho—tsy mety ho inona na inona afa-tsy izay nanaovana ahy fotsiny aho. Raha manao zavatra mifanohitra amin'ny namoronana ahy manokana aho, dia mpihatsaravelatsihy iray. Ary tsy te-ho izany aho eo anatrehanareo olona. Izaho—te-ho izay maha-izy ahy fotsiny aho, ary amin'izay fotoana izay dia fantatrareo hoe ahoana no itsanganantsika. Ary izaho—ataoko fa mitsikera tafahoatra kely aho.

¹⁹ Saingy nanana an'ilay izy tato am-poko mihitsy aho ny hitsikera an'izany, satria ilay izy dia toy ny hoe karazana foronina iray an'i Hollywood fotsiny amiko, karazana hadalana betsaka fotsiny. Ilay izy dia tsy toy ny hoe fahamasinana izay tokony haha-izy azy. Ary nihira an'ireo hira fiderana ireo

izy ireo tamin'ny—tamin'ny gadona rock-and-roll, ary nanao kapa volamena. Ary ilay izy ve dia tonga eo amin'ny hoe lasa fampisehoana iray ny Filazantsara? Nahoana, izaho, raha izany ilay izy, izaho—tsy te-hanao na inona na inona amin'izany aho. Mila zavatra tena misy sy tena izy aho, ary tahaka an'izany no itiavantsika hihazonana azy.

²⁰ Ankehitriny, izaho—mino aho fa ireto fampifamadihana an'ireto anankiroa eto ireto mihitsy, rahalahy. Fa, mandre ahy tsaratsara kokoa ve ianareeo ankehitriny?

²¹ Ankehitriny, amin'ny Sabotsy heriny maraina, raha sitraky ny Tompo, dia manana tombontsoa lehibe hiresaka ao amin'ilay fivoriana aho, ny fotoako voalohany, any Flagstaff, Arizona. Ilay rahalahy eto, adinoko fotsiny ny anarany, no filoha. [Hoy ny rahalahy iray hoe, "Chester Earl."—Mpand.] Chester Earl, Rahalahy Chester Earl. Vao avy nanana fanararaotra nihaona taminy aho izao maraina izao, fony aho nandray tānana an'ilay evanjelista mahafinaritra eto mihitsy avy any Inde, rahalahy Indiana iray. Ary nilaza izy fa tsy maintsy miresaka any aho amin'ny Sabotsy maraina. Asaina am-pitiavana ianareo hanatrika an'izany fivoriana izany. Manantena isika fa hitahy antsika ny Tompo.

²² Ary avy eo ny Alatsinainy hariva manaraka, any Tucson, dia misy fanasana iray. Nanome haja ahy mba hiresaka ny Tompo any amin'ilay...ao amin'ilay fanasana any, andro faha-iraika amby roapolon'ny—ny Desambra, any Tucson. Asaina am-pitiavana ianareo hanatrika an'izany fanasana hariva izany.

²³ Ary avy eo araka ny nolazain-dRahalahy Williams dia tsy maintsy hiverina eto indray aho, ho an'ny karazana santatra kely alohan'ny anombohan'ilay fivoriana.

²⁴ Ary, noho izany, tratry ny fingononganonana iray ve aho eo, Rahalahy Williams? Misy...Ahoana hoe? Tsaratsara kokoa ve izao ankehitriny? Tsaratsara kokoa izao. Tsara.

²⁵ Manantena tokoa aho fa maro aminareo no afaka hahita fotoana mba hanatrika anankiray, isaky ny hariva sy antoandro, an'ny fivoriana. Izany, izany dia manomboka amin'ny fahafito ambin'ny folo, amin'ny fito, ny Alahady tolakandro? [Hoy ny olona iray hoe, "Amin'ny iray-sasany."—Mpand.] Amin'ny iray-sasany. Amin'ny iray-sasany, Alahady tolakandro. Tiako ihany koa ny milaza, raha sitraky ny Tompo, fa hivavaka ho an'ny marary aho ao—ao—ao amin'ireo fivoriana ireo, ary hanao izay rehetra vitako hanampiana anareo.

²⁶ Ary ireo rahalahy mpitoriteny eto, izao maraina izao, an'ny faritr'i Phoenix. Ny antony ahatongavako eto amin'ity efitrano ity, izaho...Isaky ny tonga aho, dia mazàna aho no manao fitetezam-toerana kely, ary mandeha mitety an'ireo fiangonana, ny fiangonana tsirairay. Noho izany dia hitako fa somary sarotra ilay izy, satria ny sasany amin'ireo fiangonana dia somary kely.

Ary tsy tianay tokoa ny hanilika rahalahy iray satria hoe kely ny fiangonany, ary noho izany dia izany no manao an'ilay izy ho sarotra, tsy afaka miditra ny olona. Noho izany raha... Nieritreritra aho fa hihona amin'ny toerana anankiray fotsiny isika ary izaho ihany no hikarakara an'izany, ary hihona eto isika ka hanao favoriana, favoriana ara-pilazantsara kely iray fotsiny, dia hivavaka ho an'ny marary sy ny sisa. Alohan'ny...

²⁷ Angamba raha manatona eo amin'ity hafa ity aho, dia ho tsaratsara kokoa ve ny eto? [Hoy ny olona iray hoe, "Tsia, io, ny horonam-peo io."—Mpand.] Ity ny horonam-peo. Eny àry.

²⁸ Angamba ilay izy dia ho—ho tsaratsara kely kokoa raha tahaka an'izao no nanaovako azy. Ary tiako ireo rahalahiko eto, avy amin'ireo fiangonana, ireo pasitera eto Phoenix, hahafantatra fa ny antony nanaovantsika an'izao, hahatongavana eto amin'ity efitrano ity, dia mba ahafahantsika manangona ny rehetra miaraka ao amin'ny toerana manokana iray. Ary tsy afaka mandeha mankany amin'ny rahalahy rehetra ianareo, misy maro be amin'izy ireo. Hitanareo izay nitsangana izao maraina izao, ary tsy ny antsasak'izy ireo angamba izany. Noho izany dia tsy afaka hahazo azy rehetra ireo ianareo ao anatin'ny andro vitsy izay ananantsika eto, mialoha, alohan'ilay favoriana.

²⁹ Ary azoko antoka fa hanana fotoana iray lehibe isika ao amin'ilay favoriana. Handre mpikabary malaza ianareo. Io Rahalahy Cash io dia Cash Hamburg, Hamburg. Oadray, firy no efa mba nandre azy? Izzy tokoa dia—dia rivo-doza iray. Hia. Miala tsiny aho, tsy tokony tahaka an'izany no nilazako azy. Izany dia rahalahy iray, saingy—saingy, oadray, efa niaraka taminy aho indray mandeha. Fantatrareo, tsy hitako hoe ahoana no mba ahatongavanareo hihaino ahy, rehefa mandre lehilahy iray tahaka an'izany ianareo. Afaka mitory teny izy nefy tsy misintona ny fofon'ainy mihitsy. Izaho—tsy fantatro hoe ahoana no anaovany an'izany, izaho...fa mamoaka betsaka tokoa izy. Nandeha niaraka taminy aho tao amin'ny favoriako tany New York, vao haingana, ary te-hitondra ahy izy ho—ho an'ny amin'ny sakafio hariva taorian'ilay favoriana. Ary nandeha nankao amin'ny toerana iray aho, ka efa saiky vonona ny hivoaka aho rehefa rahalahy...Izy, nitory teny aloha-sy-aoriana teo amin'ny gorodona izy, ary nanodidina hatraiza hatraiza, nankeo amin'ny olona rehetra izay tao anatiny tao. Izy dia tena o—olona iray mihitsy, amin'ny tenany.

³⁰ Ary azoko antoka fa ianareo dia hanksitraka an'ilay rahalahy avy any California, ihany koa. Iza moa ny anarany? Tsy afaka mieritreritra ny anarany aho, ilay anankiray izay iray amin'ireo mpikabary. Izaho—izaho dia manadino ny anarany, ihany koa. Fa izy dia—dia mpikabary mahery iray, ary hanksitraka azy ianareo. Hisy mpikabary malaza angamba

any tahaka ny, fantatrareo, Rahalahy Roberts sy maro amin'ireo lehilahy malaza an'ity andro ity.

³¹ Noho izany, dia mankasitraka aho ny mieritreritra ny Soratra iray izay tonga ato an-tsaiko eto amin'izao fotoana izao. Ary njery an'ilay fiaran'ny Tompo i Davida indray mandeha, nipetraka tao anaty tranolay. Dia hoy izy hoe...Nipetraka niaraka tamin'ilay mpaminany izy, Natana, an'izany andro izany. Ary noho izany dia hoy izy hoe, "Mety ve ny hipetrahako ato anaty trano iray eto, mipetraka ao anaty trano sedera iray, nefä ny fiaran'ny faneken'ny Tompoko ao ambanin'ny tranolay?"

³² Dia hoy ilay mpaminany taminy hoe, "Ataovy izay rehetra ao am-ponao, ry Davida, satria momba anao Andriamanitra." Izay ihany no fantany ho lazaina.

³³ Fa tamin'io alina io, dia nihaona tamin'ilay mpaminany ny Tompo, ka nanao hoe, "Mandehana, teneno amin'ny mpanompoko, Davida, fa avy tany am-piandrasana ondry no Nakako azy, nanaraka an'ireo ondry vitsy, fantatrao, ary nanao anarana iray ho azy tahaka ny lehilahy malaza," tsy hoe ilay anarana goavana indrindra, tsy ilay anarana malaza indrindra, fa nanisa azy niaraka tamin'ireo lehilahy malaza izay nisy teto an-tany tamin'izany fotoana izany.

³⁴ Dia nieritreritra aho hoe, "Ny fahasoavan'Andriamanitra, tamin'i Davida tany!" Dia nieritreritra aho hoe, "Afaka miditira ao amin'izany aho, ny tenako. Rehefa mahita ny tombontsoa an'ity andro izay iainantsika ity aho, ireo andro famaranana ny tantaran'izao tontolo izao, ary ho voaisa eo anivon'ny lehilahy tahaka an'izany raha manatrika an'ireto favoriana ireto isika." Ary ny Tompo hitahy anareo, tena betsaka mihitsy.

³⁵ Ankehitriny, ny sakaizako tsara, Rahalahy Valdez, dia nanao hoe, "Rahalahy Branham, izaho dia tsy maintsy hiaingga amin'ny, mino aho, amin'ny folo latsaka fahefany, na amin'ny folo sy fahefany." Hoy izy, "Handeha ery amin'ny farany aho, mba tsy hanelingelenako—hanelingelenako anao miresaka." Efa tao amin'ireo favoriana izy tany aloha.

³⁶ Izaho dia—somary miadana aho, ary tsy maintsy mieritreritra aho, fantatrareo, rehefa miresaka. Ary manoratra ny Soratry aho eto, sy naoty iray, angamba, fa avy eo dia tsy maintsy miverina aho ka mieritreritra an'izay notenenin'ny Tompo tamiko ho lazaina, fantatrareo, tsy maintsy miandry Azy. Ary somary miadana aho, noho izany dia manantena aho fa tsy mihazona anareo ela loatra, izao maraina izao.

³⁷ Nanontany an-dRahalahy Williams aho, hoy aho hoe, "Rahalahy Williams, adiny firy no ananako?" Hoy aho hoe, "Ankehitriny, nanana Soratra iray azoko resahaha aho eto izay hila eo amin'ny telopolo minitra fotsiny eo ho ahy, na zavatra, ary hampirava ny olona rehetra ka handeha hody." Dia hoy aho

hoe, “Fa tiako ny hanana lesona kely iray, raha azo atao,” ary eo amin’izay neveriko fa ho zavatra iray ho anareo androany, zavatra iray izay azonareo entina mody miaraka aminareo, hieritreritra an’izany.

³⁸ Ary tsy ho nifoha tamin’ny telo sasany tokoa aho izao maraina izao, na tamin’ny efatra latsaka roapolo minitra, ary nivonona ny ho tonga eto, mba ho hita fotsiny. Izaho—izaho—tsy ahoako ny ho hita. Izaho—tonga eto aho ary nianatra omaly teo amin’ny Soratra sasantsasany izay noraisiko naoty, ho an’ny zavatra iray izay nivavahako am-pahatsoram-po, sy noneveriko angamba fa, amin’ny alàlan’izany, dia mety hanampy olona iray izany. Izaho... Tsy manam-potoana ho an’ny fampisehoana sy tantara an-tsehatra isika. Isika—tsy maintsy mandeha miasa isika. Mino aho fa ho avy tsy ho ela mihitsy Jesosy.

³⁹ Ary ankehitriny dia manao horonam-peo an’ity izy ireo, ary mety misy olona iray angamba haka an’ilay horonam-peo. Ary tiako ny hanao an’izao filazana izao, hoe indraindray aho dia... matetika aho no tena tsy azo tsara marina tokoa. Ary matetika ny olona no miantso ahy, manao hoe, “Rahalahy Branham, izany ve ilay hevitra tianao nampidirana azy?” Ary indraindray ilay izy dia milaza zavatra iray isika, saingy tsy maintsy mahafantatra ianareo, manatona an’ilay izy amin’ny alàlan’ny teny izay tiako ilazana azy.

⁴⁰ Ary milaza zavatra aho indraindray izay—izay mifanohitra kely amin’ny finoan’ny olona iray angamba, tiako ianareo hahazo an’izany mazava ankehitriny, ny olona iray, izay inoan’ny olona iray. Fa izaho dia manana ny—Hafatra iray, izaho tsy... avy amin’ny Tompo, izay tsapako fa tahaka an’izany ilay izy. Ireo hafa dia mety mahatsapa fa avy amin’ny devoly Izany. Ireo hafa dia mety mahatsapa fa fahadalana Izany. Saingy, ho ahy, dia Fiainana izany. Ary tsy mikasa ny ho hafa aho rehefa milaza zavatra izay hafa, na angamba mandratra kely na mandidy, ho an’ny olona. Tsy mikasa an’izany aho ao amin’izany hevitra izany. Izaho—izaho, raha mikasa aho, amin’izay fotoana izay dia mpihatsaravelatsihy iray aho. Izaho—milaza an’izany ao amin’ny hevity ny fandrosoana aho, mankany amin’Andriamanitra. Milaza an’izany ao amin’ny hevitra mba—mba—mba hanao ny olona hahafantatra an’Andriamanitra tsaratsara kokoa aho. Ary milaza an’izany aho tsy satria hoe zavatra izay namboamboariko izany, ny tenako. Izany dia zavatra izay hitako avy amin’Andriamanitra.

⁴¹ Ary ankehitriny raha sendra miresaka eo amin’ny zavatra iray aho ao amin’ny iray amin’ireto favoriana ireto, izay mandratra olona, na... Manaova hoe, “Tsy tahaka an’izany no inoako an’Izany.”

Eny, mazàna aho no nanao an'izany filazana henjana izany. Ary ny vadiko mipetraka etsy mihaino ahy, fantany fa tsy misy fombafomba betsaka loatra ny amiko. Izaho—izaho... Tahaka anareo rehefa mihinana akoho fotsiny, ka midòna amin'ny taolana iray ianareo. Ankehitriny, tsy misy mpitia akoho tsara iray hanary an'ilay akoho satria nidòna tamin'ny taolana iray izy. Ariany fotsiny ilay taolana, avy eo dia manohy mihinana an'ilay akoho izy. Ilay zavatra iray ihany amin'ny fihinanana tarta serizy. Rehefa midòna amin'ny voany iray aho, izaho—izaho—tsy ariako mihitsy ilay tarta, ilay voany fotsiny no ariako. Noho izany...

⁴² Ary izay lazaiko eto dia mety toy ny, ao amin'iray amin'ireo favoriako, izany dia mety toy ny voany iray aminareo, eny, avelao eny amin'ny sisiny fotsiny izany ka, manaova hoe, avelao ho ahy fotsiny izany hoe tsy mahafantatra betsaka mikasika an'izany noho ny ahafantaranareo aho. Koa, noho izany, manohiza fotsiny ianareo ary hano izay heverinareo fa tsara. Ary izaho dia...

⁴³ Matoky aho ankehitriny fa hitahy Ny Teniny ny Tompo. Mpino mafy iray an'ny Teny aho, ary ny Teny irery ihany. Ny Teny irery ihany fotsiny, ary izany no Hafatra izay nomen'ny Tompo ahy.

⁴⁴ Samihafa isika, ny iray amin'ny hafa. Nahamarika aho izao maraina izao, ireo rahalahiko, misionera, evanjelista, ary pasitera, mitsangana eto, angamba—angamba zato na mihoatra amin'izy ireo, mitsangana eto. Ny tsirairay avy amin'izy ireo no mendrika kokoa hitsangana eto sy hiresaka, noho izaho. Manana antoka ny amin'izany aho. Saingy, hitanareo, ny tsirairay avy amintsika, ny anankiray dia tsy afaka haka ny toeran'ilay anankiray hafa. Ny anankiray tsy afaka haka ny hafatr'ilay anankiray hafa. Hitanareo, manana ny fombantsika samihafa isika.

⁴⁵ Masi-mandidy Andriamanitra. Rehefa Izy...Iza, iza no afaka hiteny amin'Andriamanitra hoe ahoana no anaovana zavatra, tany amin'ny voalohany, fony Izy irery ihany no nisy? Hitanareo? Ary raha manana Fiainana Mandrakizay isika, endrika Fiainana Mandrakizay anankiray ihany no misy, ary izany dia Andriamanitra. Noho izany raha manana Fiainana Mandrakizay isika, dia efa niaraka tamin'Andriamanitra mihitsy isika tamin'izany, ampanhan'Andriamanitra. Toetrary isika. Toetrary isika ankehitriny. Ary, satria, "Tamin'ny voalohany ny Teny." Ary ny teny iray dia fisainana iray voaseho. Noho izany dia Fisainany isika, avy eo dia voaseho tao amin'ny teny ary lasa an'izay maha-izy antsika. Izany no antony hoe ireo anarantsika, angamba tsy izay ananantsika ankehitriny, fa ireo anarantsika dia efa napetraka eo amin'ny Bokin'ny Fiainan'ny Zanak'ondry talohan'ny fanorenana an'izao tontolo izao. Hitanareo? Ary raha tsy tao izany tamin'izany, dia tsy ho ao mihitsy. Hitanareo? Ary Jesosy dia tonga mba hanavotra an'ireo

rehetra, izay, manana ny anarany voasoratra eo amin'io Boky io. Hitanareo, efa Fantany.

⁴⁶ “Ilay mpanefy,” araka ny tenenin’ny Romana 8 amintsika hoe, “iza no afaka hiteny amin’ilay mpanefy? Afaka milaza ve ilay tanimanga hoe, ‘Izaho ataovy an’izao, izao?’” Hitanareo? Tsia. Tsy maintsy maneho an’ireo Toetrany rehetra Andriamanitra. Ary noho izany dia tsy maintsy manao vazy anankiray ho tsinontsinona Izy, ary ilay anankiray hafa ho hajaina, mba haneho an’io anankiray io ho ambony, mazava ho azy. Ankehitriny, fa masi-mandidy Izy, hitanareo, tsy misy olona afaka hiteny Aminy an’izay hatao.

⁴⁷ Ary manao antsika ho samihafa Izy. Na dia ny...eo, nilazana isika, ao amin’ny Baiboly, fa ireo kintana dia samihafa, ny kintana iray dia samihafa amin’ilay hafa. Fantatrareo, misy fahasamihafana iray any An-danitra, eo amin’ireo Anjely, ireo vatan’Anjely; misy ireo Anjely, misy ireo Kerobima, misy ireo Serafima, ary ny—ny fahasamihafan’izy ireo Any. Ary samihafa isika rehetra. Ary Andriamanitra dia manana an’ireo tendrombohitra goavana, manana an’ireo lemakta Izy, kijana, ahitra, tany efitra, rano. Hitanareo, Izy dia—manana samihafa Izy, Izy dia—Izy dia—dia Andriamaniry ny karazana. Ary jereo ny Olony eto izao maraina izao, ny sasany amintsika fotsy, ny sasany mainty, ny sasany volontany, ny sasany mavo, ny sasany mena; hitanareo, izany no—izany no Olony. Izy dia ny... Izy dia—Andriamaniry ny karazana Izy, ary noho izany dia heveriko fa manana an’ilay zavatra iray ihany Izy eo anivon’ireo Mpitoriteniny.

⁴⁸ Ankehitriny dia ndao isika hanondrika ny lohantsika vetivety, ho an’ny vavaka. Ary mety hilaza an’ity aho alohan’ny hamakantsika ny Teny. Fantatro fa raha ela kely fotsiny aho, ka tsy maintsy hitsangana ianareo ary hivoaka, dia hahazo aho, hitanareo, hahazo tanteraka tokoa aho. Ankehitriny dia ndao isika hivavaka. Ary raha mbola mivavaka isika, miaraka amin’ny lohantsika miondrika mankany amin’ny vovoka izay nangalan’Andriamanitra antsika, dia misy olona iray ve eto izay te-hotsarovana ao amin’ny vavaka, atsangano fotsiny ny tanganareo. Izy, Izy no mahafantatra marina an’izay ao amponareo, ao ambanin’io tanganana io.

⁴⁹ Ray any An-danitra Malala, manatona Anao am-panajana izahay, miaraka amin’ny lohanay mitodika mankany amin’ny vovoka izay Nangalanao anay. Ary avy eo ao an-tsainay dia mieritreritra izahay fa Ianao no niteny tamin’i Abrahama, indray alina, hoe afaka ve izy “hanisa an’ireo fasika izay teo amoron-dranomasina?” Ary avy eo dia niteny taminy Ianao mba “hijery hankany any amin’ireo kintana,” ka afaka ve izy “hanisa azy ireo?” Mazava ho azy, tsy azo natao izany. Ary niteny taminy Ianao fa ny “taranany dia tsy ho azo isaina, ary tahaka ny fasika eny amoron-dranomasina, sy ireo kintana

izay manazava ny lanitra.” Ankehitriny ireo fisainanay, ny eritreritray, ireo eritreritray ao amin’ireo fisainanay, raha ny marina, raha manondrika ny lohanay mankany amin’ny fasika izay nihavianay izahay; avy eo ny fonay mijery mankany An-danitra, izay handehananay. Avy amin’ny fasika mankany amin’ireo kintana, satria Taranak’i Abrahama! Maty ao amin’i Kristy, dia izahay no Taranak’i Abrahama, ary mpandova miaraka Aminy araka ny teny fikasana.

⁵⁰ Ary tonga eto izahay izao maraina izao mba hiombona manodidina an’ireo sakafon’aina ara-boajanahary, izay nalainay, mba hanala an’izany amin’ny lèlana. Ary ankehitriny dia maniry Anao hanome anay an’ity Manan’ny Lanitra ity izahay, ilay Sakafo izay hanome tanjaka anay ao amin’ilay Aina izay ao anatinay. Satria ny rà no mitondra an’io sakafo io ankehitriny, mba hampatanjaka azy, hanao sela maro, hanao anay hahery ho an’ilay andro; dia enga anie izahay handray an’i Kristy, mba Ahafahany hiditra ao amin’ireo fanahinay, izao maraina izao, amin’ny alàlan’ny Teny, sy—sy hampatanjaka anay ho an’ilay ora izay iainanay. Satria, efa lasa lavitra ny andro ary milatsaka ireo aloky ny hariva, eto ny Hazavan’ny hariva, ary handre tsy ho ela an’ireo fiantsoana izahay mba “hiakara any amin’ny Avo,” ary te-ho vonona izahay amin’izany ora izany. Noho izany, dia ampio izahay, Ray.

⁵¹ Ary tsy misy olona mendrika ny hanokatra an’ilay Boky, na hamaha an’ireo Tombokase; fa ny Zanak’ondry, izay efa voavono talohan’ny fanorenana an’izao tontolo izao, no tonga naka ny Boky sy namaha an’ireo Tombokase. O ry Zanak’ondrin’Andriamanitra, avia izao maraina izao, sokafy aminay ilay Boky, ka mamelà anay hijery ao miaraka Aminao, Tompo, ka hahita izay tsy maintsy hataonay mba hiomana ho an’io ora io. Tahio ny fiangonana tsirairay, tahio ireo favoriana ho avy, ny tsirairay amin’izy ireo, ary ny favoriana kelinay, mba hikambana amin’ireo ho avy. Ary rehefa miala eto izahay androany, dia enga anie izahay ho afaka hilaza tahaka an’ireo avy tany Emaosy hoe, “Tsy nangorakoraka tao anatintsika ve ny fontsika, raha niresaka tamintsika Izy teny an-dàlana?” Ekeo izany, Ray. Mangataka an’izany amin’ny Anaran’i Jesosy izahay. Amena.

⁵² Ankehitriny ho anareo izay te-hamadika, mazàna ianareo dia tia mamaky aorian’ny mpitoriteny iray rehefa hamaky izy, mba hahita marina hoe avy aiza no iresahany, raha manana ny Baibolinareo ianareo, ka hamadika ao amin’ny Masindahy Matio ny toko faha-4.

⁵³ Ary ankehitriny dia hanome ny lahateniko mihitsy aho alohan’ny hiresahako; eo ho eo, tiako ny hampianatra azy tahaka an’izany, ary hiresaka azy raha mandroso isika. Ary izao no nataoko titra, na manao ahoana na manao ahoana, tsy fantatro hoe nahoana, manisy titra an’ity aho hoe: *Ny Fotoam-Pijinjana*.

⁵⁴ Ary hanao famakiana Soratra iray isika, mba hanao fototra an'ity fisainana ity, hisintona avy eto ny lohahevitr'ilay lahateny. Hamaky ny Masindahy Matio isika ny toko faha-4, ampahany iray an'izany. Tao amin'ny fakam-panahy an'i Jesosy ity. Rehefa avy feno ny Fanahy Masina Izy, dia nentina nankany an-efitra Izy.

Ankehitriny rehefa nentin'ny Fanahy nankany an-efitra Jesosy mba ho alain'ny devoloy fanahy.

Ary rehefa nifady hanina efapolo andro sy efapolo alina izy, dia noana izy taorian'izany.

Ary rehefa nanatona azy ny mpaka fanahy, dia hoy izy hoe, Raha ianao no Zanak'Andriamanitra, dia didio ho tonga mofo ireto vato ireto.

Fa izy namaly ka nanao hoe, Voasoratra hoe, Tsy ny mofo ihany no iveloman'ny olona, fa ny teny rehetra izay aloaky ny vavan'Andriamanitra.

Ary nitondra azy nankany amin'ny tanàna masina ny devoloy, ka nampitoetra azy teo an-tampon'ny tempoly,

Ary hoy izy taminy hoe, Raha ianao no Zanak'Andriamanitra, dia azerao any ambany ny tenanao: fa voasoratra hoe, Izy handidy ny anjelingy ny aminao: ary eny an-tanany no hitondran'izy ireo anao, fandrao ho tafintohina amin'ny vato amin'ny fotoana rehetra ny tongotrao.

Hoy Jesosy taminy hoe, Voasoratra hoe koa, Ianao tsy haka fanahy ny Tompo Andriamanitrapo.

Ary indray koa, ny devoloy dia nitondra azy nankeo... an-tendrombohitra avo indrindra, ka naneho taminy an'ireo fanjakana rehetra amin'izao tontolo izao, sy ireo voninahitr'izy ireo;

Dia hoy izy taminy hoe, Ireo zavatra rehetra ireo dia homeko anao, raha ianao no hiankohoka ka hanompo ahy.

...hoy Jesosy taminy hoe, Mialà amiko ianao, ry Satana: fa voasoratra hoe, Ianao dia hanompo ny Tompo Andriamanitrapo, ary izy irery ihany no hotompoinao.

⁵⁵ Tiako ny hiverina kely fotsiny, eo amin'ny andininy faha-4 indray.

Fa izy namaly ka nanao taminy hoe, Voasoratra hoe, Tsy ny mofo ihany no hiveloman'ny olona, fa ny teny rehetra izay aloaky ny vavan'Andriamanitra.

⁵⁶ Ankehitriny ho an'ny lohahevitra iray, dia tiako ny handray an'ity, "ny Teny rehetra izay aloaky ny vavan'Andriamanitra." Ankehitriny hazony ao an-tsaina izany raha mbola miresaka isika.

⁵⁷ Nilaza Jesosy indray mandeha, ao amin'ny Masindahy Jaona 6:48, mino aho fa marina izany, ary arak'izay noraisiko naoty izao maraina izao hoe, "Izaho no Mofon'Aina." Tamin'ny fetin'ny Paska izany, rehefa ireo Jiosy no—no nihinana ny hostiany ho fahatsiarovana ny mana izay nilatsaka tany an-efitra, ary—ary nisotro avy tamin'ny loharano iray izy ireo tany maneho an'ilay Vatolampy izay tany an-efitra, ary nanana fotoana iray lehibe izy ireo. Dia niantsoantso Jesosy, teo afovoany, ka hoy Izzy hoe, "Izaho no Mofon'Aina. Ny razanareo nihinana ny mana tany an-efitra, nandrity ny efapolo taona, nefo ny tsirairay avy tamin'izy ireo, dia maty. Fa Izaho izany Mofo izany izay avy tamin'Andriamanitra any An-danitra. Raha mihinana an'izany ny olona iray, dia tsy ho faty izy." Ary ho an'ilay vatolampy, dia hoy Izzy hoe, "Izaho izany Vatolampy izany izay tany an-efitra. Izaho izany Vatolampy izany izay nisotroan'ireo razanareo."

⁵⁸ "Ahoana?" Hoy izy ireo hoe, "Ianao dia lehilahy iray tsy mihoatra ny dimampolo taona akory, nefo milaza ve fa efa nahita an'i Abrahama Ianao? Ankehitriny dia fantatray fa manana devoly iray Ianao ary adala."

⁵⁹ Dia hoy Jesosy hoe, "Talohan'ny nisian'i Abrahama, dia IZAHO NO IZY." Hitanareo, "IZAHO NO IZY" dia ilay Andry Afo izay tao amin'ilay roimemy nirehitra, izay niresaka tamin'i Mosesy. Ary raha handinika tsara an'izany ianareo ao amin'ireo anarany sy mpisolo anarany, dia tsy hoe "Izaho izay izy, Izaho izay ho izy." "IZAHO NO IZY" dia fotoana ankehitriny, isan'andro.

⁶⁰ Mieritreritra an'izany isika, hoe Izzy no nilaza, Izzy tenamy ankehitriny, hoe, "Izaho izany Mofon'Aina izany." Ankehitriny dia ahoana no nahafahan'ity lehilahy ity ho Mofon'Aina? Izany no anontaniantsika. "Ny Tenako no Mofo," hoy Izzy. Ary ankehitriny dia ahoana no nahafahan'ity lehilahy ity ho Mofo? Somary hafahafa izany, saingy aza sahiran-tsaina mikasika an'izany. Ireo olona tamin'ny Androny no sahiran-tsaina mikasika an'izany. Tsy fantatr'izy ireo fa afaka ny ho Mofo tokoa io lehilahy io, ny Tenany. Ao amin'ny Masindahy Jaona 1 ihany koa, dia tahaka an'izany no nanomezana azy antsika, hoe, "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivontsika." Noho izany, ny Teny dia lasa Mofo. Ny Teny sy ny Mofo eto dia tsy maintsy ilay iray ihany, satria Jesosy no Teny ary Izzy no Mofo.

⁶¹ Ahoana no Nahafahany ho Mofo sy Teny ankehitriny? Ny rehetra... Hanahiran-tsaina izany, ho an'ilay fisainana aranofo. Fa isika dia manantena, izao maraina izao, fa tsy misy fisainana ara-nofo eto anivontsika, fa misy fisainana ara-panahy eto anivontsika, izay ahafahantsika mahazo an'izay ezahan'ny Ray entina amintsika eto. Eo am-pahitana fa manahiran-

tsaina ireo teny ireo, saingy, amin'ilay fotoana iray ihany, dia Fahamarinana ara-tSoratra izy ireo, hitanareo.

⁶² “Ankehitriny dia ahoana no nahafahan’ity lehilahy ity ho Mofo?” Izany no nolazain’izy ireo. Izany no, mino aho, Josephus, maro amin’ireo mpahay tantara . . . rehefa nianatra an’izany aho.

⁶³ Ankehitriny dia manoratra boky iray aho, ny hevitro eo amin’ireo toko efatra voalohany an’ny Apokalypsy, manantena ny hanana azy tsy ho ela mihitsy. Ho boky lehibe iray izany. Avy eo dia hanana bokilkey an’ny taom-piangonana tsirairay aho.

⁶⁴ Ary nianatra ny tantaran’ny fiangonana aho. Izaho . . . somary ao an-tsaiko ilay izy, mino aho fa Josephus ilay izy, izay, iray amin’ireo mpanoratra taloha, na ahoana na ahoana, izay nilaza fa, “Ity Jesosy avy any Nazareta ity, Izay nandeha nanasitrana ny marary,” hoy izy, “ireo Mpianany dia nihady Azy ka nihinana ny Vatany.” Hitanareo, nandray fandraisana izy ireo. Ary nihevitra izy ireo fa nihady ny Vatany ary nihinana ny Vatany. Fa, tena mihinana ny fandraisana isika, na mandray ny fandraisana, amin’ny endrika mari-pamantarana, an’ny Vatany, satria Izy no Teny.

⁶⁵ Ankehitriny, hitanareo, manahiran-tsaina izany. Ary, amin'ilay fotoana iray ihany, dia Soratra izany. Ary hoy Jesosy hoe, “Tsy maintsy tanteraka ny Soratra rehetra.” Hitanareo? Ankehitriny, tiantsika foana ny hanodina ny fisainantsika any amin’ny zavatra rehetra mifanohitra amin’ity Soratra ity. Aza mihitsy, mihitsy, amin’ny fotoana rehetra, mamela an’ity Soratra ity ho an’inona na inona, tsy Teny anankiray amin’Izany. Mijanònà marina tokoa amin’ity Soratra ity.

⁶⁶ Ankehitriny, tsy maintsy hitsara ny olona Andriamanitra indray andro any. Ary raha hitsara ny olona amin’ny alàlan’ny fiangonana iray Izy, dia ho fiangonana iza izany? Hoy izy ireo hoe, “Ny fiangonana Katolika.” Eny, noho izany, dia fiangonana Katolika iza? Hitanareo? Satria samihafa izy tsirairay ireo, ratsy lavitra noho ny antsika izy ireo. Hitanareo, samihafa izy ireo, ny anankiray . . . Samihafa daholo ny endrik’izy ireo, ny Romana sy ny Ortodoksa, sy ny Jiosifanita ary, oh, foko maro samihafa amin’izy ireo. Ary mifanakenda tokoa izy ireo, noho izany dia iza amin’ireo fiangonana Katolika? Raha manao an’izany amin’ny alàlan’ny fiangonana Protestanta Izy, dia fiangonana Protestanta iza? Samihafa ny tsirairay avy.

⁶⁷ Fa hitsara an’izao tontolo izao Izy, ary tsy maintsy manana fenitra iray Izy hitsarana an’izao tontolo izao, raha tsy izany dia tsy ho marina Izy ny hamela antsika handeha ankehitriny ka—ka hiaina an’ity fiainana ity tsy misy fenitra hitsarana. Iza no ho marina? Aiza no ahafahanareo hiteny hoe inona no marina? Tsy maintsy misy fenitra iray eo.

⁶⁸ Ary Izy no nilaza, ao amin'Ny Baiboliny, fa hitsara an'izao tontolo izao amin'ny alàlan'i Jesosy Kristy Izy. Ary mamaky isika eto fa Jesosy dia ny Teny. Ao amin'ny Hebreo 13:8, dia voalaza fa, "Izy no tsy miova omaly, anio, ary mandrakizay." Koa, noho izany, dia hitsara ny fiangonana amin'ny alàlan'ny toetran'izy ireo manoloana an'i Kristy Izy, Izay ny Teny. "Tsy ny mofo ihany no iveloman'ny olona, fa ny Teny rehetra izay aloaky ny vavan'Andriamanitra." Tsy avy amin'ny vavan'olona, tsy avy amin'ny seminera, tsy avy amin'ny—ny fiangonana, fa, "avy amin'ny vavan'Andriamanitra." Tsy maintsy mivelona amin'Izany ny olona, ary Izany irery ihany; tsy fandikan'olona, fa ny Tenin'Andriamanitra Manokana!

⁶⁹ "Eny," hoy ianareo, "misy fahadisoana iray *Eto*." Raha misy izany, dia Andriamanitra no tompon'andraikitra amin'izany. Izy no nitondra an'izany teo amiko, hitanareo. Ity no tsy maintsy raisiko, eto amin'izay Nolazainy mihitsy.

⁷⁰ Ankehitriny, raha somary manahiran-tsaina ity, ary mikasika ny hoe "lehilahy iray dia Mofo ary Teny," dia ndao isika handeha ankehitriny ka hikaroka an'izany. Ndao isika hitady. Satria, marina avokoa ny Soratra rehetra, ary izy ireo—tsy azo foanana mihitsy izy ireo. Ho tanteraka ny Soratra rehetra. Tsy mampaninona na toa hafahafa toy ny ahoana aza ilay izy, Izany, ho tanteraka foana izany.

⁷¹ Ahoana moa raha—raha Rahalahy Williams na—na ny iray amin'ireo rahalahy eto, ny rain'ny-rain'ny-raibentsika, dia afaka nitsangana teo amin'ny sehatra izy roa, izao maraina izao, ka, milaza, eny, mampiseho an'ireo televiziona? Ary angamba nisy olona iray naminany tany aoriana tamin'ny andron'izy ireo tany, ka nanao hoe, "Hisy fotoana iray izay ahafahanareo handre feo iray manodidina an'izao tontolo izao."

⁷² Ho nilaza izy ireo hoe, "Eny, avelao hipetraka tsara ilay lehilahy antitra mampalahelo, veriny ny sainy."

⁷³ "Ary hisy fotoana iray izay hikorinan'ny loko eny amin'ny habakabaka." Eto izany izao ankehitriny izao. "Ary hanodina bokotra kely iray izy ireo, ka hahita ny olona manodidina an'izao tontolo izao mihetsika ianareo, sy ny sisa, eo amin'ny fitaratra fijerena mihitsy."

⁷⁴ "Eny," hilaza izy ireo hoe, "ilay lehilahy antitra mampalahelo!" Hitanareo? Fa manana an'izany isika ankehitriny, ao anatin'ity efitra ity mihitsy izao maraina izao.

⁷⁵ Ary tiako ny hanao anareo ho tonga saina amin'izany, alohan'ny anatonantsika lavidavitra kokoa, hoe ato amin'ity efitra ity Andriamanitra. Eto ilay Mpanoratra an'ity Teny ity. Noho izany, tsy mampaninona na ahoana no iakanjoanareo, na ambaratonga inona no iainanareo eo amin'ny fiaianana, na karazana trano inona no ipetrahانareo, na karazana fiara inona no entinareo, na fianarana firy no anananareo, mijery ny fonareo

Andriamanitra. Ary mijery ny foko Izy. Ary hotsaraina avy amin'ny fontsika isika, tsy amin'ny tenintsika akory aza. Ny fontsika no mitsara antsika. "Ayy amin'ny fo no itenenan'ny vava." Raha tsy izany ilay izy, dia fihatsarambelatsihy.

⁷⁶ Ankehitriny, ato amin'ity efitra ity ankehitriny dia misy olombelona tonga, endrik'olombelona, mandalo eto, avy any amin'ny manodidina an'izao tontolo izao, feo mihira, dia ato amin'ity efitra ity izao ankehitriny izao. Saingy, hitanareo, voafetra fotsiny ianareo, ao amin'ireo taovampanamboloanareo, amin'ny isan-jato iray amin'ny fahitana. Fa afaka maka an'ilay krystaly ianareo ankehitriny, na ilay fantsona na inona na inona ao anatin'ilay televiziona, ka mamelona azy, ary miaraka amin'io fitaovana io izay afaka manodina an'ireo ether-onjan'ether, ary manodina an'izany, mba hampifintina an'izany ao anatin'ny fantsona iray, ary maka an'ireo olona ireo; olona iray any Australie, Afrika Atsimo, na aiza, Inde, na mety ho aiza ilay izy na aiza. Afaka mitsangana eto ianareo, eo amin'ny fitaratra fijerena iray, ka mahita ny lokon'ny akanjo izay anaovan'izy ireo mihitsy aza, ny lokon'ireo hazo, ary ny fihetsika tsirairay ataon'izy ireo. Alefaso fotsiny ilay televiziona, jereo raha tsy izany ilay izy.

⁷⁷ Noho izany, tsy maintsy any ho any izany, miafina amin'ny masontsika, mandalo eto mihitsy io zavatra iray ihany io ankehitriny. Nandalo teto izany rehefa nandre an'Andriamanitra i Abrahama nanao hoe, "Miandràna mankany amin'ireo kintana." Teto izany rehefa nipetraka teo amin'ny Tendrombohitra Karmela i Elia. Teto izany rehefa teto i Adama, saingy izao fotsiny vao hitan'izy ireo izany.

⁷⁸ Ary noho izany dia eto Andriamanitra, sy ireo Anjely. Ary ho tena zava-misy mihitsy izany indray andro any tahaka ny televiziona na zavatra hafa rehetra, satria hitondra antsika hankao amin'ny Fiainana tsy mety maty ny Fanahy. Amin'izay fotoana izay dia hahazo isika. Koa, noho izany, dia miresaka avy amin'Ny Teniny isika. Ankehitriny, izany, isika dia hiezaka . . .

⁷⁹ Andriamanitra, Andriamanitra ilay Mpamorona lehibe, ndao isika hiezaka hiresaka mikasika ny endriky ny natiora, haka Azy ao amin'ny natiora aloha, hamerina an'izany amin'ny Teny. Ankehitriny, mandeha miaraka amin'ny Teny mihitsy ny natiora, satria Andriamanitra no Mpamorona ny natiora. Rehefa mahita ny fomba fiasan'ny natiora ianareo, ny . . . mahita fa tahaka an'izany ilay izy. Izany, izany no Baiboliko voalohany, dia ny nahita hoe ahoana ny natiora . . . nahita an'Andriamanitra tao amin'ny natiora. Ary ny vary no vokatry ny natiora, mofo, manao mofo avy amin'izany, izay mamelona an'ilay vatana araboajanahary. Mihazona tsiambaratelo maro ny natiora. Isika . . . ary izany no fotoako voalohany ahitana an'Andriamanitra, dia ny nandinika ny natiora. Hitako fa tsy maintsy nisy zavatra tao. Ary, ankehitriny, tsy manana fianarana aho, noho izany

dia miteny betsaka araka ny natiora aho. Ary izany dia...tsy miezaka manohana ny tsi-fahaizana aho. Fa miezaka aho ny milaza fa tsy voatery hanana fahaizana iray akory aza ianareo, hahafantarana an'Andriamanitra.

⁸⁰ Jaona Mpanao-batisa, ilay mpialoha lèlana an'i Kristy, rehefa nivoaka avy tany an-efitra izy...Nampianarina isika fa nandeha nankany an-efitra izy, tamin'ny fahasivy taonany, ary nijanona tany izy satria lehibe loatra ny asany. Mpisorona iray ny rainy. Ary tao amin'io laharana anankiray an'ny fisoronana io, na anaram-piagonana, oh, dia hoy ny rainy hoe, "Ankehitriny, ry Jaona, fantatrao fa ianao no tsy maintsy hampahfantatra ny Mesia. Fantatrao, io Rahalahy *Ranona-sy-eto* io no tena mety tanteraka ho ny Mesia!" Noho izany dia tsy maintsy niala lavitra an'izany i Jaona, lasa nandeha tany an-efitra irevy izy, satria tsy maintsy fifidianan'Andriamanitra ilay izy, fa tsy fifidianan'olona, mihitsy, hoe iza no ho Mesia. Noho izany, dia nandeha tany izy teo amin'ny fahasivy taonany teo.

⁸¹ Ary, mahamarika ianareo, rehefa nivoaka izy, tamin'ny faha-telopolo taonany, dia tsy tahaka ny teolojiana iray ireo toriteniny. Tsy nampiasa teny mibontsimbotsina izy, fa mikasika ny natiora izy rehetra. Nilaza tamin'ireo lehilahim-piagonana an'izany andro izany izy, hoy izy hoe, "Ianareo taranaky ny bibilava." Izany no hitany tany an-efitra, bibilava. Nankahala bibilava izy. Poizina izy ireo. Nanana poizina mahafaty izy ireo tao anatin'ireo faingony, ary notononinny teo amin'ilay fiagonana an'izany andro izany io hoe, "Ianareo andiam-bibilava misy poizina, iza no nampitandrina anareo handositra ny fahatezerana ho avy? Aza manomboka milaza hoe, 'Mikambana amin'ity izahay,' ary, 'Izahay dia—izahay dia Zezoita,' na 'Izahay dia *izao-sy-izao*,' na, 'Mikambana amin'ny Metodista izahay, Batista, Presbyterana,' na inona na inona ilay izy. Aza manomboka milaza fa manana an'izany ianareo, satria, teneniko aminareo, Andriamanitra dia mahay manangana zanaka ho an'i Abrahama avy amin'ireto vato ireto." Hitanareo?

⁸² Ary koa, "Ny famaky," izany no nampiasainy tany an-efitra, "hipetraka eo amin'ny fototry ny hazo izany. Ka ny hazo rehetra izay tsy mamoa voa tsara—voa, dia kapaina ary atsipy ao anaty afo." Hitanareo, tsy hikapa hazo iray izay mitondra voa izy, satria nivelonam tam'in'ny voan'ilay hazo izy. Fa, ilay hazo izay tsy mitondra voa! Oh, afaka maka ny Soratra rehetra mihitsy ianareo, izay voatsindrimandry, hany ka ny zavatra ao anatiny ao dia mifanarakana amin'i Jesosy Kristy. Hitanareo hoe, "Ny hazo rehetra izay tsy mamoa voa tsara dia kapaina ary atsipy ao anaty afo," sy ny sisa. Hitanareo, izy—nampiasa ny hafany tao anatin'ny faritry ny natiora izy.

⁸³ Ary te-hiatrika an'izany isika ankehitriny, satria hitantsika fa hoy Izy hoe, "Izaho no Mofo. Ary hivelona amin'ny Teny

rehetra ny olona, ary Izaho no Teny.” Hitanareo? Noho izany dia te-hiverina ao amin’ny natiora isika. Mahamarika aho fa imbetsaka no tsy maintsy hanaovako an’izany.

⁸⁴ Ary eo amin’ny ambaratonga iray ihany ny natiora. Maka fotoana handinihanareo an’ireo vorona rehetra miangona ianareo, miainga ka mandeha mankany an-tsaha ary mandeha mba hihinana. Diniho ireo biby fiompy rehefa mivoaka izy ireo, miparitaka eny amin’ny saha, mihinana. Atsipazo ny fintanareo, hihinana ny trondro. Fa rehefa ireo biby fiompy ireo... Rehefa mitampify eny ambony hazo ireo vorona ireo, ary miala eny amin’ny zorony ireo biby fiompy ireo, dia tsara aminareo ny mampiakatra ny fintanareo. Tsy hihinana izy ireo, satria mandeha eo amin’ny ambaratonga iray ihany ny natiora isan’andro.

⁸⁵ Ary toy izany koa no andehanan’ny Tenin’Andriamanitra ao amin’ny fitohizana. Manao ny zavatra rehetra izay Ataony eo amin’ny ambaratonga iray ihany Andriamanitra. Nanapakevitra Izy tany amin’ny voalohany, rehefa verin’ny olona ny fiombonana niaraka Taminy, fa hamonjy azy amin’ny alàlan’ny rà nalatsaky ny anankiray tsy manan-tsiny Izy. Ary tsy nanova ny Fombany mihitsy Izy. Niezaka nampianatra azy ireo hiditra tao amin’izany isika, nanao azy ireo ho anaram-piangonana hiditra tao amin’izany, ary—ary niangavy azy ireo hiditra tao anatin’izany, nikapokapoka azy ireo hiditra tao anatin’izany, na nihiaikiaka azy ireny hiditra tao anatin’izany. Mbola mijanona ho tsy miova foana izany, ao amin’ilay Rà nararaka irey ihany no ihaonan’Andriamanitra amin’ny mpino iray.

⁸⁶ Tsy, tsy afaka manao Fiombonambe Maneran-tany anankiray an’ireo fiangonana ianareo ka hihaonan’ny olona rehetra. Tsy hety mihitsy izany; efa tsy nety mihitsy izany, tsy hety mihitsy izany. Tahaka an’izany no anoherako an’io rafitra io. Manana rafitra iray Andriamanitra. Nandre an’izany voalaza ianareo androany hoe, “Aoka ho tonga miaraka ny fiangonana rehetra, hisy Fiombonambe Maneran-tany iray an’ireo fiangonana. Ary nivavaka ho an’izany Jesosy, hoe mba ‘ho iray isika rehetra.’” Eny, ankehitriny, hitanareo, izany ilay fisainana ara-nofo, tsy mahafantatra ny Fanahy.

⁸⁷ Hoy Jesosy hoe, “Mba ho iray izy ireo, Ray, tahaka Ahy sy Ianao iray.” Tsy hoe lehilahy iray eo ambonin’ny zavatra iray, tsy hety mihitsy izany; ny anaram-piangonana anankiray te-ho eo ambonin’ilay hafa, ary lehilahy anankiray eo ambonin’ilay anankiray hafa. Fa mba ho iray amin’Andriamanitra ianareo, tahaka an’i Kristy sy Andriamanitra iray, izany ilay vavaka. Izany, Izy no Teny, ary nivavaka Jesosy mba ho ny Teny isika, mampitaratra Azy. Izany no Fivavahany mba ho voavalys.

⁸⁸ Hitanareo ve hoe toy ny ahoana no amalian’i Satana an’ilay izy ao amin’ny fisainana ara-nofo? Fa ny vavak’i Jesosy dia

tsy izany, mihitsy, hoe mba hiangona miaraka isika rehetra ka hanana fanekem-pinoana anankiray sy ny sisa. Isaky ny manao an'izany izy ireo, dia mandeha lavitra kokoa sy lavitra kokoa an'Andriamanitra.

⁸⁹ Tiany ho iray amin'Andriamanitra isika, ary Andriamanitra dia ny Teny. Ny isam-batan'olona tsirairay, ao am-pony, dia tsy maintsy io iray amin'Andriamanitra io.

⁹⁰ Andriamanitra eo am-pahafantarana an'izany, io, ireo zavatra rehetra ireo dia miasa tahaka an'izany. Tahaka an'izany ankehitriny no ahitantsika an'Andriamanitra matetika, dia ny mijery ny natiora. Ireo vanim-potoana, mifandimby mihodina, dia manaporofa an'Andriamanitra. Teo no nahitako an'izany voalohany, ahoana fa misy aina iray mivoaka ao amin'ny lohataona, miaina amin'ny fiainany izy, mamokatra voa iray, maty ary mandeha mankao amin'ny tany, miverina indray ao amin'ny fitsanganana, mihodinkodina fotsiny. Afaka mandany ora maro eo amin'izany isika.

⁹¹ Fa ankehitriny samihafa toy ny ahoana izany tahaka, ny rahalahintsika misionera eto, any Inde. Mahita maro aho any, ary manerana an'izao tontolo izao, mino ny fiverenana tonga nofo indray izy ireo, hoe, izy ireo—izy ireo, hoe maty ianareo eto tahaka ny olona iray ary miverina indray ianareo tahaka ny vorona iray na biby iray. Hitanareo, tsy miteny araka ny natiora izany.

⁹² Ny natiora dia miteny fa io voa iray ihany izay nandeha nankao amin'ny tany io, io voa iray ihany io no miakatra indray. Hitanareo? Ilay Jesosy iray ihany izay nandeha nidina, no ilay Jesosy iray ihany izay miverina. Haleloia! Ary ity vatana ity, rehefa milatsaka ao amin'ny tany izy, tsy hiverina ho voninkazo iray izy na zavatra hafa iray, hiverina ho lehilahy iray na vehivavy iray izy. Mahita an'izany ao amin'ny natiora isika, ahoana no ataony, tsy maintsy mitety an'ireo ririnina mangatsiaka izy, ary lò sy ny sisa, saingy ilay aina dia voatahiry raha misy aina iray ao anatiny.

⁹³ Fa raha, eo, raha tsy lonaka io voa io, dia tsy hitsangana mihitsy indray izy; tsy afaka hitsangana izy, tsy misy na inona na inona ao anatiny hanangana azy. Ary raha lasa Kristiana iray ara-anarana fotsiny isika... Misy fiangonana roa eto amin'izao tontolo izao, fiangonana ara-boajanahary, fiangonana arapanahy, izy rehetra ireo dia antsoina hoe "Kristiana." Fa ilay fiangonana ara-boajanahary dia tsy afaka hitsangana. Manao ny fitsanganany ao amin'ny Fiombonambé Manieran-tany izy ankehitriny, fiombonamben'ny fiangonana.

⁹⁴ Fa ny Kristiana dia mitsangana mba hitsena an'i Kristy satria Ampakarina iray Izzy, handeha hitsena Azy. Misy fahasamihafana iray eo amin'izy ireo. Mihazona an'ireo tsiambaratelo ireo ny natiora, amintsika, ary afaka mahita

azy ireo isika raha mandinika azy ireo. Ary hitantsika fa miteny ny Fahamarinana io Kristianisma io, ny amin'ny fahafatesana, fandevenana, ary fitsanganana.

⁹⁵ Raha misy arak'izany mofo vary iray izay fantatsika fa ivelomantsika rehetra, ary fantatsika fa fomba tokana ihany no ahafahantsika hany ho velona, izany dia amin'ny alàlan'ny fangalana an'ireo zavatra maty hankao amin'ny vatantsika. Tsy afaka ho velona amin'ny fomba hafa ianareo.

⁹⁶ Nihaona tamiko ny mpihinana zava-maniry iray, vao tsy ela akory izay, hoy izy hoe, "Rahalahy Branham, nanana fahatokiana betsaka anao aho mandra-pandrenesako anao nilaza fa nihinana lemin-kisoa atao kitoza sy atody ho an'ny sakafo maraina ianao." Hitanareo? Dia hoy izy, "Ahoana no ahafahan'ny lehilahy masina iray hihinana zavatra tahaka an'izany?"

Hitanareo, hoy aho hoe, "Eny, inona no maharatsy an'izany?"

⁹⁷ Ny zavatra rehetra dia tsy madio, saingy nohamasinin'ny Tenin'Andriamanitra sy ny vavaka izany. Hoy ny Baiboly hoe, "Raha mpitoriteny tsara an'i Jesosy Kristy ianao, dia hampahatsiahy an'ireo zavatra ireo amin'ny rahalahy. Hitanao, ny zavatra rehetra dia nohamasinina, tsy misy na inona na inona tokony ho lavina, raha raisina amin'ny fisaorana izany," Timoty Voalohany :3. Ankehitriny dia hitantsika fa marina izany. Noho izany dia hoy aho hoe, fara-fahakeliny . . .

Hoy aho hoe, "Eny, ianao ve tsy voatery hihinana zavatra maty, ihany koa?"

"Oh, tsia, tompoko!"

⁹⁸ Hoy aho hoe, "Raha velona mihitsy ianao, dia voatery mivelona amin'ny zavatra maty. Raha mihinana mofo ianao, dia maty ilay vary. Raha mihinana anana ianao, maty izany. Na inona na inona ataonao, na dia ny ronono aza, dia misotro an'ilay mikraoba ianao. Tsy maintsy ianao." Amin'ny alàlan'ny zavatra maty ihany no ahafahanao ho velona.

⁹⁹ Ary noho izany raha misy zavatra iray tsy maintsy maty mba ahafahantsika ho velona ara-batana, dia tsy nihoatra noho izany ve no tsy maintsy hahafatesan'ny zavatra iray mba ahafahantsika ho velona Mandrakizay! Mila fahafatesana izany, mba hanao an'ilay izy. Mofo! Hita fa hoy Jesosy hoe, "Izaho no Mofo," ary misy mofo vary iray nefo tsy karazan'izany mofo izany Izy, noho izany dia tsy maintsy misy karazana aina roa izay mivelona amin'ny mofo. Izany no mitarika antsika eo amin'io. Tsy mety hisy . . . Izy tsy, tsy vary Izy; ary tsy Teny Izy, nofo Izy, noho izany dia tsy maintsy misy karazana aina roa. Fantatsika fa maty ny vary mba hahavelona antsika ara-batana, araka ny nolazaiko. Jesosy, ilay Mofo Teny, dia maty, mba ahafahantsika

ho velona Mandrakizay. Izy no Mofo Teny. Mariho ankehitriny, hazony ao an-tsaina izany. Ankehitriny mba hanaporofoina an'ireo Tenin'i Jesosy ho marina, dia hitantsika ao amin'izany, ao amin'ny natiora hoe, ahoana no andehanany.

¹⁰⁰ Ankehitriny dia ndao isika handeha eo amin'ny Soratra, hahita indray, hiverina ao amin'ny Soratra mandrapahatongantsika eo amin'ny tena lahatenintsika. Tao amin'ny saha, dia nanome ny Tenin'Andriamanitra ho an'ny Fianakaviany voalohany Andriamanitra mba hivelomana, ny Teny tsirairay an'izany. Ilay fianakaviana voalohany izay napetraka teto ambonin'ny tany teto, dia nomena Fiainana Mandrakizay raha mbola nijanona tamin'ny Tenin'Andriamanitra foana izy ireo.

¹⁰¹ Izany no Drafiny. "Izaho no Andriamanitra," hoy Izy, "tsy miova Aho." Mbola izany foana no Drafiny. Tsy Drafiny mihitsy ny hoe ny fanekem-pinoana, na rafi-pandaminana, na fitsipika nataon'olona, no hiveloman'ny olona, fa ny Teny rehetra izay aloaky ny vavan'Andriamanitra.

¹⁰² Ankehitriny mba hiverenana ao amin'ny Genesisy, izay ny fiandohana. *Genesisy* dia midika hoe "ny fiandohana." Hitantsika fa Andriamanitra dia nanome Fiainana Mandrakizay ho an'ny Fianakaviany raha mbola nijanona tao amin'ity Teny ity foana izy ireo ary niaina tamin'ity Teny ity. Fa rehefa nosimbain'izy ireo izany, fitohizana anankiray fotsiny tao amin'ilay rojon'ny teny fikasana, dia namely azy ireo ny fahafatesana, izay teny fikasana iray ihany koa.

¹⁰³ Fitohizana iray izany. Mihantona eo ambonin'ny helo miaraka amin'izany ianareo, ary izany no zavatra tokana izay hitondra anareo hatramin'ny farany. Rehefa lasa mody-mpino iray ny mpino ka miaina eo amin'ny teny anankiray izay mifanohitra amin'ity Teny ity, dia manapaka ny fiombonany amin'Andriamanitra izy. Fitohizana anankiray no tapaka! Ary, tsarovy, ny finoanareo an'ity Teny ity dia tahaka ny rojo iray. Ny fitohizana iray dia matanjaka indrindra eo amin'ny fitohizany malemy indrindra. Marina izany. Izany no matanjaka indrindra, izany, satria izany ihany no hotazoniny. Ary raha misy zavatra iray ao amin'ny Teny izay manahiran-tsaina anareo, zavatra izay samihafa no nandrenesanareo, fa hoy izy ireo hoe, "Ianao ve? Oh, ho an'ireo apostoly izany, ary ho an'ireo andro lasa ireo zavatra ireo," nefy ny Soratra no nilaza fa Jesosy Kristy no tsy miova omaly, anio ary mandrakizay, dia aza avela ho lasa fahalemena iray izany! Amafiso Izany ary hazony Izany, ka rakofy ao anatin'Izany ny fiainanareo, satria izay no zavatra tokana izay hitondra anareo any ambonin'ireo lelafon'ny helo. Marina izany.

¹⁰⁴ Rehefa tapaka io rojo io, tamin'i Adama sy Eva, ilay fianakaviana voalohany, tsarovy ankehitriny, tsy nanapaka

fehezan-teny iray izy ireo, tsy nanapaka Teny telo izy ireo; Teny anankiray! Hihantona eo ambonin'ny helo ny olona amin'ny alalàn'ny Teny rehetra, ny Teny rehetra izay aloaky ny vavan'Andriamanitra. Eo no amaritana ny fitodian'ny olona Mandrakizay. Nahoana, hihantona amin'ny alàlan'io rojo io izy, na hihantona amin'ny alàlan'ny fanekek-pinoana iray; na raha misy fanekek-pinoana mifangaro ao amin'ilay rojo, dia eo no misy an'ilay fitohizana malemy, ary vita ny aminareo. Teo no nisy an'ilay fitohizana malemy tamin'i Adama sy Eva. Io fitohizana malemy io, "azô antoka," hoy izy, "Andriamanitra . . ." Saingy azô antoka fa Andriamanitra no nilaza an'ilay izy! Ary raha Andriamanitra no nilaza an'ilay izy, dia izay no tian'Andriamanitra nolazaina. Ary mihazona Ny Teniny koa Izy amin'ny filazana hoe, "Ny andro ihanananareo an'izany, amin'izany andro izany no ho faty ianareo." Ny andro izay ampidiranareo zavatra hafa ao anatinareo ankoatran'ny Tenin'Andriamanitra tsy mifangaro, ao anatin'ny fanahinareo, izany no andro izay isaranareo amin'Andriamanitra.

¹⁰⁵ Ankehitriny tena mafy ity, saingy henoy tsara fotsiny. Mariho ankehitriny. Teny anankiray, Teny anankiray an'ny voalohan'ny Baiboly, Andriamanitra dia nilaza fa, "Teny anankiray, no nampisaraka ny olona tamin'ny Rojom-Piainany Mandrakizay."

¹⁰⁶ Izany dia tahaka ny maka olona iray ka manantona azy ianareo, amin'ny tongony . . . manao ny tànany mankany Andrianitra izy, ary tapahanareo ho tapany roa izy, mamotika rantsan-tongotra iray, na inona na inona ihantananareo. Mihantona eo amin'ilay ampahany tena ambany ianareo, ary, tapahanareo io rojo io, na aiza na aiza, dia vita ny aminareo. Ataovy ao an-tsaina izany ankehitriny.

¹⁰⁷ Tsarovy, hoy ny Baiboly hoe, "Amin'ny vavan'ny vavolombelona telo, no aoka hanorenana ny teny rehetra." Ho tonga eo amin'izany isika, afaka minitra vitsy, eo amin'ireo fakam-panahy telo an'i Jesosy; ireo fakam-panahy telo an'ireo mpitoriteny, amin'izao andro izao, izay anaovan'izy ireo ny fahalavoana; ireo fakam-panahy telo an'ny fiangonana, sy izay anaovan'izy ireo ny fahalavoany; ireo fakam-panahy telo an'ny rafi-pandaminana iray, sy anaovany ny fahalavoany; ary ireo fakam-panahy telo ao amin'ireo isam-batan'olona, sy izay anaovany ny fahalavoany. Ankehitriny, izany rehetra izany dia mandeha ao amin'ny telo; tahaka ny fanamarinana, fanamasinana, batisan'ny Fanahy Masina; Ray, Zanaka, Fanahy Masina. Ny zavatra rehetra dia tanteraka ao amin'ny telo.

¹⁰⁸ Mariho ankehitriny Andriamanitra, tany amin'ny voalohany, ilay zavatra tena voalohany mihitsy izay Nomeny an'ireo Zanany mba hivelomana, dia Ny Teniny. Ankehitriny dia hitantsika fa izany no fahamarinana. Avy eo ao afovoan'ny Baiboly, dia mandre an'i Jesosy tonga isika ka milaza hoe,

“Ny olona dia hivelona amin’ny Teny rehetra izay aloaky ny vavan’Andriamanitra.” Ary avy eo ao amin’ny Apokalypsy 22:18, Jesosy Izy tenany no niteny indray, nanao hoe, “Manamarina an’ireo zavatra ireo Aho. Raha misy olona hanampy teny anankiray amin’ity, na hanaisotra Teny anankiray amin’ity Boky ity, dia ho esorina ao amin’ny Bokin’ny Fiainana ny anjarany.”

¹⁰⁹ Ankehitriny, hitanareo, tsy ny fiainantsika tsara ilay izy; zavatra miaraka aminy fotsiny izany. Ilay izy tsy ny—ny fahatokian’ny fiangonantsika; mandeha miaraka aminy izany. Fa ilay zavatra lehibe dia, mijanona amin’ity Teny ity. Aza mihinana na inona na inona hafa afa-tsy ity Teny ity. Mijanona amin’Izany. Izy ity Teny ity. Ankehitriny dia te-handinika tsara isika ankehitriny.

¹¹⁰ Inona no fahasamihafana amin’ity mofo ity, an’ny famoronana, mba ivelomana? Ankehitriny, ny vary no mofon’aina, raha tsy voa iray mifangaro izy, izany dia...aleveno izy ireo fa hipoitra indray izany. Tsy maintsy voa iray masaka tsara izany. Ny voa simba dia tsy hitsangana. Fantatsika rehetra izany. Rahalahy Sothmann, mipetraka eto, mpamboly vary iray avy any Canada, dia mahafantatra fa tsy mametraka voa simba ao anatin’ny tany ianareo, mba hanantena vokatra iray avy amin’izany. Satria, ny voangory na ny—na ny bakteria, izay ao anatin’ilay voa, dia mandany azy, mandany an’ilay aina avy ao aminy aloha.

¹¹¹ Efa fantatrareo ve fa ireo tena kankana mihitsy izay handrava anareo, izay handany ny vatanareo, dia ao anatin’izy ireo izao ankehitriny izao? Hoy Joba hoe, “Na dia ravan’ny kankan’ny hoditro aza ity vatana ity!” Apetraka ao anaty vatam-paty iray ianareo ary asiana tombokase izany, voatsentsina ny rivotra; fa mbola ireo kankana foana, izay ao anatinareo, no handany anareo.

¹¹² Mahita sakafo sy lafarinina ianareo, sy ny karazany, ary mametraka azy vetivety kely, misy bibikely ao anatin, nanisy tombokase azy anefa. Inona izany? Ao anatin ao io bibikely io, eo am-panombohana. Ao izy, eo am-panombohana.

¹¹³ Ankehitriny, tsy maintsy voa tsara iray io voa io. Tsy maintsy tsy misy kilema izany, tsy fahombiazana, sy ny sisa, ao anatin. Tsy maintsy voa iray tena izy izany. Tsy mety ho voa iray mifangaro izany—voa, satria, rehefa maniry izy, dia amboleo indray, fa ny—vita ny amin’ny varinareo, satria tsy haniry indray ny voa mifangaro iray. Tsy afaka haniry indray izany. Manala an’ilay aina avy ao aminy ianareo rehefa manafangaro azy.

¹¹⁴ Ary izany no mitranga amin’ireo fiangonana. Nifangaro tamin’izao tontolo izao izy ireo, ary izany no antony hoe ny fifohazana tsirairay izay tonga, dia tsy afaka hanana fifohazana iray hafa ianareo aorian’izany. Ny rafi-pandaminana tsirairay izay hany nandrafitra, dia maty eo no ho eo ary tsy mitsangana

intsony indray, satria mandrafitra an'izao tontolo izao ao amin'ny rafitrany izy, noho izany dia tsy nitsangana intsony. Tsy misy tantara izay hany maneho fa fiangonana iray, izay hany nandrafitra, dia nitsangana indray. Maty teo izy. Nahoana? Nafangaronareo izy.

¹¹⁵ Aza mameetraka eveka eo amboniny. Aoka ny Fanahy Masina no hijanona eo amboniny. Hitanareo? Ny Fanahy Masina dia nirahina hamoaka an'ireo ahi-dratsy sy ny sisa; tsy izay eritreretin'ilay eveka, na ireo mpanara-maso ambony, na ny sisa. Mila ny Fanahy Masina hihazona an'io fiangonana io ao amin'ny toerany izany. Izy io Teny tanteraka io, araka ny ho hitantsika.

¹¹⁶ Nanana ny safidiny i Adama, ny Teny dia ho velona, na tsy mino Teny anankiray dia maty.

¹¹⁷ Manana an'ilay safidy iray ihany isika, satria tsy maintsy izany isika. Raha nametraka an'i Adama teo amin'ny Teny Andriamanitra, ary ny Teny irery ihany, avy eo Izy dia mameetraka antsika eo amin'ny fanekem-pinoana iray na karazana fanekem-pinoana iray, amin'izay fotoana izay dia tsy marina Andriamanitra ao amin'ny Fitsarany, tsy mendrika amin'ny Fahamasinany na ny Fahamasi-mandidiny izany. Fa mendrika amin'ny Fahamasi-mandidiny ny mahita fa mameetraka ny olona tsirairay eo amin'ilay fototra iray ihany Izy. Ary Andriamanitra Izy ka tsy miova. Izay ataon'Andriamanitra voalohany, dia manao an'ilay zavatra iray ihany mandrakizay Izy. Izy tsy manova mihitsy Ny—Ny fandaharany. Ny zavatra tokana, dia Ampitomboiny ilay izy, fa tsy manova an'izany mihitsy Izy. Ilay zavatra iray ihany no mitohy.

¹¹⁸ Ankehitriny, nanana safidy iray i Adama. Ary raha nihazona tamin'ny Teny izy, dia velona. Raha tsy nihazona tamin'ny Teny izy, dia maty.

¹¹⁹ Ary manana an'ilay zavatra iray ihany isika. Raha mijanona amin'ny Teny isika, dia velona. "Ny olona dia hivelona amin'ny Teny rehetra." Fa raha tsy mivelona isika, dia maty, maty arapanahy isika. Oh, mbola afaka manao tabataba foana isika, azo antoka, mitsipatsipaka, sy mivazavaza sy manao hadalana, saingy, izany, izany tsy—tsy izany no velona. Tsy izany no velona. Misionera iray aho. Efa nandre mpanompo sampy mitsipatsipaka sy mivazavaza betsaka noho izay vitantsika aho, ary milaza ho mahafantatra an'ireo andriamanitra, sy ireo zavatra tahaka an'izany. Tsy velona izy ireo. "Maty fahavelona izy ireo." Ny Baiboly no niteny an'izany. Ankehitriny dia hitantsika fa nomena antsika io safidy io.

¹²⁰ Fa nanao marimaritra iraisana tamin'ny teny anankiray an'i Satana izy, noho izany dia maty.

¹²¹ Ary raha, ny fiandohana, izay Andriamanitra tao amin'ny Fahasoavany sy ny famindrampony no afaka namela handalo fotsiny an'ireo fahorianana rehetra izay nataontsika, ireo

fahafatesan'ireo zaza kely rehetra ireo, sy ny zavatra rehetra, sy ireo ady, sy ireo ady an-trano, sy fanohomboana, ary ireo zavatra izay nananantsika; raha afaka namela an'izany handalo fotsiny Izy, ny Fahamasi-mandidin'Ny Teniny no namela Azy hampandalo fotsiny an'izany, dia ho tsi-marina Izy raha nampandalo fotsiny an'izany tamin'izany fotoana izany Izy. Azonareo ve ilay izy? Tsy afaka mampandalo fotsiny an'izany Izy. Tsy nampandalo fotsiny an'izany Izy tamin'i Adama, eo am-panombohana. Ary tsy hampandalo fotsiny an'izany Izy ho anareo na ho ahy, eo am-panombohana. Tsy maintsy manatona an'ity zavatra ity isika, ny Teny irery ihany. "Aoka ny tenin'olona rehetra ho lainga, fa ny ahy ho marina," hoy Izy.

¹²² Ankehitriny dia mitady izay andro iainantsika fotsiny isika, ny fotoam-pijinjana.

¹²³ Noho izany Andriamanitra, rehefa lavo i Adama (nozahan-toetra tamin'ny Teny, ka lavo), dia nanohy Andriamanitra, tao amin'ny Famoronany, mba hiezaka hahita lehilahy iray izay hivelona amin'ny Teny rehetra. Jereo ankehitriny. Niezaka Izy ny hitady olona, izany hoe, miaina ny Teny ho an'ny taonany. Ankehitriny, hitanareo, nanaparitaka Ny Teniny Andriamanitra, satria afaka Izy.

¹²⁴ Izy dia, Izy dia tsi-manam-petra, ary Izy dia—Izy dia manerana. Faratampon'ny fahaizana, noho izany dia mahafantatra ny zavatra rehetra Izy. Afaka ny hanatrika hatraiza hatraiza Izy. Amin'ny maha-faratampon'ny fahaizana, mahafantatra ny zavatra rehetra, noho izany dia afaka hanatrika hatraiza hatraiza Izy. Satria, tahaka an'izany no Ifidianamy antsika mialoha, tamin'ny alàlan'ny fahalalana mialoha, tsy satria hoe Izy no naniry fa *ity* olona ity dia tokony ho vonjena ary *ity* anankiray ity very. Fa efa Fantany hoe iza no ho very ary iza no ho vonjena. Hitanareo? Noho izany, amin'ny alàlan'ny Fahalalany mialoha, no Ahafahany mifidy mialoha. Ary manao ny zavatra rehetra hiasa ho an'ny Voninahiny Izy. Izany no ataon'ireo Toetrany, maneho ho an'ny Voninahiny. Fanaka iray an'ny voninahitra ary iray an'ny fahafaham-baraka, saingy Andriamanitra no manao an'izany. "Tsy izay maniry na izay mihazakazaka, fa Andriamanitra maneho famindrampo." Hitanareo?

¹²⁵ "Tsy misy olona afaka manatona Ahy," hoy Jesosy, "raha tsy Ny Raiko no mitarika azy. Ary izay rehetra efa," fotoana lasa, "nomen'ny Ray Ahy, no hanatona Ahy, mankeo amin'ny Teny." Ahoana no ahafahan'izy ireo hanatona raha tsy izy ireo no efa, izy rehetra no, voatendry mialoha hanatona izy ireo? "Izay rehetra nandray Azy, dia ireo no Nomeny hery ho tonga zanak'Andriamanitra." Hitanareo, satria efa teo amin'ny Boky ny anaran'izy ireo, tonga Izy mba hanavotra an'izay teo amin'ny Boky.

¹²⁶ Ao amin'ny Apokalypsy, dia mahita isika, rehefa nosokafana ireo Tombokase, dia nisy Boky iray. Ary Ilay nipetraka teo ambonin'ny Seza fiandrianana, Andriamanitra, no nanana an'Izany teo an-Tànanay ankavanana. Ary tsy nisy na inona na inona, tsy nisy olona, tany An-danitra na teto an-tany, na taiza na taiza, izay mendrika ny ho tonga handray ny Boky, na hijery Azy akory aza. Nitomany mafy i Jaona . . . satria teo ilay Bokin'ny fanavotana manontolo.

¹²⁷ Tao amin'ny fivoriana indray hariva, dia nihira an'ity hira ity ilay rahalahy sy anabavy kely Assemblée de Dieu hoe, "Manontany aho raha nahita ahy i Jaona rehefa nahita ny fireneta rehetra niangona izy. Nahita ahy ve izy?" Azo antoka, nahita izy, raha teo amin'ilay Boky ny anaranareo. Ary rehefa . . .

¹²⁸ Ny anaran'i Jaona dia teo amin'izany, ihany koa, ary nitomany izy satria tsy nisy olona afaka nikasika an'Izany. Ary avy eo dia tonga ny iray tamin'ireo loholona ka nanao hoe, "Aza mitomany, ry Jaona, fa ny Lionan'ny Fokon'i Joda no efa nandresy."

¹²⁹ Dia njery manodidina i Jaona mba hahita li—lionia iray, ary avy taorian'ireo lamban'efitra no nivoaka ny Zanak'ondry iray, Zanak'ondry iray izay efa voavono talohan'ny fanorenana an'izao tontolo izao. Tamin'izay fotoana izay dia nahita Zanak'ondry iray nivoa-drà nivoaka izy, ary tonga Izy ka nandray ny Boky avy teo an-Tànanay ankavanana, ary niantso ny zavatra rehetra izay teo amin'io Boky io. Izany no Bokin'ny fanavotana manontolo. Ary ity Izany. Ny Bokin'ny fanavotana, Izy no nanavotra ny rehetra izay tao anatin'io Boky io, tsy izay tany ivelan'ilay Boky. Ny zavatra rehetra izay nanana fiandohana iray dia manana fiafarana iray. Fa raha manana Fiainana Mandrakizay ianareo, dia tsy nanomboka mihitsy ary tsy mety hifarana, satria zanakalahy sy zanakavavin'Andriamanitra ianareo, toetran'ireo Fisainany sy Ny Teniny. Tsy manana fiafarana'ny Fiainana ianareo, raha eo amin'io Boky io ny anaranareo. Tonga mba hanavotra an'Izany ilay Zanak'ondry. Tsy izay rehetra milaza ho "Kristiana," tsy izay rehetra miezaka hiaina tsara sy masina; fa ireo izay manana ny anarany voasoratra eo, izany no Navotany, ary izany irery ihany, ireo izay manana ny anarany eo amin'ny Boky.

¹³⁰ Ankehitriny dia hitantsika fa i Satana no nanao an'i Adama ho lavo, tamin'ny alàlan'io teny anankiray io. Ary nanohy Andriamanitra ankehitriny, tao amin'ny Famoronany, mba hiezaka hahita lehilahy anankiray izay hiaina amin'ny Teny rehetra. Tsy nahomby ny Lehilahiny voalohany. Ary niaina ny fotoany io lehilahy io, ny taonany izay niainany.

¹³¹ Ankehitriny, hitanareo, misy taona samihafa izay naminanian'Andriamanitra hatrany amin'ny fiandohana, izay

hiseho hatrany amin'ny farany. Izany no antony Nahafahany niteny ny farany hatrany amin'ny voalohany, dia satria nahafantatra ny zavatra rehetra Izy. Izy no nanao ny zavatra rehetra tamin'ny alàlan'i Jesosy Kristy, ary ho Azy, sy ho an'ny Fahafinaretany Manokana. Mariho tsara ankehitriny. Aza diso an'ity.

¹³² Ahoana moa raha tonga i Mosesy nitondra ny hafatr'i Noa? Tsy ho nety izany. Tsy nety. Tsia.

¹³³ Ahoana moa raha tonga Jesosy nitondra ny hafatr'i Mosesy? Tsy ho nety izany.

¹³⁴ Ahoana moa raha tonga isika, miezaka hitondra ny hafatra Metodista, hafatra Batista, na ny hafatra Pentekotista? Tsy hety izany. Tsara izy ireo; ho porofoiko izany afaka iray minitra, amin'ny alàlan'ny Teny. Nety tsara izy ireo tamin'ny taonany. Efa lasa izany taona izany. Tsy maintsy mahita an'izay lazain'ny Soratra ho an'ny androany isika. Ity andro ity, izany no tokony hiainan'ny olona ho an'ny taonany.

Niezaka ny hahita lehilahy iray izay hiaina ny Teny manontolo Izy.

¹³⁵ Ny zavatra voalohany Nataony, nizaha toetra an'i Noa Izy. Nandiso fanantenana Azy i Noa; lasa mamolava, tsy nahomby izy.

¹³⁶ Mosesy, io sangan'asan'Andriamanitra mahery lehibe io, nizaha toetra azy Izy ka tsy nahomby izy. Nanome voninahitra ny tenany izy, ka tsy navela hiditra tao amin'ilay tany nampanantenaina.

¹³⁷ Avy eo dia tonga i Davida, hoe Izy no hampitaratra Ny—Ny... an'ilay Arivo taona lehibe, ao amin'i Davida, ary Izy no hampiseho hoe inona Ny Mpanjakany. Ary nianiana tamin'ny alàlan'i Davida Andriamanitra, fa izy no hanangana ny... hanangana Ny Zananilahy hipetraka eo amin'ny sezafiangrianany. Ary tena lehilahy iray mahery fo i Davida, hany ka, "izy no olona araka ny fon'Andriamanitra Manokana." Ary nanao ny tsara i Davida. Namely an'ireo Filistina rehetra izy ary nandrodana an'ireo alitara, ka nijanona tamin'ny Teny. Ary, farany, vehivavy anankiray tsara tarehy no nanakorontana azy, ka nandika ny didy izy, nanary ny Teny, njangajanga. Hitanareo? Lehilahy iray araka ny Fony Manokana, hitanareo, nefà mbola nandiso fanantenana Azy foana i Davida.

¹³⁸ Nandiso fanantenana Azy i Mosesy, ny sisa rehetra tamin'izy ireo dia nandiso fanantenana Azy, saingy ny fiainan'izy rehetra dia taratr'ilay Anankiray izay ho avy fotsiny.

¹³⁹ Ao amin'ny Bokin'ny Apokalypsy, izay soratako, lehilahy anankiray izay mandika na manitsy ny gramerako... Tena mahantara ny gramerako, izaho dia manana ma—manam-pahaizana tsara iray hanitsy ny grameran'izany, hametraka

tsara an'ireo anarana sy mpisolo anarana miaraka. Fa, izaho tsy mahafantatra hoe inona ny fahasamihafana eo amin'ny anarana iray sy mpisolo anarana iray. Fa, izy no mahafantatra, ary izy no mameetraka azy rehetra ireo... Fantatro, ny zavatra tokana fantatro, dia Andriamanitra no manome ahy Azy ary manoratra naoty Azy fotsiny aho, hitanareo. Ary, izy ireo, tsy maintsy manao azy tahaka an'izany izy ireo ka raha mandeha any amin'ireo fianarana sy ny sisa izany, izy ireo—dia fantatr'izy ireo fa afaka ho vakiana betsaka amin'ny fomba fahazoan'izy ireo izany. Ary noho izany dia nilaza tamiko ilay mpanoratra, ny gramera, ilay lehilahy izay manitsy ny grameran'izany, no nilaza tamiko, hoy izy hoe, “Fa, Rahalahy Branham, hitanay ao amin'ny taom-piangonana Pergamosy... Hoe, Jesosy no nilaza eo hoe, ‘izay maharesy, dia Homeko azy ny Kintan’ny Maraina.’ Hanome azy ny Kintan’ny Maraina?” Hoy izy hoe, “Ankehitriny dia ahoana no ahafahany hahazo ny Kintan’ny Maraina, nefà Jesosy no nilaza, Izy tenany, fa Izy no Kintan’ny Maraina?”

¹⁴⁰ Hitanareo, ireo taranak'i Abrahama rehetra dia tarafin'ny kintana. Samihafa izy ireo, ary samihafa isika. Ary Jesosy io Kintan’ny Maraina io, ilay mamiratra indrindra amin'izy rehetra ireo. Fa hitantsika Izy, ao amin'ny Apokalypsy 1, miaraka amin'ny kintana fito eny an-Tànany. Izy no mandika an'izany, ka nanao hoe, “Ireo kintana fito ireo dia ireo anjely fito ho an'ny fiangonana fito, na ireo taom-piangonana fito izay ho avy.”

¹⁴¹ Noho izany dia hoy izy hoe, “Ahoana àry no hampety an'izany, raha manana ny Kintan’ny Maraina izy ireo?”

¹⁴² Hoy aho hoe, “Ireo kintana izay teny an-Tànany dia taratr'ireo kintana avy amin'ilay Kintan’ny Maraina fotsiny ihany, hitanao, satria ilay irak'io andro io no nanana ny Teny.” Ary Izy no Teny; nanana an'ilay ampahany fotsiny ho an'io andro io izy. Ary ny olona izay vonona ny hiala lavitra an'ireo rafitr'izao tontolo izao sy ireo zavatr'izao tontolo izao, ka handeha hiaraka Aminy, no mahita ny taratr'ilay Kintan’ny Maraina amin'ny alàlan'ilay irak'io taona io. Tahaka ny Nataony tamin'ny alàlan'i Noa sy tamin'ny alàlan'i Mosesy, sy ny sisa, rehefa nampitaratra ny Testamenta Taloha Izy, farany dia tonga teo amin'ny Anankiray izy rehetra. Ary ho toy izany koa amin'ny fiafaran'ireo taom-piangonana, ho tonga eo amin'i Jesosy izany rehetra izany, hoe Izy no Teny.

¹⁴³ Isika amin'ny maha-Kristiana dia mampitaratra Azy fotsiny ihany. Ny volana dia mampitaratra ny masoandro fotsiny ihany, amin'ny tsy maha-eo azy. Ary ilay mpino dia mampitaratra fotsiny ihany an'ilay Zanak'Andriamanitra, amin'ny tsy maha-eo an'ilay Zanak'Andriamanitra. Izany no Hazavan’ny Baiboly, ireo Soratra, izay voamarina ao amin'ny fiainantsika, ny Teny izay manao Hazavana ao anatin'ny aizina. Ianareo no labozia izay mipetraka eny ambonin'ny havoana iray. Tsy ny masoandro izany; labozia iray izany. Maka ny

toeran'ny masoandro fotsiny ilay labozia, maneho ampaham-pahazavana anankiray fotsiny. Zanak'Andriamanitra isika, zanakalahy sy zanakavavin'Andriamanitra isika, amin'ny alàlan'ny Fanahy miaraka amin'ny ampahany fotsiny ihany. Izzy no manana an'Izany tsy misy ampahany. Isika dia kintana iray izay mamiratra, isika rehetra miaraka no manao Hazavana iray ho an'izao tontolo izao, fa Izzy no Zanaka manontolo izay mampitaratra ny Hazavana amin'ny kintana tsirairay. Haleloia! Mino Azy aho. Hamonjy ahy amin'ny tsi-finoako anie Andriamanitra!

¹⁴⁴ Farany, dia tonga ity Anankiray tanteraka ity. Ankehitriny, tonga Izzy mba ho alaim-panahy amin'ny lafiny rehetra tahaka antsika mihitsy. Ny Baiboly no nilaza fa izany Izzy. Nalaim-panahy tahaka an'i Noa Izzy. Nalaim-panahy tahaka an'i Mosesy Izzy. Nalaim-panahy tahaka ny sisa rehetra tamin'izy ireo Izzy. Raha nanam-potoana hamahavaha an'izany isika ka haneho aminareo, saingy tsy manana isika, satria tsy te-haka be loatra amin'ny fotoanareo aho. Fa, mba hamahavaha an'izany ka haneho aminareo, nalaim-panahy tamin'ilay fanao iray ihany Izzy.

¹⁴⁵ Tsy manova ny paik'adiny mihitsy i Satana, tsy manova koa Andriamanitra, manova an'ireo taona fotsiny. Fa izay... Nandeha tany i Satana, nankeo amin'ilay fianakavian'Andriamanitra voalohany, teto an-tany. Ity ilay izy rahalahy, ranabavy. Aza diso amin'ny fahazoana an'ity. Ahoana no nahazoan'i Satana an'ilay fianakaviana voalohany? Tsy afaka nanimba an'izany tamin'ny fomba hafa izy afa-tsy ny nanimba an'io Teny io, satria voaisy manda tao ambadik'io Teny io izy ireo. Raha afaka nanana banga anankiray fotsiny mantsy izy!

¹⁴⁶ Tahaka an'izany no nahazoany ny fiangonana tsirairay tao amin'ny taona tsirairay, nahazoany ny mpino tsirairay, nanao an'io banga io fotsiny. "Eny, izaho—mino aho fa marina ny Baiboly, saingy izaho tsy mino an'ity." Oh, indro izy lasa. Tena mampalahelo, saingy indro izy lasa.

"Ny Teny rehetra izay aloaky ny vavan'Andriamanitra!"

¹⁴⁷ Ankehitriny dia farito tsara ity ankehitriny. Ankehitriny farany Izzy, ity Anankiray ity izay, no tonga ka tsy maintsy nalaim-panahy marina tokoa tahaka ny nakàna fanahy ny sisa rehetra tamin'izy ireo. Ankehitriny dia mariho hoe manaitra toy ny ahoana no anaovan'i Satana ny fanafihany tsirairay, mitovy foana isan'andro. Ankehitriny dia niezaka izy ny hanome Azy an'ilay mofo ara-boajanahary, tahaka ny nataony tamin'i Eva mihitsy. "Raha ianao no hihinana an'ity, handray an'ity," na zavatra hafa iray, azony ilay izy.

¹⁴⁸ Ary izany no ataony amin'ny rafi-pandaminana tsirairay, izany no ataony amin'ny isam-batan'olona tsirairay, miezaka

izy ny hanome anareo an'ireo zavatra ara-boajanahary izay azonareo jerena. Ary izany no mitondra anareo lavitra! “Eny, jereo ity fiangonana goavana be ity! Nahoana, manana antapitrисаны маро изы ирео ао анатинь! Ny fiangonanay no fiangonana goavanaindrindra eto amin’ny tanàna. Eny, ny anay, manana ny ben’ny tanàna izahay tonga ao amin’ny fiangonanay. Jereo io rehetra io! Ny pasiteranay manana ny—ny diplaoman’ny D.D., L.D., Ph.D! Izany, eny, izany, eny, tsy maintsy lehilahy manan-tsaina iray izy.” Afaka ho tonga eo ny pretra Katolika iray ka mandrakotra azy, amin’ny fotoana rehetra, amin’ireo diplaomany. Manana boky enimpolo mahery kely izay tsy maintsy fantany tsara mihitsy tahaka ny ahafantaranareo ny Baiboly izy, mba hahazoany ny diplaomany mba ho pretra iray, noho izany dia aza manandrana mampitaha an'ireo fianarana.

¹⁴⁹ Tahaka an'izao tontolo izao fotsiny izany, izay manandrana mampitaha. Aza mitaha amin'ireo zavatr'izao tontolo izao. Aza mitaha amin'ireo fiangonana. Mitahafa amin'ny Baiboly! Izany no ataontsika amin'izao andro izao. Izany ilay olana amintsika fiangonana Pentekotista. Izany ilay olana amin'ireo feo efatra antsika sy hira, sy ny sisa, araka ny ananantsika, miezaka hihetsika tahaka an'i Hollywood isika. Hollywood dia mamiratra; ny Filazantsara dia manjelatra. Misy fahasamihafana betsaka eo amin'ny mamiratra sy manjelatra. Hitanareo? Mamiratra amin'ny akanjo i Hollywood, sy Rickys sy Rickettas, ary fitamberenana. Fa Andriamanitra dia manjelatra ao amin'ny fanetre-tenan'ny mpino, tsy mampaninona na tsy mahay toy ny ahoana aza izy. Manjelatra ao amin'ny fanetre-tena Izy, fa tsy mamiratra ao amin'ny Hollywood.

¹⁵⁰ Mariho, nanandrana ny paik'adiny tranainy teo amin'i Jesosy izy, ilay zavatra iray ihany izay nataony tamin'i Mosesy, ilay zavatra iray ihany izay nataony tamin'ny sisa tamin'izy ireo. Nanandrana an'izany izy. Hanandrana an'izany aminareo izy, mba hanao anareo hanaiky zavatra goavana be iray izay toa mamiratra.

¹⁵¹ Izany dia mampahatsiahy ahy fony aho nihaza ratons fahiny, ratons laveur. Naka ho ahy aho ny... Papa, ny dadako, dia nampiassa paraky. Tsy fantatro raha mba mahafantatra ny iray amin'ireo etikety fahiny ianareo rehetra izay teo amin'ny fonom-paraky iray taloha. Nalaiko izy ireny, naka vatan-kazo iray aho ary nanao lavaka iray tao anatiny, nanodidina an'ilay helodrano izay nihazakazahan'ny raton iray. Ary noho izany dia nasiako lavaka iray tao anatiny tao, ary napetako teo io etiketim-paraky io. Ary avy eo dia nandentika fantsika vitsivitsy aho, naviliko tahaka an'izao. Ary mikaroka zavatra mamiratra foana ny raton. Ary noho izany rehefa miakatra ny volana, dia mihazakazaka eo izy, mijery eo ambadika eo izy, mampiditra ny tanany ao mba hahazo an'ilay izy. Ary tsy hamotsotra an'izany izy.

¹⁵² Tahaka an'ireo mambram-piangonana sasany izy. Na dia fantany aza fa tratra izy, dia tsy hamotsotra an'izany. "Raha manao aho, dia handroaka ahy avy ao amin'ilay rafipandaminana izy ireo." Ny fahafatesany fotsiny izany, izay ihany. Eny ary. Mariho. Indro izy mifikitra eo amin'izany, tsy hamotsotra an'izany izy.

¹⁵³ Ankehitriny dia nanandrana ny paik'adiny iray ihany teo amin'i Jesosy i Satana, izay nandramany teo amin'ny sisatamin'izy ireo. Nanandrana ny hanao Azy hihinana zavatra ankoatran'ilay Teny Mofo nampanantenaina izy. Satria, hoy Jesosy hoe, "Voasoratra hoe, 'Tsy ny mofo ihany no hiveloman'ny olona.'" Hitanareo? Nanandrana ny hanao Azy hankatô azy izy. Na dia toy ny hoe tsara aza ilay izy, toy ny hoe afaka namahana ny Tenany Izy, ary afaka nanao an'izany Izy. Ianareo dia . . .

¹⁵⁴ Ianareo dia afaka mihetsika amin'ny fomba rehetra izay tianareo ihetsehana, ihany koa. Afaka mandray an'Izany ianareo na mabela an'Izany, izay anankiray tianareo ho raisina. Ankehitriny raha nanana saina ampy fotsiny io raton laveur io mba, oh, hanakombona ny tànany, dia afaka hisintona an'izany hivoaka indray izy; saingy tsy hanao an'izany izy, mihazona ny tenany eo izy. Ary tahaka an'izany no ataon'ireo Kristiana ara-anarana maro, ihany koa. Tsy te-handre na inona na inona mikasika an'Izany izy ireo, tsy te-ho avy ka handre an'Izany. Tsy mila na inona na inona mikasika an'Izany izy ireo. Mandrosoa ka mifikira amin'izany arak'izany, hitanareo, ho hitanareo izay mitranga.

¹⁵⁵ Mariho ankehitriny, nanandrana ny hanao Azy hihinana zavatra ankoatran'ilay Mofon'Aina izay tokony hiveloman'ny olona tsirairay izy ireo. Fa nijanona tamin'ny Tenin'ny Ray Jesosy. Oh, tsy nahazo an'i Eva izy tamin'io fotoana io, tsy nahazo an'i Mosesy mihitsy izy, tsy nahazo ny iray tamin'ny sisatamin'izy ireo mihitsy izy. Nahazo an'ilay Anankiray izay hampitaratra ny Teny tsirairay izy. Hitanareo, Izy, izay ilay antony, Izy no Teny. Fa nijanona tamin'ny Teny Jesosy, nandà ny foto-pampianarana ara-teolojian'ny seminarany, eny, tompoko, ny hazavany vaovao, ny fahatsapany lehibe kokoa. Tsy afaka nanosika an'izany teo amin'i Jesosy tahaka ny nanosehany an'izany teo amin'i Eva izy, mba haneho aminy hoe, "Oh, azo antoka, Andriamanitra . . ."

¹⁵⁶ "Oh, azo antoka, ho ao anatin'ity Andriamanitra raha afaka hikambana miaraka isika ka hanao Fiombonambe Maneran-tany iray an'ny fiangonana. Azo antoka, ho ao Andriamanitra. Mila fikambanana Izy ary mila firahalahiana Izy." Miaraka amin'ny Tenany, tsy miaraka amin'izao tontolo izao; firahalahiana miaraka amin'ny Tenany, fanompoana ho an'ny Tenany. Ho an'izany no Nahafatesany, mba hanompoanareo Azy. Tahaka ny hatramin'izay, raha tsy afaka mahazo izy . . .

Ankehitriny dia hitantsika fa tsy nahomby izy. Niverina nankeo aminy avy hatrany Jesosy, niaraka tamin'ny HOY NY TOMPO HOE.

¹⁵⁷ Ankehitriny rehefa hitany fa ny mpino iray... Diniho ilay mpino miditra ao anatin'ireo sokajy iray ihany ireo ankehitriny, ny tsirairay avy aminareo. Rehefa hitany (izy) fa hijanona amin'ny Baiboly ianareo, "Hia, mino ny Baiboly aho. Tsy mikambana amin'ny fanekem-pinoana sy ny sisa eo mihitsy aho. Hijanona amin'ny Baiboly aho." Ary, tahaka ny hatramin'izay, raha tsy afaka hanao anareo hino izy, mba-mba hivelona amin'ilay tena Fahamarinana ka hino ny Teny, tiako ianareo hanamarika an'izay nataony tamin'i Jesosy, tamin'ny faharoa, raha tsy mahazo anareo izy. Hoy ianareo, "Tsy hikambana amin'ny fanekem-pinoana mihitsy aho. Tsy hikambana aho. Izaho dia, teraka afaka aho, hijanona amin'Izany aho. Izaho hanao an'ity, itsy, na ilay *hafa*." Hitanareo, "mikàmbana amin'ny fiangonana," sy "tongava hikambana," ary zavatra iray hafa; tsy afaka mahazo anareo hanao an'izany izy, noho izany dia hanao zavatra hafa aminareo izy. Oh, rahalahy, diniho ity.

¹⁵⁸ Raha tsy afaka izy, amin'izay fotona izay dia handefa anareo hankany amin'ny seminerany manokana izy, mba hampianarin'ireo teolojianiny manokana, hitanareo, izay i Satana no mpandika teny. "Oh, efa lasa ireo andron'ny fahagagana. Io vahoaka any io, izaho dia...eny, andiana mpirehidrehi-poana iray io. Izy ireo, izy ireo tsy, hitanareo." Handefa anareo any izy.

¹⁵⁹ Oh, mety hilaza ianareo hoe, "Andraso iray minitra, Rahalahy Branham! Iray minitra fotsiny ankehitriny!" Hia, ndao isika hiandry iray minitra fotsiny, hitanareo. Hoy ianareo ankehitriny hoe, "Tsy natao hanao an'izany intsony angaha ianao? Tsy natao hanao an'izany ve isika?" Tsia, tompoko. Tsia, tompoko.

¹⁶⁰ Fa hoy Jesosy hoe, "Rehefa tonga Izy ilay Fanahin'ny Fahamarinana, hitanareo, dia Izy no hitondra an'ireo zavatra izay Nampianariko, ao amin'ny fahatsiarovanareo, ny Teny. Ary haneho aminareo an'ireo zavatra ho avy ihany koa Izy." Io ilay tena Fiangonana feno ny Fanahy ankehitriny, mijanona amin'ny Teny, mampitaratra ny Teny, Andriamanitra eto antany. Hitanareo? Tsy mila teolojiana iray mihitsy Izy, satria tsy misy fandikana manokana Ny Teniny. Izy no mandika Ny Teniny Manokana, amin'ny alàlan'ny fanamarinana an'Izany sy fanaporofoina an'Izany, Izany no Fahamarinana.

¹⁶¹ Rehefa niteny taminareo ny fiangonana Metodista fa tsy afaka mandray ny Fanahy Masina tahaka ny nataon'izy ireo tamin'ny Andron'ny Pentekosta ianareo, dia niraharaha an'izany ve ianareo? Tsia tokoa. Nandeha avy hatrany ianareo ka nahazo

ny Fanahy Masina, na ahoana na ahoana. Hitanareo? Satria ilay...

¹⁶² Izaho dia niady hevitra ny amin'ny—ny trinite tamin'ny—ny mpitoriteny Batista iray, indray hariva, ka niteny taminy fa voambolana fotsiny izany. Ary noho izany dia hitanay, hoy izy hoe, mpitoriteny kely hafa iray avy amin'ilay seminera, hoy izy hoe, “Fa, Andriamatoa Branham, miezaka manao ny olona hino ny fivavahana apostolika iray ianac.”

Hoy aho hoe, “Izany tokoa, ilay anankiray tokana izay misy.”

Dia hoy izy hoe, “Tompoko, sekoly taiza no nandehananao?”

¹⁶³ Hoy aho hoe, “Teo amin’ny lohaliko, ry rahalahiko. Tsy teo... Hitanareo, teo no nandehanako, tsy teolojia, fa lohalikolojia.” Hoy aho hoe, “Teo no nahitako Azy.”

¹⁶⁴ Dia hoy izy hoe, “Andriamatoa Branham, ny batisan’ny Fanahy Masina, tahaka ny nananan’izy ireo tamin’ny Andron’ny Pentekosta, miezaka ve ianao ny hilaza fa ho an’izao andro izao izany?”

¹⁶⁵ Hoy aho hoe, “Ny Baiboly no nilaza, tompoko, fa ny... fa Jesosy Kristy no tsy miova omaly, anio, ary mandrakizay.” Hoy aho hoe, “Izany no Jesosy Kristy izay tonga tamin’ny Andron’ny Pentekosta.” Oh, hia.

¹⁶⁶ Tsia, ilay Anankiray ihany! “Fa vetivety foana, hivavaka amin’ny Ray Aho, Izy no handefa mpampionona iray hafa ho anareo, dia ny Fanahy Masina. Vetivety foana dia tsy hahita Ahy intsony izao tontolo izao, Ahy intsony; fa ianareo no hahita Ahy, satria homba anareo Aho, ho ao anatinareo mihtisy aza, hatramin’ny fahafonganana, fahataperan’izao tontolo izao.”

¹⁶⁷ Hoy aho hoe, “Hia, izany dia Izy izay tonga tamin’ny Andron’ny Pentekosta. Eny, tompoko. Tonga Izy, niaina tao anatin’izy ireo, mariho, tamin’ny endriky ny tenan’ny Fanahy Masina, Jesosy Kristy tao amin’ny tenan’ny Fanahy Masina, araka ny ahazoantsika an’ilay Maha-Andriamanitra.”

¹⁶⁸ Mariho ankehitriny, tsy nila ny teolojianty i Satana, teolojia. Ary nilaza tamiko ity lehilahy ity, hoy izy hoe, “Andriamatoa Branham,” hoy izy, “homeko mba hahazoanao, avy tamin’ny sekoly anankiray aho, ary ofanina izahay.”

Hoy aho hoe, “Reko ny fandaharanao, isan’andro.” Hitanareo?

Hoy izy hoe, “Ofanina ao izahay.” Hoy izy, “Ny batisan’ny Fanahy Masin’izy ireo dia ho an’ireo mpianatra irery ihany.”

¹⁶⁹ Hoy aho hoe, “Ny Baiboly dia nilaza fa nisy ‘roapolo amby zato’ tao amin’ny efitra ambony.” Dia hoy aho hoe, “Ankehitriny iza no marina, ianao sa ny Teny?”

¹⁷⁰ Dia hoy aho hoe, “Ary avy eo, ihany koa, rehefa nandeha i Filipo ka nitory teny tamin’ireo Samaritana, dia nanao batisa

azy ireo tamin'ny Anaran'i Jesosy Kristy izy, saingy tsy mbola tonga teo amin'izy ireo ny Fanahy Masina, satria i Petera no nanana an'ireo fanalahidy. Noho izany dia naniraka nankany Jerosalema izy ka naka an'i Petera, izay tonga ka nametratànana teo amin'izy ireo, dia tonga teo amin'izy ireo ny Fanahy Masina. Hoy ny Baiboly hoe, 'Ny Fanahy Masina!'"

¹⁷¹ Hoy aho hoe, "Tamin'izay fotoana izay i Petera, niaraka tamin'ny fahitana iray, niaraka tamin'ireo fanalahidy, dia nandeha nankao an-tranon'i Kornelio, Asa 10, sivy amby efapolo... 'Ary raha mbola niteny an'ireo teny ireo izy, dia nilatsaka teo amin'izy ireo ny Fanahy Masina. Satria nandre azy ireo niteny tamin'ny fiteny tsy fantatra izy ireo, sy—sy—sy naminany, nanandratra an'Andriamanitra. Avy eo dia nilaza i Petera hoe, afaka mandrara ny rano ve isika, tsy hanaovana batisa azy ireo, hita fa izy ireo dia nandray ny Fanahy Masina tahaka antsika tany amin'ny voalohany? Dia nandidy azy ireo izy mba hatao batisa amin'ny Anaran'i Jesosy Kristy.'

¹⁷² "Hitantsika, telopolo taona taty aoriania, i Paoly nandalo tany amin'ireo morontsiraka ambonin'i Efesosy, dia mahita olona Batista vitsivitsy izay nanana fifohazana lehibe iray. Zavatra lehibe no niseho. Nihiakiaka izy ireo, nidera ny Tompo. Dia namangy an'ilay fiangonana i Paoly izay nisy teo amin'ny olona roapolo teo nanatrika, izay nisy an'i Akoila sy Prisila nanatrika an'ilay favoriana; nisy an'i Apolosy, mpisolovava iray niova fo, nanaporofa tamin'ny alàlan'ny Baiboly fa Jesosy no Kristy. Ary nanana fifaliana lehibe izy ireo, sy favoriana lehibe iray. Nandalo i Paoly, nandalo izy rehefa izy... nanafaka azy avy tao an-tranomaizina ny Tompo; nohon'ny fandroahana fanahy, devoly iray avy tamin'ny mpanao hatsarana iray. Ary avy eo dia tonga teo izy, tao amin'ny asan'ny Tompo, ary nandeha mba hihaino an'ilay favoriana izy. Dia hoy izy hoe, 'Lehilahy malaza iray ity lehilahy ity, mety tsara, saingy,' hoy izy, 'efa noraisinareo ve ny Fanahy Masina fony vao nino ianareo?' Nino izy fa nandray an'Izany ianareo rehefa nino. Fa hoy izy hoe, 'Efa noraisinareo ve ny Fanahy Masina fony vao nino ianareo?' Hoy izy hoe, 'Tsy fantatray akory aza fa misy ny Fanahy Masina.'

¹⁷³ "Hoy izy, 'Noho izany dia ho amin'ny inona no nanaovana batisa anareo?' Izany ilay fanontaniana. Hoy izy hoe, 'Izahay dia natao batisa, ilay lehilahy iray ihany izay nanao batisa an'i Jesosy: Jaona. Izahay dia efa natao batisa tamin'ny batisan'i Jaona.' Hitanareo? Hoy izy hoe, 'Jaona dia nanao batisa fotsiny ho amin'ny fibebahana, fa tsy ho amin'ny famelàna ny fahotana.' Jaona... satria tsy mbola novonoina ilay Zanak'ondry. Hoy izy hoe, 'Jaona dia nanao batisa ho amin'ny fibebahana, hita fa tokony hino Azy izay ho avy ianareo, an'i Jesosy Kristy.' 'Ary rehefa nandre an'izany izy ireo, dia natao batisa tamin'ny Anaran'i Jesosy Kristy. Ary nametraka ny tânany teo amin'izy ireo i Paoly, ka tonga teo amin'izy ireo ny Fanahy Masina, ary

naminany sy niteny tamin'ny fiteny tsy fantatra izy ireo,' telopolo taona taty aorianana."

Dia hoy aho hoe, "Tsy izany ihany, mino ny Baiboly ve ianao?"

Hoy izy hoe, "Izany tokoa."

¹⁷⁴ Hoy aho hoe, "Petera, tamin'ny Andron'ny Pentekosta, rehefa nisy nanerana io tabataba io, ka nihiakiaka sy nidera an'Andriamanitra izy rehetra, dia hoy izy ireo hoe, 'Ry lehilahy sy rahalahy, inona no azonay hatao mba ho voavonjy?' Hoy i Petera hoe, 'Mibebaha, ny tsirairay avy aminareo, ka aoka hatao batisa amin'ny Anaran'i Jesosy Kristy ho an'ny famelàna ny fahotana, ary ianareo handray ny fanomezan'ny Fanahy Masina, fa ny teny fikasana dia ho anareo sy an'ny zanakareo, ary ho an'ireo izay lavitra, arak'izay hantsoin'ny Tompo Andriamanitsika.' Ny lanitra sy ny tany ho levona, fa izany Teny izany dia tsy ho diso mihitsy!"

¹⁷⁵ Tsy niraharaha ny Metodista, Batista, na Presbyterana ianareo pentekotista. Fantatrareo fa ho an'ny taranaka tsirairay Izany, ary nandroso niditra tao amin'Izany ianareo. Izany tokoa. Ankehitriny, aza mijanona mandroso eo mihitsy, manohiza mandroso, hitanareo.

¹⁷⁶ Teo no nanaovan'ireo Metodista ny fahadisoany, nandroso niditra tao anatin'ny fanamasinana izy ireo saingy nijanona. Nandroso niditra tao anatin'ny fanamarinana ny Loterana ary nijanona. Hitanareo, avy eo dia mandrafitra an'izany izy, eo izy no maty. Izany no fiafarany. Izay ihany ny amin'izany.

¹⁷⁷ Diniho ankehitriny raha mandeha haingana mamarana isika. "Rehefa tonga ny Fanahin'ny Fahamarinana, dia Izy no hampianatra anareo ny zavatra rehetra, na inona na inona Nampianariko anareo," oh, oadray, "mitondra ny fahatsiarovana rehetra aminareo, izay Nolazaiko taminareo, mitondra aminareo, ny fahatsiarovana rehetra. Ary Izy no haneho aminareo an'ireo zavatra ho avy. Izy no hanamarina ny Teny tsirairay, hanamarina ny Teny miaraka amin'ireo famantarana manaraka." Ny zavatra rehetra izay Nampanantenainy, izay nampanantenain'Andriamanitra ao amin'ny Baiboly, raha hiala amin'ny fanekem-pinoana tsirairay sy ny zavatra hafa rehetra ianareo, ka hifikitra amin'ny Teny, dia voatery hiahy Ny Teniny Andriamanitra. Ary noho izany rehefa nanao an'izany izy ireo, dia manamarina ny Tenany ny Teny.

¹⁷⁸ Izy tsy mila olona hanao hoe, "Eny, efa lasa ireo andron'ny fahagagana."

¹⁷⁹ Iza moa io olona miteny amiko io hoe efa lasa ireo andron'ny fahagagana, nefo lehilahy iray jamba aho fahiny? Haleloia. Nandry teo amin'izay nanomezan'ireo dokotera ahy telo minitra hahavelomana aho fahiny, nefo velona aho androany.

Ahoana no ahafahan'izy ireo hiteny hafa amiko? Mambram-piangonana matimaty iray fahiny, ankehitriny dia feno ny Fanahy Masina. Tsy mila mpandika teny iray Andriamanitra. Ny Fanahy Izy tenany, dia ny Teny, no mandika an'izany ho ny Fahamarinana. Raha ho sahy hitsangana ny lehilahy iray ka handray an'Izany. Izy no Mpandika teniny Manokana. Zahao toetra indray mandeha Izzy, dia jereo raha tsy marina izany. Aza miraharaha an'izay nolazain'ny olona iray. Ataovy izay nolazain'Andriamanitra hatao.

¹⁸⁰ “Eny,” hoy ianareo, “izaho manao an’ity.” Eny, ahoana ny amin’ilay hafa, ny Teny tsirairay? Teny anankiray no manapaka an’ilay rojo.

¹⁸¹ Eo foana no tsy ahombiazan’ireo fiangonana, eo amin’io rojo io mihitsy. Arafitr’izy ireo izany ary manangona an’ilay zavatra miaraka, ka manao anaram-piangonana goavana iray. Tonga miaraka ireo lehilahy ireo, Ray Masina *Ranona-sy-ranona* ary Dokotera Eveka *Ranona-sy-ranona*. Ary inona ilay zavatra voalohany azonareo? Eo ianareo izao. Maty eo no ho eo ianareo. Hoporofointsika amin’ny alàlan’ny natiora sy amin’ny alàlan’ny Teny izany, raha sitraky ny Tompo, afaka minitira vitsy. Eny àry.

¹⁸² “Mitondra ao amin’ny fahatsiarovana.” Manamarina ny Teny tsirairay Izzy, ary isika mivelona amin’Izany. Haleloia! Mivelona amin’Izany! “Hivelona amin’ny Teny rehetra ny olona, ny Teny rehetra voamarina.” Hoy Jesosy hoe, “Izao famantaranana izao no hanaraka an’ireo izay mino. Hanaraka an’ireo izay mino!” Mifikira amin’Izany; Andriamanitra no manamarina an’Izany, hoe Izany no Fahamarinana.

¹⁸³ Fa, ireo seminera sy teolojiana, voatsindrimandrin’i Satana, dia manao hoe, “Tsy afaka matoky an’Izany ianareo. Ho an’ireo apostoly izany. Efa lasa ireo andro. Tsy misy ny zavatra tahaka an’izany. Natao ho an’ireo apostoly irery ihany izany, mba hanaporofoina ny Filazantsara tamin’izany. Manana olona nianatra isika amin’izao andro izao.”

¹⁸⁴ Nanana fianarana tsaratsara kokoa noho izay ananantsika ankehitriny izy ireo tamin’izany. Teneno amiko ny fiangonana iray izay afaka nifaninana tamin’io, io Synedriona io, nefy ny rain’ny-rain’ny-rain’ny-rain’ny raiben’izy ireo dia tsy maintsy mpisorona, talohan’izy ireo. Teny anankiray nivadika tao amin’io, tao amin’io horonana io, na, nahoana, izy ireo—notoraham-bato izy ireo noho izany. Tsy maintsy nijanona tsara marina tokoa izy ireo. Saingy diso tamin’ny fahitana an’ilay tena Voan’ny Teny izy ireo rehefa tonga Izany, ilay Aina. Izany no antony naha-voaheloka azy ireo ka nantsoina hoe “mpiasan’i Satana.”

¹⁸⁵ Hitanareo, tsy mampitaratra ny Tenin’Andriamanitra izany, rehefa mpianatry ny seminera iray no miteny aminareo hoe, “Tsy ho an’izao andro izao ny Fanahy Masina. Ary ireo

zavatra ireo, io karazana fanasitranana avy amin'Andriamanitra rehetra io, ho an'ny andro hafa iray." Hitanareo, tsy taratratra iray avy amin'Andriamanitra izany, izany dia taratratra iray avy amin'ny—ny fanekem-pinoana iray. Taratratra iray avy amin'ny foto-pampianarana iray izay any ivelan'ny Baiboly izany.

¹⁸⁶ Hoy ny Hebreo 13:8 hoe, "Izy no tsy miova omaly, anio, ary mandrakizay." Masindahy Jaona 14:12, nanao hoe, "Izay mino Ahy, ireo asa izay Ataoko no hataony koa." Ankehitriny dia ahoana no hanesoranareo an'izany Teny izany avy ao, ahoana no hanampianareo zavatra ao amin'ny Toerany? Manapaka an'ilay rojon'Aina ianareo. Mivelona amin'ny Mofo irery ihany ny olona, ilay Mofo, mivelona Mandrakizay amin'io Mofo io izy. Arabatana, dia mivelona amin'ity mofo ity izy. Misy mofo anankiroa. Ny Fanahy Masina, ny Fanahy Masina ao anatinareo, dia manao "amena" amin'ny Tenin'Andriamanitra tsirairay, raha ny Fanahy Masina izany. Ankehitriny dia te-hanontany zavatra aminareo aho. Ankehitriny dia ampahany iray manindrona ity.

¹⁸⁷ Nanome ahy menaka castor i mama taloha fony aho mbola ankizy iray. Ary izaho—tsy afaka mahatanty ny fofon'ilay karazan-javatra aho, hatramin'izao. Hitanareo? Notezaina mahattra izahay, ary nampangotraka hodin-kena i mama ary mampitsonika azy ireny. Maka azy ireny izahay any amin'ny... avy any amin'ny anabavy antitra iray nantsoina hoe Goodwin, izay nanana fanaova-mofo tany, ary nahandro fen-kisoa sy ny sisa izy, ka nampitsonika azy ireny. Alainay ny lafarinina, ary alainay io menaka mandry sy ny karazany io ka manao ny mofokatsakay. Ary nanana sakafoka mahattra izahay, tsy mahagaga raha tratry ny tsi-fahampian-tsakafoka sy ny sisa izahay, aretina. Fa i mama tamin'izany, isaky ny Asabotsy hariva... Izahay—tsy nanana an'ilay karazan-tsakafoka tsara izahay, noho izany dia nanao anay rehetra haka fatra goavana an'io menaka castor io izy. Ary izaho—nihazona ny oroko fotsiny aho ary niantsoantso, hoy aho hoe, "Mama, manao ahy ho tena marary io." Hoy izy hoe, "Raha tsy manao anao harary ilay izy, dia tsy hahasoa anao izany." Noho izany, noho izany dia hiasa tahaka an'izany angamba ity. Ankehitriny ahoana...

¹⁸⁸ Hanontany zavatra aminareo aho. Ahoana no ahafahan'ny lehilahy iray na vehivavy iray hihambo ho feno ny Fanahy Masina, izay ny Teny (marina ve izany?), ary ahoana no ahafahanareo honofon'io Fanahy Masina io, izay nanao anareo ho Ampahany, mba hampitaratra ny Filazantsaran'ny taonanareo, nefà mandà ny Teny izay Nosoratany?

¹⁸⁹ Tsy ahoako na tsara toy ny ahoana aza ianareo. Nahoana, afaka mitondra anareo hankany Afrika aho, hankany amin'ireo—ireo Hottentots any, ka haneho aminareo fiainana iray izay tsy azon'ny Kristiana iray kasihana. Na dia tratra ao anatin'ny fijangajangana mihitsy aza izy ireo; raha ny anankiray amin'ireo vehivavy, alohan'ny hanambadiany, vehivavy tanora

iray, tsy maintsy tsapaina aloha ny maha-virijiny azy. Raha hita ho meloka izy, dia tsy maintsy miteny izy hoe lehilahy iza no nanao an'ilay izy, ary vonoina miaraka izy roa. Ahoana moa raha nitranga teto Etazonia izany, iza no handevina an'ireo faty rehetra, hitanareo? Noho izany, noho izany dia eo ianareeo izao, hitanareo. Ary mpanompo sampy izy ireo, jereo ilay fitondran-tena. Hitanareo, noho izany dia tsy afaka mitsapa an'ilay izy amin'ny alàlan'izany ianareo. Afaka miteny aminareeo ankehitriny ny rahalahintsika Indiana eto, ireo Mohametana angamba dia miaina fiainana tsaratsara betsaka kokoa noho ny hany eritreretintsika.

¹⁹⁰ Fa inona izany? Izany no Teny izay manome fitsapana. Ireo Fariseo dia manetry tena indroa lavitra noho i Jesosy. Nandeha teo Izy ary namotika ny fiangonan'izy ireo, sy nandroaka azy ireo, sy nikapoka azy ireo, ary ny zavatra rehetra tahaka an'izany.

¹⁹¹ Ary io mpisorona antitra masina io, fantatrareo, nahoana, izay... Raha nanana fivoriana iray nanohitra Azy aho, izao maraina izao; hilaza aho hoe, iza no tonga tany aminareeo rehefa narary ianareo, nivavaka ho anareo? "Io mpisorona antitra masina io." Iza no nampindrana an'io vola io an'i papa rehefa tsy nahomby ireo voliny? "Io mpisorona antitra masina io." Iza no nanokana anareo ho an'Andriamanitra, ho an'ny fiainan'asa iray? "Io mpisorona antitra masina io." Iza no, rehefa tao amponja ianareo, tonga ka namangy anareo? "Io mpisorona antitra masina io." Ary ity jiolahimboto tanora antsoina hoe Jesosy ity, inona no Ataony? Niantso ny pasiteranareo ho "bibilava"! Hitanareo? Hitanareo, tsy amin'ny alàlan'ireo voa izany.

¹⁹² Amin'ny alàlan'ny Teny izany. "Tsy ny voa ihany no hiveloman'ny olona, fa amin'ny Teny rehetra izay aloaky ny vavan'Andriamanitra."

¹⁹³ Ary Izy izany Teny izany. Diso tamin'ny fahitana an'Izany fotsiny izy ireo. Izany no nasaina Nataony. Tsy afaka nahita an'izany izy ireo, satria tsy voatendry hahita an'izany. Hoy Izy, "Tsy afaka manatona Ahy ianareo." Jereo ireo Jiosy mahanttra ireo, nohajambaina ny mason'izy ireo. Azo antoka, Izy no nanao an'izany. Izy no nanajamba azy ireo, ny Tenany.

¹⁹⁴ Eritrereto hoe ahoana izany hoe nohajambaina izany. Tsaratsara kokoa aminareeo ny misaotra an'Andriamanitra nohon'ny fahitana izay anananareo eo amin'ny Soratra. Mariho ankehitriny.

¹⁹⁵ Ankehitriny, Izy, Izy ity Teny ity. Ankehitriny, taorian'ity, dia notsapaina Izy. Fitsapana an'i Jesosy. Ankehitriny ho jerentsika ireo.

¹⁹⁶ Hitanareo, tsy mampitaratra ny Teny ilay izy rehefa hoy ny olona iray hoe, "Eny, ho an'ny taona iray hafa Izany," satria ny Baiboly no nilaza fa Izy no tsy miova omaly, anio,

ary mandrakizay. Ahoana no ahafahan'ny Fanahy Masina ao anatinareo hilaza fa feno ny Fanahy Masina ianareo?

¹⁹⁷ Ankehitriny dia afaka handratra kely anareo ve aho? [Hoy ny fiangonana hoe, "Amena."—Mpand.] Mety tsara ve izany? Atsangano ny tānanareo. Tsy ho tezitra amiko ve ianareo? ["Tsia."] Raha tezitra ianareo, dia voatery ho tezitra.

¹⁹⁸ Ahoana no ahafahanareo vehivavy, miaraka amin'ny volo tapaka, hiteny amiko fa feno ny Fanahy Masina ianareo? Teny anankiray! "Oh, niteny tamin'ny fiteny tsy fantatra aho." Tsy manao fahasamihafana mihitsy izany. Efa nahita mpampianatrà mpamosavy niteny tamin'ny fiteny tsy fantatra aho, nandika, nihiaikiaka tao amin'ny fanahy, nandihy tao amin'ny fanahy.

¹⁹⁹ Ahoana no ahafahanareo lehilahy hiantso ny tenanareo ho lohan'ny tokantrano, nefà mamela ny vadinareo hanao sorta sy manao hadalana arak'izay maha-izy azy, miantso ny tenanareo ho Kristiana?

²⁰⁰ Ahoana no ahafahanareo pasitera mba hiatrika an'Andriamanitra miaraka amin'ny zavatra iray tahaka an'izany, tsy mitsangana ka manohitra an'izany? Tsy afaka manao azy ireo hanao an'izany ianareo. Fa raha manomboka mitory teny tahaka an'izao ianareo, dia tsy hikambana amin'ilay seminera tena ela na amin'ny vondrona iray. Tsy maintsy hitady fiaraha-miasa avy any an-kafa any ho any ianareo. Hiditra ao amin'izany isika, afaka fotoana fohy, raha sitraky ny Tompo. Hitinanareo?

²⁰¹ Fa eo ianareo izao. Aza, tsy fanahy iniako ny handratra anareo. Tiako ianareo. Izany ilay antony. Raha—raha nitsingevana teny amin'ny renirano ianareo, ka hitako fa ho faty an-drano, dia ho olona mahanttra iray aho, raha hanao hoe, "Eny, aoka ho olona tsara, ry malala." Tsaratsara kokoa ho anareo ny mampitandrina azy ireo. Marina izany. Teneno izy ireo!

²⁰² Araka ny nolazaiko indray hariva hoe, raha Kristiana iray aho, dia tsy maintsy voatondro miaraka amin'ny olona tsirairay an'ny Baiboly. Tsy maintsy nitsangana niaraka tamin'i Noa aho ary nitory teny niaraka Taminy, tamin'ireo andro, ka nampitandrina ny olona. Marina izany. Tsy maintsy nitsangana teo amin'ny Tendrombohitra Karmela aho, irery, niaraka tamin'i Elia. Tsy maintsy nitsangana teo Kalvary aho, ary nanohombo ny tenako sy ireo eritreritro manokana, niaraka Taminy. Fa avy eo indray, dia nitsangana niaraka Taminy aho tamin'ny Paska, nandresy ny zavatra rehetra. Ny ara-nofo rehetra an'ny aranofon'izao tontolo izao, nakarina ambonin'izany aho, niaraka Taminy.

²⁰³ Mariho, tsy mampitaratra ny Teny izany arak'izany, tsia, tsy manamarina Azy izany. Ankehitriny, fa raha mino ny Teny

ianareo, dia Andriamanitra no hanamarina Azy, Izy tenany, tahaka ny Nataony tao amin'i Jesosy teto.

²⁰⁴ Ny Mofo Teny dia midika foana hoe hohanina. "Ary tsy ny mofo no hiveloman'ny olona, tahaka an'ity mofo ity, irery ihany, fa ny Teny rehetra." Noho izany dia izany no Mofo Teny, hazòny ao an-tsaina izany, ity izany Mofo izay nohanin'ny fiangonana nanerana ny taona rehetra izany, efa ilay Mana mafina ho an'ny mpandresy irery fotsiny ihany. Ny Apokalypsy no niteny an'izany. Ankehitriny tsy manampotoana hamahavahana an'izany zavatra manontolo izany aho, satria manana telopolo minitra hafa eo angamba aho. Fa, jereo, rehefa ilay masina—rehefa nilatsaka avy tany An-danitra ilay mana masina, izay tandindon'ny Fanahy Masina. Hifanaraka amin'izany ianareo.

²⁰⁵ Niteny tamin'i Mosesy Andriamanitra mba hivoaka ka haka omera iray feno an'izany, ary hametraka azy ao anatin'ilay Masina indrindra amin'ny masina. Satria, raha tsy napetrak'izy ireo tao anatin'ilay Masina indrindra amin'ny masina izany, dia lasa mihasimba. Marina ve izany? Miditra ao anatin'y ireo olitra. Ankehitriny dia hoy Izy hoe, "Fa apetraho ao anatin'ny Masina indrindra amin'ny masina izany, ao anatin'io omera io, ka ny taranaka tsirairay;" izay tonga, aorian'io asam-pisoronana io, rehefa ho lasa mpisorona ny lehilahy iray, mba history ny Teny, ny zavatra voalohany tsy maintsy ataony, aorian'ny nanendrena azy, dia ny miditra ary maka eran'ny tånanana amin'io mana tany am-boalohany io ka mihinana an'izany.

²⁰⁶ Izany dia mba hanehoana an'io Hazavana io eo an-Tànany, ao amin'ilay taom-piangonana vaovao, mampitaratratra Ny Hazavany, ilay Mana; ary ilay olona izay nandresy tanteraka irery ihany, ilay olona izay mipetraka marina tokoa ka manaisotra ny zavatra hafa rehetra ankoatry ny Teny. Ary ny Teny io Mana io. Oh, oadray, Jesosy izany! "Ny olona dia hivelona amin'ny Teny rehetra izay aloaky ny vavan'Andriamanitra." Izany dia ilay Mana mafina ho an'ilay mpandresy, oh, izay notehirizina tsirairay—tsirairay, ho an'ny asam-pisoronana tsirairay izay manaraka an'izany.

²⁰⁷ Ireo sekolin'ny teolojia, efa ela izay, dia nanakalo an'io Zavatra voatahy io tamin'ny hanina iray vilia. Marina tokoa izany. Eny, tompoko.

²⁰⁸ Tahaka ny nataon'i Esao. Ankehitriny, Esao, ara-pitondranta, dia lehilahy tsaratsara kokoa noho i Jakoba, saingy tsy nanana fanajana ny fizokiany izy izay ny Teny. Firy no mahafantatra an'izany, ny fizokiana dia ny Teny, ny teny fikasana, ilay lahimateoa? Fa lehilahy tsara iray izy, lehilahy tsara fitondran-tena, tahaka, oh, tahaka ny Kristiana ara-anarana amin'izao andro izao, lehilahy tsara iray. Tsy nandainga izy. Tsy nangalatra izy. Tsara tamin'ny dadany izy. Nanao an'ireo

zavatra rehetra ireo izy. Fa, hitanareeo, ny fizokiany, nilaza izy fa tsy niraharaha mikasika an'izany. "Inona no fahasamihafana ataon'izany? Israelite iray aho, na ahoana na ahoana. Hitanareeo, izaho—mikambana amin'izany aho, na ahoana na ahoana." Saingy ny fizokiany no mikaonty, hitanareeo. Nety tsara ny araboajanaharin, saingy ratsy tanteraka ny ara-panahiny.

²⁰⁹ Tahaka an'izany koa ilay izy amin'izao andro izao, ilay hanina, manafangaro ny fiangonana sy izao tontolo izao miaraka, ny sasany amin'ny tsirairay; fetin'ny bunco, dihy, ireo karazana fahadalana rehetra, ao anatin'ny fiangonana; vehivavy mitapa-bolo, manao sorta.

Eny, hoy ianareeo hoe, "Rahalahy Branham, inona io zavatra kely io?"

²¹⁰ Anankiray amin'ireo Teny izany, satria ny Baiboly no nilaza fa ratsy ho an'ny vehivavy ny manapaka ny volony. Marina izany. Raha manao izy, dia ahoana no hidirany? Hitanareeo? Anontanio fotsiny, ny mpitoky teny rehetra dia hiteny aminareo fa milaza an'izany ny Teny. Hitanareeo, "mahafa-boninahitra ny lohany izy," mahafa-boninahitra ny vadiny izy. Tokony hisaraka izy. Marina tokoa izany. "Fa ho an'izay manapaka ny volony, dia aoka izy hohetezana ihany koa, haratana." Hitanareeo, izany no mampiseho amin'ny alalan'izany. Tsy hoe manapaka fotsiny, tsy tahaka an'izany no ilan'Andriamanitra azy. Izany dia ilay Ramose An'elanelany. Aza miadaladala amin'izany. Na tapaho izy rehetra na avelao izy haniry, izany no nolazain'Andriamanitra. Ny mpitoritenin'ny Filazantsara rehetra dia mahafantatra fa izany no Fahamarinana, na hilaza an'izany ianareeo na tsia. Saingy izany no Fahamarinana. Hitanareeo? Eny, inona no soa, raha handeha hanao ny sisa rehetra amin'izy ireo ianareeo, ka hamela an'izany handeha?

²¹¹ Inona? Misy fanaon'izao tontolo izao kely fotsiny ao anatinareeo, miezaka mihetsika kely fotsiny tahaka an'ireo fiangonana hafa. Teo marina tokoa no nahatafiditra an'i Israely tao anatin'ny olana. Teo izy ireo no maty. Teo no nahatafiditra an'i Adama tao anatin'ny olana. Teo no nahatafiditra ny sisa rehetra tamin'izy ireo tao anatin'ny olana. Teny anankiray fotsiny, izay ihany no ilain'izany, teboka anankiray fotsiny. Hanina, nifangaro tamin'izao tontolo izao! Anankiray avy amin'izao tontolo izao, anankiray avy amin'ny Hollywood, anankiray avy amin'ny fiangonana, anankiray avy amin'ireo teolojiana, ary inona no azonareeo?

²¹² Mariho, raha tsy mahomby Satana eto, amin'izay fotoana izay dia hanandrana ny tetiny faharoa izy hanao anareeo tsy—tsy hino ny Teny, izy dia...ary—ary handeha hankany amin'ny seminera. Hanandrana an'ilay manaraka izy, tetika iray. Ankehitriny dia eto no itiavanareo ny ho tena mitandrina, ary mipetraha fotsiny mandritry ny dimy minitra hafa eo

amin'ity ampahany ity, raha sitrakareo. Avy eo dia manao anareo tolotra ivelan'ny voajanahary iray izy. Hiverina amin'io rehetra io aho, alohan'ny hamaranana mihitsy. Izy dia manao... Hitanareo, raha tsy afaka maka fanahy anareo hanalavitra ny Teny izy, "Tsia, hijanona amin'ny Teny aho," amin'izay fotona izay dia hanome tolotra ivelan'ny voajanahary iray ho anareo izy.

²¹³ Hoy izy hoe, "Ho teneniko aminaо hoe inona. Miakara Ianao eto ary mianjerà avy eo amin'ny tempoly, ka miakara indray. Hitanaо, asehoу ny olona fa afaka manao zavatra ivelan'ny voajanahary Ianao."

²¹⁴ Ry tovolahy, teo no nahazoany azy ireo. Diniho ity ankehitriny, ity ilay izy. Diniho rehefa tonga eo amin'ny farany ianareo, izay ahatongavan'ity fakam-panahy ity. Mety mamela ny sasany aminareo hiteny amin'ny fiteny tsy fantatra angamba izy, dia mihevitra fa manana Azy ianareo. Hitanareo? Na mety mamela anareo haminany mihitsy aza izy, na dia tsy araka ny Teny aza ilay izy. Efa nahita olona nitsangana sy naminany aho, izay nifanohitra tamin'ny Teny tahaka ny Atsinanana amin'ny Andrefana. Hitanareo? Ny Teny no ivelomanareo. Ireo fanomezana ivelan'ny voajanahary, afaka manome azy ireo eran'ny таnана mihitsy i Satana. Izany tokoa. Tsy midika zavatra anankiray izany.

²¹⁵ Tsy nilaza ve Jesosy hoe, "Maro no hanatona Ahy amin'izany andro izany, ka hanaо hoe, 'Tompo, tsy efa naminany tamin'Ny Anaranaо ve aho? Tamin'Ny Anaranaо no nandroahako devoly. Nanaо asa lehibe aho. Efa lehilahy malaza iray aho tao amin'ilay rafi-pandaminana. Efa nanaо an'ireo zavatra rehetra ireo aho, ireo zavatra ireo?" Hilaza Izy hoe, "Mialà Amiko, ianareo izay mpanao meloka."

²¹⁶ Inona ny heloka? Izany dia zavatra izay fantatrareo fa marina, ary ekenareo ilay izy nefá tsy hataonareo, ao amponareo. Rehefa fantatrareo fa mampianatra zavatra anankiray ity Baiboly ity, nefá tsy ataonareo, dia izany no heloka. Ary hoy i Davida hoe, "Raha manafina heloka ato am-poko aho, dia tsy handre ny fivavahako akory aza Andriamanitra." Fahamarinana ve izany? Ny Baiboly ve izany? [Hoy ny fiangonana hoe, "Amena."—Mpand.] Ankehitriny, azo antoka fa tsy afaka ny ho tezitra amin'Izany ianareo, hitanareo. Jesosy no nilaza hoe, "Maro no hanatona Ahy amin'izany andro izany, ka hanaо hoe, 'Efa nanaо an'ireo zavatra rehetra ireo aho,' ary hilaza Aho hoe, 'Mialà, ianareo mpanao meloka.'"

²¹⁷ Mitovy amin'izay nataon'i Adama. Hoy Adama hoe, "Tompo, izaho nanaо an'ity, izaho nanaо an'itsy." Fa Teny anankiray, hitanareo, Teny anankiray no nanaо an'ilay izy. Izay ihany no ilain'izany, tsy mankatò Teny anankiray fotsiny.

²¹⁸ Eny, angamba maminany mifanohitra amin'ny Teny. Fa ankehitriny, tamin'ny fotoana nahazoany an'io fanomezana ivelan'ny voajanahary io, dia tena voatariky ny tabataba izy, tamin'ny alàlan'ny famirapiratan'izany. “Voninahitra ho an'Andriamanitra, mivavaka ho an'i *Ranona-sy-ranona* aho, nitsangana izy ireo dia nandeha! Haleloia, afaka miteny amin'ny fiteny tsy fantatra aho! Ary olona iray no nandika azy, tena izy izany, ny fahamarinana.”

²¹⁹ Hoy i Paoly hoe, “Afaka miteny amin'ny fiteny tahaka ny olona sy Anjely aho, kanefa tsinontsinona. Afaka manana finoana hamindra tendrombohitra aho, nefä mbola tsinontsinona foana aho.” Marina ve izany? [Hoy ny fiangonana hoe, “Marina izany.”—Mpand.]

²²⁰ Fa, hitanareeo, hatolony anareeo izany. Oh, ry vahoaka Pentekotista, tiako ianareeo, raha tsy izany aho tsy ho niaraka taminareo. Eo no tsy nahombiazanareo, hitanareo. Diniho ny Teny, fa tsy ilay fanomezana. Diniho ilay mpanome, jereo hoe aiza—jereo hoe aya aiza ilay izy, hitanareo. Voatarika lavitra izy, mandihy ao amin'ny fanahy izy, ry tovolahy...[Elanelana tsy voaraki-peo—Mpand.]...zavatra tokana. Mahazo olona betsaka izy manodidina azy, ary miantso azy ny olona rehetra, eto sy etsy, ka adinony ny Teny.

²²¹ Oh, tena malaza ianareeo raha mbola mijanona manalavitra ny Teny foana. Fa midira ao amin'ity Teny ity, indray mandeha, diniho hoe iza no hiara-hiasa aminareo amin'izay fotoana izay. Hitanareo? Diniho izay mivoaka amin'izay fotoana izay. Ho tonga eo amin'izany isika, ao amin'ny dingana iray hafa an'ny natiora, afaka fotoana fohy. Hitanareo, diniho hoe iza—iza no mila anareo amin'izay fotoana izay, tsy misy olona mila. “Oh, esory amin'Izany ny tànana!” Tahaka ny fikambanana anankiray niara-niangona teto herinandro vitsy lasa izay ka nandromba ahy, ny mpitoriteny rehetra izay tonga tao amin'ilay tanàna, Filazantsara feno, izay niantso ahy hankao amin'ny tanàna mba hivavaka ho an'ny marariny, dia voaroaka tanteraka avy tao amin'ny fikambanany. Eny àry, satria mivavaka ho an'ny marary aho. Eny àry. “Aza mihaino an'Izany,” hoy izy ireo. Ary io ny Teny voamarina.

²²² Izany ilay zavatra iray ihany izay nataon'izy ireo tamin'ny Tompontsika. Izany ilay zavatra iray ihany izay nataon'izy ireo tamin'ny lehilahy tsirairay, tao amin'ny taona tsirairay. Izany no nataon'izy ireo tamin'i Luther, Wesley, ary ny rehetra. Izany no nataon'izy ireo taminareo, tany amin'ny voalohany, ankehitriny dia miverina avy hatrany ao amin'ilay fotaka iray ihany izay nivoahanareo ianareo. Mariho ilay fanao, efa ilay fanao iray ihany foana ilay izy. Tsy diso mihitsy izany, manao an'ilay zavatra iray ihany i Satana.

²²³ Ankehitriny dia tena nentin'ny tabataban'ny famirapiratana lavitra izy, sy ny sisa, hany ka, oadray, tsy niraharaha ny Teny akory aza izy. “Oh, rahalahy, Rahalahy *Ranona-sy-ranona* no nilaza an’izao-sy-izao, ka tsy maintsy mandeha eto aho. Izaho...” Hitanareo, nentina lavitra fotsiny izy, tsy mahamarika an’Izany akory aza izy. Na Teny ilay izy na tsy Teny, tsy manao fahasamihafana izany. “Ny sisa amin’izy ireo dia nilaza fa nety tsara izany, noho izany dia tsy manao fahasamihafana mihitsy Izany.” Hoy ilay anaram-piagonana hoe, “Ry tovolahy, azoko ilay izy, aza mamela olona hiteny aminareo!” Inona no azonareo? Hitanareo? Mariho.

²²⁴ Nanana foana i Satana, hatramin’izany mihitsy aza, diniho ao amin’ity toerana anankiray eto ity,nofonosiny ny Teny. Na dia eo amin’ity ivelan’ny voajanahary izay nezahany nampanaovina an’i Jesosy ity aza, ilay ivelan’ny voajanahary, hitanareo, satria nanana ny ivelan’ny voajanahary, ahoana moa raha ho nihaino azy Jesosy? Hitanareo? Hoy izy hoe, “Andraso ankehitriny. Te-hijanona amin’ny Teny Ianao, sa tsy izany Ianao? Te-hijanona amin’ny Teny ve Ianao?” Hoy izy, “Voasoratra hoe, Izy no hanome baiko Ny Anjeliny mikasika an’io. Amin’ny fotoana rehetra Ampiantefanao ny Tongotrao amin’ny vato iray, dia Izy ireo no mitondra Anao.” Saingy tsy nampiantefa ny Tongony tamin’ny vato mihitsy Izy. Hitanareo? Diniho. Ahoana moa raha nianona tamin’izany izy? Izy... Efa voamarikareo ve, tsy nilaza mihitsy aho hoe nanonona ny Teny izy;nofonosiny Izany, namono an’Izany, tahaka ny mametraka gilasy eo ambonin’ny mofomamy iray, nanarona an’Izany, namotsy an’Izany, hitanareo, tsy tao amin’ny Toerany tsara Izany.

²²⁵ Izany no ezahan’izy ireo lazaina amin’izao andro izao, miezaka ny mamotsy an’Izany, saingy tsy afaka hampifanarakana an’izany amin’ny sisa amin’ny Soratra ianareo. Izany dia tsy maintsy ny zavatra rehetra hoe, “Jesosy Kristy ilay tsy miova omaly, anio, ary mandrakizay.” Hitanareo, tsy mampaninona na Teny firy no ezahanareo fonosina, izany tsy manao...

²²⁶ Tsy maintsy tononina arak’izay Nilazany Azy Izy. Noho izany, raha voatonona tsara Izany, dia Izy no hanamarina an’Izany ho tahaka an’izany eo amin’ny fiainanareo. “Izany no ahafantaran’ny olona rehetra fa epistilin’Andriamanitra voasoratra vakiana ianareo.” Ny *epistily* voasoratra dia ity “Baiboly” ity. Marina ve izany? Ny epistily iray dia ny Baiboly. Ary ianareo dia Baiboly iray voasoratra mampitaratra Ny Teniny, io lehilahy tanteraka io indray, ao amin’Andriamanitra.

Fa hoy Jesosy hoe, “Voasoratra hoe, ihany koa.” Hitanareo?

²²⁷ Fa mariho i Eva tao amin’ity dingana iray ihany ity, nentin’ny fahazoany ivelan’ny voajanahary lavitra, nanana fahatsapana ara-teolojia iray izy. Ny fianarany no faratampony ho an’ny teolojiana rehetra tao amin’ny firenena tamin’io

fotoana io. Hitanareo, tena nentina lavitra izy, tsy fantany izany. Fantany fa nanana zavatra izay tsy nananan'i Adama mihitsy izy. Angamba afaka hanapaka azy izy izao ankehitriny izao, satria nahafantatra betsaka mikasika an'izany izy, ny Adamany. Diniho izay ataon'ny Adaman'izy ireo amin'izao andro izao. Nahafantatra ny tsara sy ny ratsy izy, fianarana tsara mikasika ny Fahamarinana. Marina izany. Nanana fianarana tsara mikasika ny Fahamarinana izy, izay tsy fantany tany aloha, ary izany dia ny Fahamarinan'Andriamanitra. Saingy maty izy, tamin'ny fanimbàna ny Teny. Hia, nanana ny fianarany izy, eny àry.

²²⁸ Toy izany koa no anomezan'ny seminera anareo fahatsapana ara-teolojia iray, mba ahafahanareo manonona ny olona tsirairay an'ny Testamenta Taloha na Vaovao. Saingy tandremo tsara izay ataonareo, raha tsy manimba an'ity Teny ity eo no ho eo ianareo, raha milaza fotsiny ianareo hoe, “Eny, ho azy ireo izany.” Tsia, ho anareo izany, na iza na iza maniry! Hitanareo? Hitanareo? Mitandrema tsara. “Oh, ho an'ilay fiangonana efa ela be izany.” Izy no tsy miova omaly, anio, ary mandrakizay! Nanana fianarana tsara izy, saingy maty tao amin'ny fahotana sy heloka ihany koa.

²²⁹ Ankehitriny ny tetika fahatelon'i Satana. Ho tonga eo amin'izany haingana mihitsy isika satria tsy te-haka fotoana betsaka noho izay azo atao isika, angamba dimy ambin'ny folo hafa, roapolو minitra, raha te-handeha lavitra tahaka an'izany ianareo. Mariho ny tetiny fahatelo arak'izany, ny, na ny fakam-panahiny fahatelo. Raha tsy nahomby ireo hafa, dia ity anankiray ity no hahomby, hitanareo. Manolotra toerana iray ho anareo ao amin'ny fiangonana izy ankehitriny, tahaka ny nataony tamin'i Jesosy. “Homeko Anao izao tontolo izao. Ianao no ho mpanjaka, izaho no hanao Anao. Ahy izy rehetra ireo, noho izany dia omeko Anao izany.”

²³⁰ Iza no afaka hanao lehilahy iray ho mpitoriteny? Iza no afaka hanome fanomezam-pahasoavana iray ho an'ny lehilahy iray amin'ny alàlan'ny fametrahan-tànana eo aminy? “Andriamanitra no nametraka tao amin'ny fiangonana!” Hitanareo? Jereo hoe toy ny ahoana no anodinan'izy ireo ny Teny. Tahaka an'i Eva ankehitriny, niaraka tamin'ny fahafantarany vaovao, fahalalany, tratrany teo amin'ny fifehezany i Adama. Afaka nanao izay tiandy natao izy, hitanareo, vantany vao nahavita an'i Adama nanaiky an'izany.

²³¹ Ary, fa rehefa tonga teo amin'i Jesosy izy, dia tsy nanaiky an'izany Izy. Hoy Izy hoe, “Mankanesa any ivohoko, ry Satana.” Amin'ny teny hafa, dia aza mamela ahy handiso fanonona an'izany, fa ampio an'ity fotsiny izany. “Voasoratra hoe, ny olona rehetra dia hivelona amin'ny Tenin'Andriamanitra rehetra; fa tsy amin'ny alàlan'ny tolo-kevitrao hoe, ‘Hanao anao ho mpanara-maso ambony aho, presbytera iray, na-na diakona,

na hamela anao hitendry ny piano aho, ranabavy.' Hitanareo, ireo tolo-kevitra rehetra ireo, 'Olona iray tena malaza ianao, ka mila ny talentanao izahay ao amin'ny fiangonanay.'" Hitanareo, mankanesa eo amin'ny Teny!

²³² Afaka nanapaka azy izy, na nampianatratra azy, mitovy amin'ny vokatr'izao andro izao. Tahaka an'izany no anaovan'izy ireo azy amin'izao andro izao, mba ho lasa D.D., presbyteran'ny fanjakana, mpanara-maso, lehiben'ny distrika, na zavatra hafa tahaka an'izany.

²³³ Samihafa amin'i Jesosy toy ny ahoana! Nijanona tamin'ny Teny Izy. Ankehitriny, ireo minitra vitsy manaraka, tiako ny hanaporofa fa marina ireo zavatra rehetra ireo, hitanareo, amin'ny alàlan'ny natiora sy ny Teny, mitondra an'ity miaraka. Ity no manaporofa fa Izy no Teny tonga nofo, ho Mofo. Izy no Teny tonga nofo. Satria nampitaratratra inona Izy? Ny Teny irery ihany.

²³⁴ Raha epistily voasoratra ianareo, dia mampitaratratra ny Teny irery ihany ianareo; tsy izay lazain'ny seminera, izay lazain'ny olon-kafa, izay heverin-dRamatoa Jones mikasika an'Izany, izay heverin'i Dokotera *Ranona-sy-ranona* mikasika an'Izany, fa izay nolazain'Andriamanitra mikasika an'Izany. "Aoka ny tenin'olona rehetra ho lainga, fa ny Ahy ho ny Fahamarinana! Na iza na iza handika ny kely indrindra amin'ireo didy ireo, ka mampianatratra ny olona toy izany! Na iza na iza hanaisotra Teny anankiray avy amin'ity Boky ity, na hanampy teny anankiray amin'Izany! Tsy ny mofo ihany no hiveloman'ny olona, fa ny Teny rehetra izay aloaky ny vavan'Andriamanitra." Mivelôma Mandrakizay amin'ity Teny ity!

²³⁵ Tahaka ny tsy maintsy anananareo zavatra maty fotsiny eo mba hivelomana, tsy maintsy manana an'i Kristy hivelomana ianareo eto raha tsy izany dia maty. Ary inona Kristy? "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka nonina teto anivontsika."

²³⁶ Ary ianareo no epistily voasoratra iray ihany, ny anankiray ho an'ny taona anankiray ary ny anankiray ho an'ilay hafa, ho an'ilay Hazavan'io ora io; saingy diso tamin'ny fahitana an'izany izy ireo. Mampitaratratra an'Izany irery ihany ianareo.

²³⁷ Ireo hafa niraikitra, na dia tamin'ny anankiray aza, dia tsy nahomby tamin'ny teboka anankiray fotsiny ihany; fa tsy Izy. Ary araka ny nolazaiko, ao amin'ny Apokalypsy 22:18, hoy Izy hoe, "Na iza na iza hanampy amin'Ity!"

²³⁸ Ankehitriny dia diniho tsara mihitsy ankehitriny. Matio 24:24 no manaitra, ahoana fa izy ireo... "Saiky, amin'izao andro farany izao," hoy Jesosy, "dia hofitahin'io zavatra io ilay tena voafidy." Diniho ireo fanahy. "Amin'ny andro farany," ankehitriny dia tsy maintsy tanteraka io Soratra

io. Mino an'izany ve ianareo? [Hoy ny fiangonana hoe, "Amena."—Mpand.] Ankehitriny, izany dia, "Amin'ny andro farany, ilay tena voafidy, voafidy mialoha, voafidy ho an'izany, dia hofitahina...." Tena tanteraka izany, tena ara-tSoratra izany, ary toa tena tsara sy mazava, mba tsy ahafahanareo hahita lesoka iray ao amin'izany, na ahoana na ahoana, ilay voafidy irery ihany no ho afa-mandositra an'izany. Ankehitriny dia izany no nolazain'i Jesosy. Mino an'izany ve ianareo? ["Amena."] "Himitaka an'ilay tena voafidy raha azo natao."

²³⁹ "Nahoana, Soratra tanteraka izany, afaka mahita an'izany amin'ny maso ara-boajanahary ianareo." Fa, hitanareo, tsy izany ilay izy. Jesosy... Nanana an'io Soratra io tanteraka arak'izay naha-izy Azy mihitsy ireo Fariseo ireo, saingy tamin'ny alàlan'ny fandikan'izy ireo manokana.

²⁴⁰ Ahoana no nahafantaran'izy ireo fa tsy diso Izzy? Satria nanamarina ny Teny tsirairay izay Nampanantenainy Azy tao amin'io taona io Andriamanitra. Izany no antony nahafantaran'izy ireo fa Izzy no Mesia. Hitanareo?

²⁴¹ Mariho ankehitriny, "raha azo natao," tamin'ireo andro ireo. Teny anankiray fotsiny ihany, Teny anankiray no ilaina. Izay ihany no tsy maintsy nahazoan'i Satana an'i Adama, nahazo Azy teo amin'ny Teny anankiray fotsiny. Izay ihany no tsy maintsy ananany amin'izao andro izao, manao zavatra anankiray fotsiny hivadika. Izay ihany, izay ihany no ilainy. Ankehitriny, fantatrareo fa izany no Fahamarinana. Ny manampy anankiray, na manaisotra anankiray, dia izany no tsy fahombiazana manontolo. Ny kely tsirairay, "Ny Tenin'Andriamanitra rehetra!" Eritrereto ankehitriny ireo fandikan'ny seminera, ny tsirairay avy dia samihafa amin'ilay hafa.

²⁴² Tsy maintsy misy Fahamarinana iray any ho any, ary *ity* Izany, ny Baiboly. Ankehitriny dia nilaza Jesosy...

²⁴³ Hoy ianareo hoe, "Eny, Rahalahy Branham, izy ireo no manana ny fivavahana tsara tarehy indrindra."

²⁴⁴ Hoy Jesosy hoe, "Foana ny ivavahan'izy ireo Amiko, mampianatra teolojian'olona ho foto-pampianarana, fa tsy ny Teny," ny olona, ny fiheverany manokana ny Teny izay voadika.

²⁴⁵ Araka ny nolazaiko, tsy mila mpandika teny mihitsy Andriamanitra. Izy no mandika ny Teny tsirairay Samirery. Hitanareo, tsy mila olona handika Azy aminareo ianareo, Andriamanitra no mandika an'izany aminareo rehefa vonona ny hanaiky an'Izany ianareo. Hitanareo, izany ilay Aina, izany no Aina Izzy tenany.

²⁴⁶ Hoy Jesosy hoe, "Foana ny ivavahan'izy ireo Amiko." Mivavaka amin'Andriamanitra tokoa izy ireo. Nivavaka tamin'Andriamanitra tokoa i Kaina, tany amin'ny voalohany.

“Fa foana ny ivavahan’izy ireo Amiko.” Inona ny *foana*? “Tsy mahavita soa izany.”

²⁴⁷ Mety milaza izy ireo hoe, “Eny, izaho manao an’ity. Mandihy ao amin’ny fanahy aho. Izaho, miteny amin’ny fiteny tsy fantatra aho. Izaho, maminany aho. Mitory ny Filazantsara aho.” Saingy diso amin’ny famelàna ny volonareo haniry, diso eo amin’ny zavatra anankiray, nefà mahita an’izay mitranga, hiala aminareo eo no ho eo ny Fanahy. Izany no mitranga amin’ireo fiangonantsika, tsy nahomby.

²⁴⁸ “Foana, mivavaka Amiko. Oh, fivavahana tsara tarehy ilay izy. Saingy foana ny ivavahan’izy ireo Amiko, mampianatra didin’olona ho foto-pampianarana.”

²⁴⁹ Teolojiana nianatra ireo Fariseo ireo. Aza sahy hilaza ianareo fa manana zavatra hampitahaina amin’izy ireo isika amin’izao andro izao. Tsia, tokoa. Nahafantatra teny anankiray izy ireo, ny teny tsirairay, arak’izay nanoratana azy mihitsy, saingy foana ny nivavahan’izy ireo. Eritrereto izany, “*foana*,” sekoly tsara goavana, sy seminera, sy mpampianatra, sy lehilahy tanora, ary ny zavatra rehetra tahaka an’izany, nefà very!

²⁵⁰ Tahaka ny tany an-efitra, hoy Izy, “Izy rehetra dia nihinana mana avy tao amin’io Vatolampy ara-panahy tany an-efitra io, nisotro avy tamin’io Vatolampy io izy rehetra, no tiako lazaina, ary nihinana mana avy tao amin’izany izy rehetra.” Ary hoy Jesosy hoe, “Fa izy ireo dia, ny tsirairay avy, maty.” *Fahafatesana* dia midiaka hoe “tafasaraka Mandrakizay.” Nahoana? Satria diso tamin’ny finoana ny teny fikasan’Andriamanitra izy ireo.

²⁵¹ Oh, halako ny mihazona anareeo tahaka an’izao, saingy tsy maintsy lazaiko fotsiny ilay izy. Jereo, tsy haka iray minitra aho eo amin’ity. Ny tsirairay avy tamin’ireo olona ireo dia nivoaka avy teo ambanin’ilay Andry Afo, niditra tany an-efitra, nino an’Andriamanitra, nanohy nandeha. Fa rehefa tonga izy ireo mba hahita an’ilay sakana, rehefa ny—rehefa niverina ireo folo ka nanao hoe, “Tsy afaka maka an’ilay tany isika. Oh, oadray, olombe izy ireo any. Izy ireo dia *ity*, *itsy*, ary ny *hafa*. Izy ireo fotsiny... Tsy afaka manao an’ilay izy isika. Tsy azo atao ilay izy.”

²⁵² Fa inona no nataon’i Kaleba sy Josoa? Nampangina ny olona izy ireo. Hoy izy ireo hoe, “Mihoatra noho ny afaka haka azy isika.” Nahoana? Nijery an’izay azony nojerena ireo olona ireo, hitanareo, nijery an’izay azony nojerena. Fa Kaleba sy Josoa dia nijery ny teny fikasan’Andriamanitra. Hoy Andriamanitra hoe, “Efa Nomeko anareeo io tany io. Mandehana alaivo izy!”

²⁵³ Ankehitriny Hebrewo ny faha-6, raha afaka hanonona azy aho hoe, “Fa tsy azo atao ho an’ireo izay efa nohazavaina indray mandeha, sy efa nanandrana ny Fanahy Masina, ny herin’ny fiainana ho avy, raha hihemotra indray izy ireo, mandà, lasa mandeha.”

²⁵⁴ Tahaka an'ireo lehilahy tonga tany ireo ka nihinana an'ireo voalobokaavy tamin'ilay tany hafa, nitsangana tany; ka rehefa tonga teo amin'ny fanarahana ny Teny ilay izy, hatramin'ny farany, dia hoy izy ireo hoe, "Tsy afaka manao an'izany isika." Ary maty tany an-efitra izy ireo.

²⁵⁵ Eo no ahatongavantsika. Nanandrana Tenin'Andriamanitra tsara iray isika. Saingy, ilay teny fikasana feno, "Tsia, tsia, tsy afaka manao an'izany izahay, hitanareo, satria Dokotera *Ranona-sy-ranona* na olon-kafa iray no milaza fa tsy afaka manao an'izany izahay. Ho an'ireo apostoly izany. Andro hafa iray izany." Eo ianareo no maty.

²⁵⁶ Hitanareo, ny Soratra no mamatotra ny rehetra miaraka, ny Teny tsirairay an'Izany no mamatotra miaraka. Ary tsy afaka homen'ny hevitra nataon'olona izany, rafitra, na inona na inona. Izany dia voambaran'ny Fanahy Masina irery ihany. Hoy Jesosy hoe, "Ray, misaotra Anao Aho fa Nafeninao tamin'ny hendry sy manan-tsaina ireo zavatra ireo, ka nanambara izany tamin'ireo zaza izay hianatra."

²⁵⁷ Haingana mihitsy ankehitriny ndao isika handeha eo amin'ity fisainana manaraka eto ity raha vitantsika. "Foana ny ivavahan'izy ireo Amiko." Ireo Fariseo ireo, nianatra, oh, tsara ara-pitondran-tena; saingy nantsoina, tamin'ny alalan'i Jesosy hoe, "devoly." Ireo teolojiana nianatra ireo, hoy Jesosy hoe, "Devoly ianareo, ary ny asan'ny rainareo no hataonareo." Hoy Izy, "Manaingo an'ireo fasan'ny mpaminany ianareo, nefanya rainareo tany aoriana tamin'ilay fotoana iray ihany . . . Tonga ireo mpaminany ireo hamotika an'ireo rafitra ara-pivavahana ireo." Izany no nataon'izy ireo.

²⁵⁸ Mpaminany! Aiza no ahatongavan'ny Teny, amin'ny teolojiana iray sa mpaminany iray? [Hoy ny fiangonana hoe, "Mpaminany."—Mpand.] Tsy amin'ireo teolojiana sy ilay sekoly. Tonga amin'ny mpaminany iray Izany, isan'andro. Tsy manova ny Rafitrany mihitsy Andriamanitra, mihitsy. Isan'andro dia manana, isan'andro! Tsy amin'ny vondrona iray; amin'ny isambatan'olona iray! Tsy amin'ny vondrona iray mihitsy; isambatan'olona, eny, tompoko, mpaminany iray. Ary hoy izy ireo hoe . . .

²⁵⁹ Hoy Jesosy hoe, "Manaingo an'ireo fasan'ny mpaminany ianareo, nefanya rainareo no nametraka azy ireo tao." Ary manao an'ilay tena zavatra iray ihany eo ambanin'ny fahajamban'ny semineran'i Satana izy ireo. Hitanareo?

²⁶⁰ Ary ankehitriny, ry Pentekosta, hazony any ivelan'io Fiombonambe Maneran-tany an'ny fiangonana io ny oronareo. Ankehitriny, ianareo mpitoriteny eto, hanoratra hankany amin'ireo foibe ianareo, ny-ny amin'ireo olona ireo. Ankehitriny, tsy voatery hanoratra any amin'ny—any amin'ny Assemblées sy ny maro amin'izy ireo ianareo, satria efa namoaka

an'ilay zavatra izy ireo, tsy te-hanao na inona na inona amin'izany izy ireo. Ary ianareo rahalahy Batista, ihany koa, hazony hiala avy ao ny lohanareo. Tsy hitanareo ve fa izany marina tokoa no mariky ny bibidia izay tonga? Fantatrareo hoe iza no hitelina azy rehetra, raha mahafantatra zavatra mikasika ny Soratra ianareo. Raha mampitaratra ny Teny ao anatinareo ny Teny, dia mijanòna lavitra an'io zavatra io. Hiditra haingana ao anatin'io ny anaram-piangonanareo. Ary tsy maintsy hanao an'izany ianareo na hanala ny anaram-piangonanareo. Tsy afaka ny ho anaram-piangonana iray ianareo ka hijanona eo, satria tsy maintsy miditra ianareo na mijanona any ivelany.

²⁶¹ Amin'izay fotoana izay, dia tsy anaram-piangonana intsony ianareo, noho izany dia naneho ny tenanareo ianareo. Marina tokoa. Andriamanitra hitahy anareo, raha manao an'izany ianareo. Sarotra ny hiteny hoe firy no hanao an'izany. Saingy hanao ny sasany, tsy isalasalana. Eny, tompoko.

²⁶² Voafitaka, ary Jesosy dia niantso azy ireo hoe "devoly." Ankehitriny, fa rehefa nitsangana teo Jesosy, (inona) ny fakampanahy tsirairay, Noteneniny mafy tamin'ny Teny izany, ary nitsangana teo tamin'ny alàlan'ny Teny. Andriamanitra no nanamarina Azy.

²⁶³ Tahaka ny tany, indray hariva, nitory mikasika an'i Michelangelo aho. Firy no efa mba tany Forest Lawn ka nahita ny tsangambaton'i Mosesy any, nataon'i Michelangelo? Nanaitra izany, rehefa niditra tao voalohany aho ka nahita an'izany. Saiky nandany ny androm-piaianany i Michelangelo, tamin'ny fanamboarana. Tao an-tsainy, izy dia nanana an'izay—an'izay tokony haha-izy an'i Mosesy. Ary izy—naniry izy ny hanao—hanao azy ho vita talohan'ny nahafatesany. Ary nandany taona sy taona izy, tamin'ny fanaovana sokitra, mandidy *eto*, sy manapaka *eto*, ary mikosoka *eto*. Hany ka, farany rehefa vitany ilay izy indray andro, taorian'ny taona maro, dia nitsangana teo niaraka tamin'ny vorodamba iray izy teny an-tanany, tahaka an'izao. Nihemotra izy ka njery an'ilay izy, ilay fahitana izay tao an-tsainy, fa hatramin'ny nandrenesany voalohany ny amin'i Mosesy, dia tokony ho tahaka an'izany ilay izy. Teo ilay izy, nitselatra teo anatrehany. Lasa tena voatsindrimandrin'ny asany manokana izy, nandramby maritoa iray izy ary nikapoka an'ilay izy teo amin'ny ranjo, ka nihorakoraka hoe, "Mitenena, ry Mosesy!" Nihevitra izy fa Mosesy tokony hiteny izany, tena nitovy betsaka tamin'ilay zavatra izay tao an-tsainy izy. Ary mbola eo foana io kilema eo amin'ny ranjo io. Sarivongana iray tanteraka izy rehetra afa-tsy io fahatapahan'ny ranjo io, ilay ranjo ankavanana. Diniho izany any Forest Lawn, rehefa miditra ao amin'ilay varavarana ianareo, ny dika mitovin'izany. Mosesin'i Michelangelo, ny sangan'asany, izany, izany no nanisy tombokase ny fiainany.

²⁶⁴ Mpanao sokitra lehibe iray Andriamanitra, marina, nanao ny olona araka ny Endriny Izy, mba hampitaratra Azy, ary Izy no Teny. Ary inona no Nataony? Nizaha toetra an'i Adama Izy; tsy nahomby izy, tsy nahomby i Mosesy, tsy nahomby ny sisa rehetra tamin'izy ireo. Fa indro ny Anankiray tanteraka, haleloia, (inona izany?) tsy misy afa-tsy Andriamanitra Izy tenany ao amin'ny nofo, nitaratra tao Aminy ny Teny, nitondra ny fahafenon'ny Maha-Andriamanitra ara-batana; tsy mpaminany iray, kanefa mpaminany iray Izy; tsy olona iray, kanefa olona iray Izy.

²⁶⁵ Ry Jiosy, aza manandrana mihambo fa anareo Izy. Izy dia sady tsy Jiosy na Jentilisa. Andriamanitra Izy. Hitanareo? Ianareo dia ny rānareo, hitanareo, ary, mazava ho azy, nofo ianareo. Ary Maria, mazava ho azy, tsy nanana hevitra ny amin'ny Fanahy Masina nanome azy fahatsapana iray i Maria. Andriamanitra ilay Ray no namorona tsimok'aina iray, na-na atody iray tao amin'i Maria, sy selan-dRà iray tao anatiny, ihany koa, ary izany dia ny Rān'Andriamanitra.

²⁶⁶ Avy amin'ny fananahana lahy ny rā. Noho izany ilay izy dia tsy . . . Ny hemoglobina sy ny rā dia tsy maintsy avy amin'ny ray, satria tsy mandray ny aretin'ny reniny akory aza ilay zazakely, toy ny TB. Afaka mandova an'izany avy amin'ny fofon'ain'ilay reny izy, fa tsy mandova an'izany, ny tiako lazaina, fa afaka miaina an'izany ary—ary mahazo an'izany. Fa tsy afaka maka an'izany avy amin'ny reny izy, satria izy, afaka amin'izany izy, tsy manana ny rān'ny reniny izy.

²⁶⁷ Ankehitriny, fa tsy rān'ny Jiosy iray na Jentilisa iray Jesosy, Rā iraynoforonin'i Jehovah Izy tenany Izy. Izy no Rān'Andriamanitra. Hoy ny Baiboly hoe, "Isika dia novonjena tamin'ny alàlan'ny Rān'Andriamanitra." Tsy ilay rān'ny Jiosy iray na Jentilisa iray, ho fananahana daholo izany, fa ity dia ny Rān'Andriamanitra.

²⁶⁸ Mariho ankehitriny rehefa nahita an'io Anankiray tanteraka io Izy, Nokapohiny Izy, nanimba Azy. Hoy Isaia hoe, "Izy dia voalefona nohon'ny fahotantsika, notorotoroina nohon'ny helotsika." Inona Izy? Izy io Teny tanteraka io, nampitarafina ho an'ny Mofo, izay hiveloman'ny olona rehetra. Izy io varin'ny Tenin'Andriamanitra io izay afaka ho totoina ary napetraka ao anatin'ny Filazantsara efatra, Boky enina amby enimpolo. Ary hivelona amin'Izany ny olona, ary Izany irery ihany, ary ny Teny rehetra an'Izany. Amena. Izany no sangan'asan'i Michelangelo. Ary rehefa afaka nahita ny Tenany voataratra tao amin'ny Lehilahy iray Andriamanitra, dia nanana an'io Lehilahy tanteraka noforonina araka ny Endriny Manokana io Izy. Oh, oadray, Lehilahy iray toy ny inona! Tsy maintsy maty ho antsika rehetra Izy. Afaka mijanona eo amin'izany isika, saingy tsy hijanona. Tsy maintsy maty ho antsika rehetra Izy. Ary maty Izy, ilay Anankiray tanteraka; mba hahatonga antsika, tsy tanteraka, ho afaka hatao tanteraka ao Aminy,

amin'ny alàlan'ny fandraisana anjara amin'ny Teny rehetra an'Ny Baiboliny. Ankehitriny, avy eo dia nanangana Azy indray Izy, ho an'ny fanamarinana antsika, ka manana zò isika, tahaka an'i Jesosy nitsangana, hoe eto Izy ankehitriny hampita amintsika, ny Tenin'Andriamanitra rehetra, izay tokony hivelomantsika.

²⁶⁹ Ankehitriny, haingana mihitsy ankehitriny, avy eo dia mamarana isika. Ankehitriny, ilay Eva ampakarina faharoa.

²⁷⁰ Ankehitriny, ilay mpampakatra voalohany, Adama; tsy maintsy nentina niakatra tamin'ny alàlan'ny andiana mpaminany, sy ny sisa, avy eo dia nivoaka tanteraka, ary avy eo dia tsy maintsy maty mba ho Mofo ho an'ny sisa amin'izy ireo.

²⁷¹ Ankehitriny dia ahoana ny amin'i Eva? Tsy maintsy manao an'ilay zavatra iray ihany izy. Saingy rehefa tonga Jesosy... Tsarovy, Eva dia ny vehivavy. Ny fiangonana dia voaseho ho vehivavy iray foana ao amin'ny Baiboly, satria ampakarina izy. Diniho ankehitriny izay nataony. Niezaka ny handresy lahatra Azy tamin'ny foto-pampianarany izy. Raha mbola nitory an'izay noeritreretin'izy ireo foana mihitsy izy, Lehilahy malaza iray Izy.

²⁷² Fa indray andro izy dia nanomboka niteny, ka nanao hoe, "Izaho sy ny Ray dia iray."

²⁷³ "Oh, manao ny Tenanao hitovy amin'Andriamanitra Ianao, hitanao. Oh, oadray! Izahay tsy te-hanao na inona na inona amin'io Lehilahy io, intsony."

²⁷⁴ Ary ireo zavatra hafa rehetra izay Nanombohany nolazaina hoe, "Raha tsy mihinana ny Nofon'ny Zanak'olona ianareo." Inona no neverinareo ho noeritreretin'ny dokotera iray, nipetraka teo? Inona no neverinareo ho noeritreretin'ny olona iray, fisainana tsotra fotsiny? "Tsy maintsy mihinana Ny Nofoko sy misotro Ny Ràko ianareo."

²⁷⁵ Hoy izy ireo hoe, "Vampira iray io Lehilahy io, fa tsy mpitoriteny. Mialà lavitra an'io Lehilahy io, adala Izy. Mialà lavitra Azy."

²⁷⁶ Saingy izany no Fahamarinana. Hitanareo, izany no Fahamarinana. "Raha tsy mihinana an'Izany ianareo, dia ho levona. Ho faty ianareo rehetra, raha tsy mihinana an'Izany."

²⁷⁷ Izany ilay zavatra iray ihany amin'izao andro izao. Ny mofo sy divay dia mari-pamantarana iray fotsiny ihany, aza avela hanakorontana anareo io zavatra ara-boajanahary io. Tsy maintsy mihinana an'i Kristy ianareo, dia ny Teny izay ivelomanareo, "ny Teny rehetra izay aloaky," ny Baiboly manontolo manomboka amin'ny Genesisy hatrany amin'ny Apokalypsy.

²⁷⁸ Ankehitriny, ilay Eva faharoa, diniho izy. Noforonina indray izy, tahaka Azy, tamin'ny Andron'ny Pentekosta, feno ny

Fanahy, arynofahanan'ny Teny. Amena. Lasa mpivavaka aho ankehitriny. Mahatsapa ho tsara aho. Io fiangonana voalohany io, io Eva voalohany io, izay tokony ho Ampakarin'i Kristy. Firy no afaka hanao "amena" amin'izany? [Hoy ny fiangonana hoe, "Amena."—Mpand.] Izy no tokony ho Ampakarin'i Kristy. Teraka tao amin'ny Pentekosta Izy, fa tsy tany Nise, Roma; tsy tany Londres, Angletera; na tsy tany Etazonia; tsy tany Alemania niaraka tamin'i Luther, tsy tany Angletera niaraka tamin'i Wesley, tsy tany Etazonia niaraka tamin'ireo Pentekotista, mody antsoina. Teraka tamin'ny Andron'ny Pentekosta Izy. Feno ny Fanahy Izy. Ary feno ny Fanahy Izy, arynofahanan'ny Teny, "ny Teny rehetra izay aloaky ny vavan'Andriamanitra." Na dia mikasika an'i Jodasy aza . . . Ary, oh, tsy maintsy nandray ny zavatra rehetra fotsiny izy ireo, Teny amin'ny Teny fotsiny, tena voly mamony iray teo ambonin'ny tanin'Andriamanitra, nisolo tena Azy, hazo Ampakarina iray hafa.

²⁷⁹ Nampitaratra Azy tao Anatiny Ny Tenin'ny fampanantenany. Izy ireo dia tsy maintsy nihaino tsara an'i Petera sy izy ireo. Tsy tany amin'ny seminera iray izy ireo, ary fantatr'izy ireo izany. Tsy tany amin'ny sekoly Biblika iray izy ireo, seminera ara-teolojia iray. Tsy nanana fianarana izy ireo, satria tsy afaka nanoratra ny anarany manokana akory aza. Hoy ny Baiboly hoe, "Tsy nahay sy tsy nianatra izy ireo." Fa inona no nitranga? Tsy maintsy nahatsikaritra izy ireo fa efa niaraka tamin'i Jesosy, satria tao anatin'izy ireo Izy, nampitaratra ny Fampanantenany. Haleloia! Voninahitra ho an'Andriamanitra! Izany no ilaintsika ao amin'ity taona ity. Nampitaratra Azy tao anatiny Ny Teniny, ilay fiangonana. Velona tamin'ny alàlan'ny Teny rehetra izay naloaky ny vavan'Andriamanitra izy.

²⁸⁰ Fa avy eo, tahaka an'i Eva, nifanena tamin'ny fahalavoany izy, teo amin'ny Teny, tany Nise, Roma, izay hany nandrafetana an'ilay rafi-pandaminana voalohany, ilay fiangonana Kristiana maneran-tany. Misy mpianatra Baiboly iray ve ato? Misy ve ny . . . Misy teolojiana iray ve ato izay mahafantatra fa izany no fahamarinana? Ny rafi-pandaminana voalohany dia tany Nise, Roma. Tsy nanana rafi-pandaminana iray mihitsy Andriamanitra, tsy hanana anankiray mihitsy. Fehezin'olona izany. Teo izy rehetra no . . .

²⁸¹ Kristiana aho. "Fiangonana inona no ikambananao?" Anankiray ihany no misy. Efa Branham iray aho, dimy amby dimampolo taona, ary tsy nikambana tamin'ilay fianakaviana mihitsy aho, anankiray teraka aho. Tahaka an'izany no nahaterahanareo tao amin'ny Fanjakan'Andriamanitra, ary taratry Ny Teniny ianareo.

²⁸² Mariho, nifanena tamin'ny azy i Eva. Ary toy izany koa no nihaonan'ilay Eva faharoa tamin'ny azy tany Nise, Roma, nanome azy anaram-piangonana iray, fanekem-pinoana, nanaiky dogma raha tokony ho ny Teny; nanala an'ireo

sampin'ny mpanompo sampy tahaka an'i Jupiter sy ny sisa, ka nanangana an'i Paoly sy Barnabasy. Ary—ary nanala an'ilay andriamanitra-masoandro sy andriamanitra-volana, Astarté, ilay andriamanitra-volana, niaraka tamin'ny hostia boribory teo amboniny, ka nanao azy ho renin'ilay andriamanitra-masoandro dia i Jupiter. Ary nanova ny andro nahaterahan'i Jesosy avy tamin'ny Aprily, izay ny natiora rehetra, izay Nahaterahany teo ambanin'ilay ondrilahy, satria ondrilahy iray Izzy, ka nanova an'izany ho andro nahaterahan'ilay andriamanitra-masoandro tao anatin'ny masoandro tany, izay anaovan'izany andro anankiray... Eo amin'ny iray minitra fotsiny no elanelany amin'ilay andro rehefa mandalo izy ny andro fahadimy amby roapolon'ny Desambra, ny andro nahaterahan'ilay andriamanitra-masoandro, fa tsy ilay Zanak'Andriamanitra. Ary ny tsirairay avy amintsika dia milalao Santa Claus, sy mandravaka hazo, fanompoan-tsampy, ary ireo zavatra tahaka an'izany, nefo miantsika ho Kristiana ve? Inona ny olana amin'ilay fiangonana Kristiana?

²⁸³ Mba hisy olona iray hitsangana ve eo anivontsika, izay afaka hitory ny Teny sy hiteny ny Fahamarinana, ka Andriamanitra no hanamarina an'izany sy hanaporofo amin'ny olona fa Izzy no tsy miova omaly, anio, ary mandrakizay? Tsy mila seminera iray isika. Tsy mila teolojiana iray isika. Mila mpaminany iray isika. Marina izany. Andriamanitra no nampanantena an'izany, ihany koa.

²⁸⁴ Noho izany dia nifanena tamin'ny tsi-fahombiazany i Eva, toy izany koa ny fiangonana; nanome lâlana ny anaram-piangonana, fanapahan'olona, mba ho tapahan'olona, fa tsy nofehezin'ny Fanahy intsony. Niala lavitra ny Teny izy, ary nanaiky dogma. Iza no afaka manao hoe "amena"? [Hoy ny fiangonana hoe, "Amena!"—Mpand.] Azo antoka. Fa fantatrareo ve fa isika Protestanta dia manaiky dogma betsaka noho ny ananan'izy ireo, rehefa manampy zavatra amin'ity Teny ity isika na manaisotra zavatra avy amin'Izany? Tratran'i Satana izy, tamin'ilay teknikany traianainy iray ihany izay nahatratrarany an'i Eva, nanao marimaritra iraisana. Teo no nahazoany azy, nilaza zavatra hafa noho ny Teny, fanekekem-pinoana iray na anaram-piangonana iray.

²⁸⁵ Nandeha nankao amin'ny tany ilay tany am-boalohany, tao amin'ny fanaovana maritiora, ireo fikoseham-barin'i Roma no nitoto an'io vary io avy tamin'ny Pentekosta, nankao amin'ny vovoka, sy nandoro azy ireo teo amin'ny tsato-kazo ary namahanany an'ireo liona izy ireo. Lasa izy ireo tahaka ny nataon'ilay vary hafa, marina izany, saingy nanomboka nanangana azy indray Izzy tao amin'ny fanavaozana, ilay anankiray ihany, tamin'ny faharoa.

²⁸⁶ Tahaka ny Nataony tamin'ilay Adama Faharoa. Taorian'ny nahalavoan'i Adama, dia nanomboka nanangana Adama

Faharoa Izy. Ary lavo ilay Adama Faharoa, avy eo dia natsangana Izy. Lavo tao amin'ny fahotany ilay Adama voalohany ary nijanona teo. Lavo ilay Adama Faharoa, mba hanavotra ny olona avy amin'ny fahotany, ary nakarina.

²⁸⁷ Ankehitriny, ilay fiangonana voalohany dia lavo tao Nise, Roma, aloha, nohon'ny Tenin'ny Fahamarinana anankiray avy ao amin'ny Baiboly, izay nanampian'ilay fiangonana Romana an'ireo dogma sy fanekem-pinoany. Indro tonga ny pretra kely iray tamin'ny anarana hoe Martin Luther, izay nilaza hoe, "Tsy ity no kominio, tsy ity no vatan'i Kristy. Hostia iray ity. Ary, ny olona, 'ny marina no ho velona amin'ny finoana.'" Ary nanipy an'ilay zavatra teo amin'ny gorodona, ka nandà an'izany. Eo no tonga ny kintanareo voalohany namiratra taorian'ny taonan'i Tyatira. Eny, tompoko, nohamarinin'ny finoana! Izy, ilay Mpanao sokitra lehibe, no nipetraka mba hanao Ampakarina sangan'asa iray izay hampitaratra Ny Teniny.

²⁸⁸ Fa inona no nataon'ireo Loterana taorian'ny fahafatesan'i Luther? Nifanena tamin'i Satana izy ireo, ary nanao anaram-piangonana iray avy amin'izany, ka maty. Tsy nanao zavatra hafa mihitsy izy taorian'izany, vita ny aminy, lasa vahoaka betsaka fotsiny izy. Eny àry.

²⁸⁹ Avy eo dia naka azy indray Andriamanitra, tamin'ny andron'i John Wesley, niaraka tamin'ny Fahamarinana iray hafa mba hampitaratra. Inona no nataony? Hoy izy hoe, "Ny fanamasinana no asa faharoa an'ny fahasoaavana." Ary inona no nataon'Andriamanitra? Notahiany izany. Ary nandà an'ilay fiangonana Anglikana izy, sy ny fiangonan'i Zwingli, ary ny sisahetra tamin'izy ireo, sy ireo mpanaraka lalàna rehetra, sy ny Calvin rehetra, na ireo—ireo Kalvinista, raha ny marina, ka nandà an'izany. Ary—ary hoy izy, "Ny marina no ho velona amin'ny finoana," hoy Luther. Fa ny asa faharoa an'ny fahasoaavana dia ny fanamasinana." Ary izany no Fahamarinana. Marina izany. Hitanareo?

²⁹⁰ Avy eo dia inona no nataony? Ilay zavatra iray ihany, taorian'ny fahafatesan'i Wesley, sy Asbury ary izy ireo, ilay zavatra iray ihany izay nataon'i Luther, nandrafitra, maty. Jereo ilay izy ankehitriny.

²⁹¹ Nandeha tany aho, teto vao tsy ela akory izay, mba hivavaka ho an'ny vehivavy iray tao amin'ny hopitaly iray, nandeha teo ambanin'ny fandidiana. Niditra tao aho. Hoy izy hoe, "Ranadahy Branham, niantso anao aho. Tsy mahafantatra ahy ianao," hoy izy, "saingy hivavaka ho ahy ve ianao? Tsy maintsy hanao fandidiana iray aho amin'ny maraina."

Hoy aho hoe, "Izany tokoa, ranabavy."

²⁹² Nisy lehilahy iray hafa teo, vehivavy iray, ary zazalahy iray, nipetraka teo, zazalahy teo amin'ny valo ambin'ny folo taona teo,

ary nandinika ahy tsara mihitsy izy ireo. Ary nitodika aho ka hoy aho hoe, “Hamel ahy ve ianareo, izaho handeha . . .”

Hoy izy hoe, “Sintony io lamban’efitra io!”

Hoy aho hoe, “Tsy Kristiana ve ianao?”

Hoy izy hoe, “Metodista izahay!”

²⁹³ Hoy aho hoe, “Tsy izany no nanontaniako anao. Nanontany anao aho . . . Raha Metodista fotsiny ianao, dia hosintoniko ilay lamban’efitra. Raha Kristiana ianao, dia tsy mila an’ilay lamban’efitra hosintonina.” Noho izany, hia, marina izany.

²⁹⁴ Noho izany, dia misy fahasamihafany betsaka ny maha-Metodista, na Batista, na Presbyterana, ary avy eo maha-Kristiana; tsy maha-Campbellite iray, fa maha-Kristiana iray, hitanareo. Inona no nataony? Ilay zavatra iray ihany.

²⁹⁵ Noho izany dia inona no nitranga? Naka andiany kely iray Andriamanitra teto tany Atsimo, lehilahy mainity hoditra kely iray niaraka tamin’ny maso balana. Ary, Izzy, inona no Nataony? Nararany ilay famerenana an’ireo fanomezam-pahasoavana, ka lasa Pentekosta izany. Ary maro aminareo tamin’ny andro fahiny tahaka an-dRahalahy Valdez mipetraka ery aoriane ery, olon-kendry azon-taona iray, nitory teny fony aho dimy taona. Mahatsiaro an’ilay Pentekosta voalohany izy. Ry tovolahy, aza miresaka rafi-pandaminana amin’ireo zalahy ireo ianareo, nivoaka avy tamin’io zavatra ratsy io izy ireo. Ary nanana ny Hafatr’Andriamanitra izy ireo.

²⁹⁶ Fa inona no nataon’izy ireo? Ilay zavatra iray ihany izay nataon’ireo hafa, nandrafitra an’izany. Ankehitriny dia manana eo amin’ny rafi-pandaminana telopolo na efapolo samihafa izy ireo, an’ny tokana, an’ny roa, an’ny telo. Hany ka, miantrà, mamindrà fo, tsy mbola nandre zavatra tahaka an’izany mihitsy aho teo amin’ny fiainako! Inona no nataonareo? Maty teo no ho eo ianareo. Izay ihany no lavitra azonareo nandehanana. Tsy hanaiky an’Ity ny rafi-pandaminanareo. Ianareo, maka ny lehilahinareo ianareo hoe, “Ity lehilahy ity, raha tsy mino miaraka amintsika izy, dia aza mandray azy ao. Tsy banana an’izany ny fiombonantsika.” Oh!

²⁹⁷ Jereo, haingana mihitsy, tsy maintsy tonga ny Voa marina iray. Tsy maintsy hisy mihitsy, satria tonga ho an’ny Ampakarina tsy misy pentina na fikentronana Izzy. Tonga ho an’izany Izzy, Ampakarina Teny-voamarina iray. Oh, ho tena vondrona kely bitika izy. Hoy Jesosy hoe, “Tahaka ny tamin’ny andron’i Noa, izay nisy fanahy valo novonjena,” (marina ve izany?) “dia ho toy izany koa amin’ny fihavian’ny Zanak’olona.” Firy? Tsy fantatro.

²⁹⁸ Fa, hitanareo, ny Ampakarina dia ho vita avy amin’ny manerana rehetra, izay banana ny Teny tao amin’ny taonany.

Tsy ity vondrona farany ity fotsiny izany, haka an'ilay zavatra manontolo avy eto Andriamanitra. Oh, tsia.

²⁹⁹ Izany dia ho—ho tena kely, hahagaga izany. Ho lasa tsy hita izy ireo, tsy ho fantatrareo akory aza hoe lasa izy ireo. Ahoana moa raha naka dimanjato Izy ao amin'ity andro farany ity? Tsy ho fantatrareo mihitsy izany. Naka dimanjato tao anatin'ny fotoan'andro vitsy, roa na telo andro? Hisy an'io olona betsaka io ho lasa tsy hita manerana an'izao tontolo izao, tsy fantatra akory aza hoe aiza no misy azy ireo, tsy mandre na inona na inona mikasika azy ireo. Ilay Fihaviana mafina an'ny Tompo Jesosy, halaina Izy.

³⁰⁰ Ary ny sisa amin'izy ireo dia handeha hitory teny avy hatrany, tahaka ny tamin'ny andron'i Noa mihitsy hoe, "Voninahitra ho an'Andriamanitra, manana Azy izahay, haleloia," ary nanisy tombokase ny fahafatesany. Izany no lazain'ny Baiboly, ary tsy mety diso Izany.

³⁰¹ Tahaka an'i Noa, Mosesy, Davida, nampitaratra ny fihavian'io Mpampakatra tanteraka io; toy izany koa no nampitarafan'i Luther, Wesley, ary ny Pentekosta, ny fihavian'ny Ampakarina tanteraka iray.

³⁰² Mariho, isaky ny nanambara izy, dia inona no nataony? Isan'andro, io fiangonana io, dia tahaka ny nataon'i Eva, nanery an'ireo Adamany hino ny hazavany vaovao izy, ny tetiny, ary maty teo niaraka tamin'izany. "Izahay dia, eny, hikambana miaraka ny vondronay, hitanareo, oh, ireo fitahianay vaovao avy amin'izay hitanay, sy ny sisa."

³⁰³ Inona no nataon'io rehetra io tamin'i Eva? Fotoana fohy fotsiny no ananantsika ankehitriny. Inona no nataon'io rehetra io tamin'i Eva, tamin'ny alàlan'ilay renim-piangonana voalohany, ilay ampakarina voalohany ho an'ilay Adama voalohany? Inona no nataon'izany taminy? Henoy tsara ankehitriny, tsy hifanaraka amin'Ity ianareo. Fa izany dia namokatra "ny taranaky ny menarana." Marina tokoa.

³⁰⁴ Ny zanany voalohany dia tsy zanak'i Adama. Raha izany izy, dia nanana ny fizokiana. Ny Baiboly, ao amin'ny Joda, dia nilaza fa i Adama...hoe, "Enoka no fahafito nanomboka tamin'i Adama." Marina ve izany? Ary manomboka izy hoe, "Adama niteraka ny zananilahy, Seta." Ahoana ny amin'i Kaina, izay nanana an'ilay fizokiana? Tsy zanak'i Adama izy. Seta, ary Seta niteraka; Jareda, ary mitohy midina hatrany amin'i Adama, izay midina hatrany... "izay fahafito manomboka amin'i Adama." Noho izany raha zanany i Kaina, dia tsy misy toerana iray ao amin'ny Baiboly, na dia ao amin'ny Lioka aza izay anondroany an'izany indray, tsy nanondro an'i Kaina ho zanak'i Adama mihitsy izy. Ary, raha tsy izany izy, dia zanak'iza izy? Ary raha zanak'i Adama izy, dia izy no zanany voalohany, izay nanana ny fizokiana rehetra. Oh!

³⁰⁵ Io ilay fiangonana ara-nofo (tsy afaka mahita an'izany ve ianareo?) izay nanaiky zavatra iray, dia ny fijangajangana raha tokony ho ny Teny. Ry vahoaka Pentekotista, ho tahiana ianareo. Eny ary, inona no novokariny tamin'i Eva? Ny taranaky ny menarana. Inona no nataon'izany ao amin'izao andro farany izao, tamin'ny alàlan'ny anaram-piangonana? Namokatra ny taranaky ny menarana, indray, mandà ny Teny. Inona no natolony? Voankazo ny ny sisa, fa tsy ny Rà.

³⁰⁶ Tamin'ny alàlan'ny fanambaran'ny Teny, ny Tenin'Andriamanitra talohan'ny nanoratana Azy mihitsy aza, "Tamin'ny finoana no nanoloran'i Abela fanatitra iray tsaratsara kokoa noho ny an'i Kaina ho an'Andriamanitra, izay nanambara fa marina izy," ny Teny mampitaratra ny Tenany tamin'ny alàlany, tamin'ny alàlan'ny fanatiny.

³⁰⁷ Oh, nandeha Kaina ary nitondra an'ireo voankazo avy teny an-tsaha, nihevitra izy fa nihinana paoma iray i Eva. Ny ankamaroan'ireo seminera ara-teolojia dia nanova an'izany ho paiso iray ankehitriny. Fijangajangana iray ilay izy. Ary ny olona rehetra dia mahafantatra an'izany, izay mahafantatra ny Baiboly. Azo antoka, izany ilay izy.

³⁰⁸ Mariho, ny taranaky ny menarana dia novokarin'ilay Eva voalohany izay nanalavitra ny Teny. Nanao an'ilay zavatra iray ihany ilay Eva faharoa tany Nise, Roma. Ary inona no azony? Andiana zanaka ara-anaram-piangonana. Marina izany. Oh, tsara ara-pitondran-tena; azo antoka, mahafinaritra. Fa ahoana ny amin'izany? Maty, amin'ny alàlan'ireo fanekem-pinoany.

³⁰⁹ Mitovy ankehitriny. Nanao an'ilay zavatra iray ihany izay nananan'izy ireo ny fanambaran'i Kaina mikasika ny Teny. Inona? Nampanantenena azy. Amin'ny andro farany, dia inona no fampanantenana an'io Eva io ankehitriny? Henoy tsara ankehitriny, mamarana aho. Inona no fampanantenana ho an'io Eva io amin'ny andro farany? Manan-karena, Laodikia, anarana malaza, olona malaza, manan-karena. "Saingy maty, sy mitanjaka, nefä tsy mahafantatra an'izany." Ao amin'izany no iafaran'ilay taom-piangonana.

³¹⁰ Fa mandà ny Teny izy. Mba hanaovana ny Matio 24:24 ho tena misy aminy, dia miezaka miditra miaraka amin'ny tabataba betsaka izy, sy betsaka an'ity, ary laharana ara-tsosialy betsaka, sy ireo zavatra tahaka an'izany, miezaka milaza hoe, "Eny, manana hery izahay! Voninahitra ho an'Andriamanitra, haleloia, manana hery izahay!" Manana ny endriky ny toe-panahy araka an'Andriamanitra, nefä mandà ny Heriny, tena mifanakaiky ka hamitaka an'ilay tena voafidy izany... Ahoana no ahafahan'ny olona iray handihy ao amin'ny Fanahy sy hiteny amin'ny fiteny tsy fantatra, nefä mandà ny Tenin'Andriamanitra ho ny Fahamarinana, sy ho ny Fanahy Masina? Tsy azo atao fotsiny izany.

³¹¹ “Ny Teny rehetra!” Milaza zavatra anankiray Andriamanitra, dia izay marina tokoa no Tiany lazaina. Aza mandika an’Izany amin’ny fomba hafa. Ny Baiboly dia milaza, fa, “Izany dia tsy avy amin’ny fandikana manokana.” Lazao araka ny Nilazany Azy ilay izy.

³¹² Mariho, hery sandoka iray. Izany marina tokoa no tian’i Satana nomena ho an’i Jesosy, miakatra eo ary manao Azy hampiseho ny Tenany. Manao an’izany ny olona, na dia ilay Fiombonambe Maneran-tany aza, izy rehetra ireo. “Iza no afaka hiady aminy,” hoy izy, ny Baiboly, “io sarin’ny bibidia izay hitsangana io?” Raha nanam-potoana isika, dia hiditra (saingy tsy manana isika) ao amin’izany. Mariho Jesosy, ilay Adama Teny faharoa, tamin’ny androney, diniho ao amin’ny andron’ity fiangonana ity ankehitriny izay tena hifanakaiky. Ny taompiangonana farany dia Laodikia. Firy no afaka hanao “amen” amin’izany? [Hoy ny fiangonana hoe, “Amen.”—Mpand.] Inona no ataony? Ahoana no idirany ao amin’ilay dingana be voninahitra? Matimaty, tsy misy an’Andriamanitra. Ary inona no nataony?

³¹³ Ankehitriny, nahita an’i Eva fanahy iniana i Adama...na tsy fanahy iniana, fa voafitaka tsy nahafantatra, ary nandeha nivoaka niaraka tamin’i Eva i Adama mba ahafahany manavotra azy. Marina ve izany? Hoy ny Baiboly hoe, “Tsy Adama no voafitaka.” Izany no antony Andraraney ny vehivavy tsy history ny Filazantsara. Hitanareo? Tsy i Adama no tao amin’ny fahotana, na dia tao aza i Eva. Koa izany no antony tsy tokony hampianarany, hitanareo, na hanampatra fahefana eo amin’ny lehilahy, na sy ny sisa. Izany no—izany no lazain’ny Teny.

³¹⁴ Hoy ianareo hoe, “Eny, io...!” Tsy ahoako izay atao’n’ity sy atao’n’itsy. Ilay izy dia izay lazain’ny Teny, rahalahy, ranabavy. Miezaka aho ny ampahafantatra an’izany aminareo, hitanareo, izany no lazain’ny Teny. Mivelona amin’ny Teny isika, fa tsy amin’ny porofo iray, na zavatra ara-nofo iray, na fahatsapana iray. Tsy misy idiran’izany amin’io. Ny karazana fahatsapana iray dia tsy hety, raha mandà ny Teny izany. “Maro no hanatona Ahy ka hanao hoe, ‘Efa naminany aho, nandrooaka devoly. Niteny tamin’ny fiteny tsy fantatra aho. Nanao an’ireo zavatra rehetra ireo aho, nitory ny Filazantsara, ary Dokotera momba an’Andriamanitra.’ Hoy Izzy, ‘Ianareo mpanao meloka, tsy nahafantatra anareo akory aza Aho.’” Mahafantatra fa ny Teny dia milaza an’Izany, nefy avy eo dia manao marimaritra iraisana nohon’ny rafi-pandaminana na zavatra iray, rafitry iray. Oh, ry sakajako, mamele ahy hampitandrina anareo, amin’ny maha-rahalahy malala izay tia anareo. Henoy tsara.

³¹⁵ Ankehitriny, nandeha nivoaka niaraka tamin’i Eva ilay Adama voalohany, satria voafitaka izy. Saingy, efa nisy olona iray tao amin’ity Laodikia ity, hafa no fantany. Eny, tompoko. Satria nametraka Azy tany ivelan’ny fandriany izy,

ny efitranony, iz-... Tany ivelany Izy, nandondòna, niezaka ny hiverina hiditra. Kanefa efa nanana kolontsaina izy, tafatoetra tsara izy. Izy dia, oh, oadray, “tsy nila na inona na inona,” hoy izy, nefà tsy fantany fa izy dia nitanjaka, mahantra. Izany ilay fiangonana izay mamitaka an’ilay tena voafidy raha azo natao. Mariho, nanana hery izy, hery sandoka. Nanana ampanhan’ny Teny izy, fa tsy naka ny sisa tamin’Izany.

³¹⁶ Inona ilay lainga goavana indrindra izay hany notenenina? Nanana Fahamarinana sivy amby sivifolo isan-jato izany tao anatininy. Raha hoy ny olona iray hoe “William Branham, tamin’ity daty anankiray ity, dia tany Houston tany, Texas, mamo arak’izay naha-izy azy.” Lainga iray izany. Hitanareo? “Oh,” hoy ianareo, “tsia, tany Phoenix izy, Arizona. Nitory ho an’ny mpandraharaha Kristiana izy, nitory teo amin’ny lohahevitra anankiray izy, olona betsaka no tany, nihaino hatrany amin’ny folo sy sasany izy ireo. Ary, tamin’ny folo sy sasany, dia fantatrareo ve izay nataony? Naninji-tànany izy ary naka toaka iray, ka nitondra an’izany.” Ankehitriny lainga iray io. Ny sisa tamin’izany rehetra izany dia marina. Hitanareo, tsy maintsy tena mitovy marina tokoa amin’ny fahamarinana ilay izy, mba hamitaka.

³¹⁷ Tahaka an’izany no ataon’ny olona amin’izao andro izao. Manana Fahamarinana betsaka izy ireo, mamitaka an’ilay tena voafidy izy ireo... Fa, Teny anankiray, dia izay ihany no ilain’izany. Ary efa noporofoko tamin’ny alàlan’ny Baiboly izany.

³¹⁸ Mariho, tsy nandeha niaraka taminy mihitsy Izy. Izy no nandroaka Azy, ny Teny, nandà Azy. Ankehitriny dia fahitana iray mampalahelo izany, rehefa tonga eo amin’ny fiafarana isika.

³¹⁹ Tahaka ny tany Babylona fotsiny, tsy hijanona eo amin’ny zavatra iray izay ezahany tanterahiny samirery ny olona. Tsy hijanona mihitsy izy. Tahaka ny tamin’ny andron’i Noa, tsy mampaninona na impiry no nitorian’i Noa teny sy nampitandremany, tsy nahavita soa izany na kely aza. Tamin’ny andron’i Ahaba izay, tsy maintsy manao ny mofony manokana izy mba handefa ny tenany manokana any amin’ny helo. Marina tokoa izany. Tsy maintsy manao ny mofony izy mba hahatapaka an’ilay fitohizana, koa izany no handefa ny tenany manokana any amin’ny helo. Tahaka an’i Ahaba sy Jezebela mihitsy. Izy ireo, fa, ny zavatra amin’ilay izy dia, tsy nihevitra izy ireo fa nanota. Nihevitra izy ireo fa nanao ny tsara.

³²⁰ Fantatrareo, hoy Jesosy hoe, “Izao no hiseho fa hamono anareo mihitsy aza izy ireo, mihevitra fa manao asa iray ho an’Andriamanitra izy ireo.” Miandrasy mandra-pivoakan’io bokiko vaovao io. Nitifitra olona maromaro izy ireo, indray alina, nohon’ny filazana fa diso ny manakambana ny fiangonana

Katolika Romana amin'ny Protestanta. Tifitra telo no nitety tranobe iray, an'ny sakaizako, zara mihitsy raha afaka tamin'izy ireo. Miandrasa mandra-pahatonga an'io boky io hivoaka. Tsy mihevitra fa manota izy ireo; mihevitra izy ireo fa manao an'ilay zavatra tsara. Mihevitra izy ireo fa izy ireo dia—manao an'izany ho an'ny antony iray ho an'Andriamanitra izy ireo, tsy mahafantatra an'izany.

³²¹ Namono an'i Jesosy ireo Jiosy, nihevitra fa nanao an'ilay zavatra tsara izy ireo, satria ny foto-pampianaran'ny fiangonan'izy ireo dia nilaza fa diso Izy. Oh, nilaza tamin'izy ireo fa Izy... “Nanohombo an'ilay tena Mofo izay natao hivelomany izy ireo.”

³²² Ankehitriny, noho izany, “Izay nandray Azy ho Fiainany, Fiainana Mandrakizay, dia nivelonan Taminy izy ireo, ary Izy no nanome fahefana azy ireo mba ho lasa Ampahany, zanak'Andriamanitra.” Marina ve izany?

³²³ Tian'izy ireo ny voatangom-boalavo, fahafatesana ao anatin'ny hanina, avy tamin'ny sekolin'ny teolojian'izy ireo. Tsy mila an'i Jesosy izy ireo, ilay Mofon'Aina. Tsy mila Azy izy ireo. Mandroaka Azy any ivelan'ny fiangonany izy ireo. Tsy maintsy nanao an'izany izy ireo. Tsy ahoako izay ataon'izy ireo.

³²⁴ Hoy ianareo hoe, “Mihevitra ve ianao fa hanova an'izany, Rahalahy Branham?” Tsia, tompoko. Saingy miresaka amin'ilay Voafidy aho.

³²⁵ Nandroaka Azy izy ireo. Nahoana? Naka ny haniny izy ireo, nifangaro tamin'izao tontolo izao, hevitra eo amin'ny zavatra iray, nanafangaro an'izany miaraka, ary nanamboatra hanin'ny seminera ara-teolojia iray. Ary mandà an'ilay koban'i Elia mpaminany hanasitrana an'izany izy ireo.

³²⁶ Nanao an'izany ve izy ireo tamin'izany andro izany? Nanana koba iray i Elia. Kristy io koba io, ilay koba-fanatitra, voatoto nitovy daholo. Tsy maintsy nitovy ilay fikoseham-bary, mba hitotoana an'izany. Ary natsipiny tao anatin'ny tao izany, ka izany no nanasitrana ny aretin'izy ireo, na ny fahafatesany tao anatin'ilay vilany.

³²⁷ Fa amin'izao andro izao dia manana fahafatesana izy ireo ao anatin'ny vilany, nefà tsy mila ny Koban'i Elia izy ireo, Kristy, ilay Mofo, ny Teny. “Tsia, tompoko! Fivadiam-pinoana izany!” Tsy hanana an'Izany izy ireo. Mandrosoa ka hano izany, dia azo antoka fa ho faty tahaka an'izao tontolo izao ianareo. Misy poizina ao anatin'ny vilany. Tsy hanaiky an'ity Koba ity izy ireo (tsia, tompoko) ao amin'ireo vilaniny ara-teolojia. Tsy hanao an'izany fotsiny izy ireo. Ankehitriny dia hamoaka anareo any ivelan'izany izy ireo, tsy te-hanao na inona na inona amin'izany izy ireo.

³²⁸ Ankehitriny ilay Eva faharoa, mofo voa, izay ny Pentekosta, dia nanao tahaka an'ilay voalohany, Adama mofo, nandeha nankao amin'ny fahafatesana teo ambanin'ireo fikoseham-bary Romana, teo ambanin'ny fanenjehana, fanaovana maritiora.

³²⁹ Fa ilay rahavaviny izay lasa janga iray, (izany ve no lazain'ny Baiboly?) marina izany, inona no nataony? Nandeha niditra avy hatrany nankao amin'izao tontolo izao izy ary niteraka zanaka. Iza no afaka hanao “amena” amin’izany? [Hoy ny fiangonana hoe, “Amena.”—Mpand.] Apokalypsy 17, “Ilay janga sy ireo zananivavy,” tsy lehilahy; vehivavy, fiangonana. Ilay anaram-piangonana, inona no nanao azy ho janga iray? Nandà ny Teny izy ka nandray ny anaram-piangonana, lasa janga iray izy. Inona no nataon'ireo zanany? Mpijangajanga izy ireo, dia ilay zavatra iray ihany. Nanao an'ilay zavatra iray ihany, nandà ny Teny ka nanaiky an'ilay anaram-piangonana. “Ireo zanany,” zanakavavy, fiangonana, jereo izy ireo.

³³⁰ Ankehitriny dia mamelà ahy hilaza an’ity, ao amin’ny faminianiana. Hahazo ve ianareo? Saiky tapitra ilay fifamaliampianakaviana goavana. Tonga miaraka izy rehetra ireo. Haka an’ireo ankiziny indray ilay reny antitra. Mitovy izy rehetra, na ahoana na ahoana. Te-ho anankiray izy ireo. Izao no fotoana ho an'ilay Fiangonana sy Andriamanitra, Fiangonana sy ny Teny, ho lasa iray, eto mihitsy, satria izany no Tadiaviny; tsy vondrona “anankiray” tahaka an’izany. Tsia, tompoko.

³³¹ Tsy maintsy misy voam-bary iray. Diniho ankehitriny ny natiora, ary mamarana eo amin’ity fisainana ity isika. Diniho ny natiora. Mamboly vary ny lehilahy iray.

³³² Nanoratra boky iray izy ireo, ataoko fa efa namaky azy ianareo rehetra, ny sasany aminareo teolojiana angamba, antsoina hoe *Ilay Andriamanitra Mangina*. Heveriko fa ianareo dia afaka hahazo an’izany angamba ao—ao amin’ny bokinareo, eo—eo amin’izay hivarotanareo boky, fivarotam-boky. *Ilay Andriamanitra Mangina*, nilaza hoe ahoana... Tsy mahatoky iray, no nanao hoe, “Ahoana no ahafahanareo hanantena fa misy Andriamanitra iray, izay afaka nipetraka Tany ambony tany nandritr’ireo Taona Maizina ka nandinika an’ireo ankizy madinika napetraka teo amin’ny fahafatesana, tamin’ny alàlan’ny afo; ireo vehivavy, napetaka teo amin’ny dity ny volo lavan’izy ireo, ary nodorana; nametraka omby iray teo amin’ny sandry anankiray, ary anankiray teo amin’ny hafa, ka nisintona azy ireo hisaraka, satria tsy hanoroka lakroa iray izy ireo; ary ireo zavatra rehetra tahaka an’izany?” Hoy izy, “Ahoana no ahafahan’Andriamanitra iray, raha nisy anankiray, nipetraka tany ambony tany ka nandinika an’ireo ankizy kely nodorana?” Hitanareo, izany ilay fisainana ara-boajanahary, ara-nofo. Hitanareo?

³³³ Jereo, fantatrareo ve fa ny vary iray, rehefa mandeha ao anatin'ny tany izy, dia tsy maintsy mandry ao ary lò? Izany no tsy maintsy nataon'io fiangonana pentekotista io, nandry teo ary nandeha nankao amin'ny tany, ka maty. Tsy maintsy lò izy, mba hamoaka Fiainana indray. Marina ve izany? [Hoy ny fiangonana hoe, "Amena."—Mpand.] Diniho ankehitriny, ary ity no fisainako farany ankehitriny. Mba hamaranana azy rehetra ankehitriny, dia ndao raisintsika ny natiora. Firy aminareo no mino fa miasa mirazotra amin'ny natiora Andriamanitra, amin'ny zavatra rehetra? ["Amena."]

³³⁴ Izy, jereo, nanao an'izao tontolo izao Izy. Manavotra an'izao tontolo izao amin'ny fomba iray izay Anavotany olona iray Izy. Inona no inoan'ny olona iray? Mino izy, avy eo dia atao batisa; avy eo dia diovin'ny rà izy, fanamasinana, izay hafatr'i Wesley; avy eo dia feno ny Afon'ny Fanahy Masina izy, manaisotra an'izao tontolo izao miala ao aminy, ary feno ny Fanahy izy, dia ny Teny. Mino an'izany ve ianareo? [Hoy ny fiangonana hoe, "Amena."—Mpand.] Diniho ankehitriny hoe inona. Andriamanitra dia hanavotra ny Tontolony amin'ilay fomba iray ihany.

³³⁵ Firy no manana an'ilay—ilay—*Ilay Fonenana Ho Avy An'Ny Ampakarina Sy Mpampakatra*, eo amin'ny horonam-peo? Hitanareo, teo no nitondrako an'izany. Ny Tompo no nanome ahy an'izany. Omeko anareo arak'izay Anomezany ahy azy izany.

³³⁶ Jereo, ilay zavatra voalohany, voaheloka izao tontolo izao, teo ambanin'ny fahalavoan'i Adama avy tamin'ny Teny. Ny toritenin'i Noa no nitondra ny fanamarinana, ary nanao batisa ny tany tamin'ny rano Andriamanitra; avy eo dia tonga ilay Zanaka ka nandraraka Ny Ràny teo ambonin'izany, mba hanamasina azy, mba hitaky azy ho Azy Manokana; avy eo ao amin'ilay famaranana farany, ilay fanavaozana, dia ho afo izay handoro ny tsimoka tsirairay, ny zavatra tsirairay, handeha any amin'ny arivony maily avo izany, eny amin'ny habakabaka.

³³⁷ Ary avy eo dia inona? "Nahita Lanitra vaovao sy tany vaovao aho, efa lasa ny lanitra sy ny tany voalohany. Ary hitako ny Tanàna Masina, ilay Jerosalema Vaovao nidina avy tamin'Andriamanitra, avy tamin'Andriamanitra, voaravaka tahaka ny ampakarina iray ho an'ny... voaravaka tahaka ny ampakarina iray ho an'ny vadiny, hitanareo, midina eto ambonin'ny tany." Amin'izay fotoana izay Andriamanitra sy ny olona....

³³⁸ Ilay zavatra iray ihany amin'i Jesosy, jereo, rehefa natao batisa tamin'ny rano Izy, ary nanao an'ireo Fiomanany. Nohamasinina Izy, eo am-panombobhana, tamin'ny alàlan'ny Ray; avy eo dia nanangana ny Tânany Izy, ka indro tonga teo ambonin'ilay Zanak'ondry ny Voromailala. Inona no nataon'Andriamanitra rehefa nametraka an'ilay Voromailala

Teo Izy? Nitaky an'io ampaham-piaianana io Izy; izany—ampahan'ny tany izany, mba hihinanan'i Jesosy sakafo tahaka ny ananantsika, ilay mofo ara-boajanahary. Fa mitaky an'izany Andriamanitra ankehitriny, tsy misy na inona na inona hihazona an'izany. Tsy afaka mihazona an'izany ny fahafatesana. Hoy Izzy, "Ravao ity Tempoly ity, Izaho hanangana Azy indray."

³³⁹ Ary rehefa miditra ao amin'Andriamanitra ny lehilahy sy ny vehivavy, feno ankehitriny, tsy eo ambanin'ny ody iray, tsy eo ambanin'ny fientanam-po iray, fa rehefa lasa anankiray marina tokoa Izzy sy ny Teny; dia namonjy an'io olona io Andriamanitra, nanamasina azy niala tamin'ireo zavatr'izao tontolo izao, nanavao ny zavatra rehetra an'izao tontolo izao niala lavitra azy, tamin'ny Afon'ny Fanahy Masina, ary mipetraka ao anatin'io olona io, mampitaratra ny Teny, io lehilahy na vehivavy tanteraka io dia mivelona amin'ny Teny. Hitanareo, izany no tany izay voadio. Hampiasa ny tany amin'ilay fomba iray ihany Izzy, manavotra azy Izzy.

³⁴⁰ Diniho ankehitriny, milatsaka ao anatin'ny tany ny voambary iray. Ankehitriny, Jesosy io voam-bary izay nilatsaka tao anatin'ny tany io, izay natao tanteraka taorian'izany, nanana Aina Izany tao Anatiny. Tsy nitsangana i Mosesy. Tsy nitsangana i Adama. Tsy nisy anankiray tamin'ny sisa tamin'izy ireo nitsangana. Fa ity Anankiray tanteraka izay nampitaratra ny Teny tamin'ny lafiny rehetra ity, ny Teny rehetra no Nivelomany! Firy no afaka hanao "amena" amin'izany? [Hoy ny fiangonana hoe, "Amena."—Mpand.] Ny Teny rehetra no Nivelomany. Inona no nitranga? Napetrak'izy ireo tao am-pasana Izzy. Saingy, telo andro, dia Novakiany hisokatra izany ka nivoaka indray. Hitanareo?

³⁴¹ Ankehitriny dia indro fa tonga indray ilay fiangonana, hitanareo, manatona an'io Anankiray tanteraka io, ho an'ny Fampakarana indray. Ankehitriny dia inona no nitranga taorian'ny nilatsahan'ilay fiangonana tao anatin'ny tany tany Nise, Roma, tamin'ilay rafi-pandaminana voalohany? Afaka ve ny olona iray hanao "amena," hoe marina izany? [Hoy ny fiangonana hoe, "Amena."—Mpand.] Inona no nataony? Nivoaka tao amin'ny fitsanganana vonjimaika indray izy, nanandrana tamin'ny alàlan'i Luther an'ilay zavatra izay Nandramany tamin'ny alàlan'i Noa Izzy. Fa inona no nataony? Tsy nahomby tamin'ny Teny izy, nandrafitra izy. Inona no nataon'izany?

³⁴² Tahaka ny voam-bary iray mipoitra izany. Rehefa mipoitra ny voa, dia inona no mipoitra voalohany? Tsimoka kely anankiroa. Henoy tsara ankehitriny. Inona no mipoitra, ara-boajanahary ankehitriny? Hanaraka an'ilay ara-boajanahary miaraka amin'ilay ara-panahy isika, mofo ara-boajanahary amin'ilay mofo ara-panahy. Inona no mitranga? "Ahoana no ahafahan'ity Lehilahy ity ho Mofo?" Diniho.

³⁴³ Rehefa nipoitra ny fiangonana, dia ravina kely iray izy. Ankehitriny izany dia tsy mitovy amin'ilay voa izay nandeha nankao anatin'ny tany, mihitsy, saingy mpitondra an'ilay aina izy. Hitanareo? Inona no mitranga ankehitriny? Ankehitriny dia hoy ilay lehilahy hoe, "Oh, manana saham-bary iray tsara aho." Tsy mbola. Manana izy amin'ny ampahany. Inona no nitranga? Ny nipoitra manaraka dia Zwingli, hetsika iray hafa izay nipoitra taorian'i Luther izany. Fa mbola tsy izy foana izany. Ravim-bero iray izany. Avy eo dia mamoaka ravim-bero betsaka ilay taho, tahaka an'i Calvin, sy ny sisa, nipoitra. Farany dia nitsangana ny fiangonana Anglicana, ireo ravim-bero rehetra. Hitanareo, mitovy tanteraka izy rehetra ireo, ilay zavatra iray ihany.

³⁴⁴ Avy eo dia inona no nitranga? Miova ilay vary, ary miova ilay katsaka, ary miova ny zavatra rehetra. Ny tonga dia salohy iray. Mety miantso azy hoe salohy ianareo. Eny, rehefa tonga izy, dia jereo izay mihantona eo aminy, vovom-boninkazo kely. Ankehitriny izany dia mitovy kely kokoa amin'ilay voa tany am-boalohany izay niditra, noho ilay ravim-bero. Marina ve izany? Eny, ny hafatr'i Wesley no akaiky kokoa an'ny Baiboly noho ny an'i Luther. Fantatrareo izany. Marina ve izany? Inona ireo salohy kely rehetra ireo ankehitriny? Nisy ny Metodista Wesleyana, Nazareana, Mpivahinin'ny Fahamasinana, Rahalahy Miray, ireo teo ambanin'ny fanamasinana ireo. Ary inona no nivoaka avy tamin'izany avy eo? Izany, farany, inona no nataon'izany? Mandrafitra, maty!

³⁴⁵ Ny nivoaka avy tao amin'izany dia ireo Pentekotista. Hoy ianareo hoe, "Oh, rahalahy!"

³⁴⁶ Am-panajana ankehitriny, ary milaza an'izao amin'ny fitiavana masina aho. Ary enga anie ilay Ray Lehibe Izay vao avy notenенико taminareo, tany amin'ny voalohany, fa nanatrika teto, manerana. Raha milaza an'izao amin'ny alàlan'ny fanaratsiana aho, amin'izay fotoana izay dia hitsara ahy Izy. Raha milaza an'izany amin'ny alàlan'ny Fahamarinana aho, dia hitahy ahy Izy. Hamela anareo hahita an'Izany Izy, raha voalahatra ho amin'ny Fiainana ianareo.

³⁴⁷ Rehefa mivoaka avy ao amin'ilay tahom-bary ilay voam-bary kely voalohany, dia tena mitovy tanteraka amin'ilay voa izy. Marina ve izany? Saingy inona izany? Tsy ilay voa izany. Izany no Matio 24:24, "tena hifanakaiky ka hamitaka an'ilay tena voafidy izany raha azo atao." Mariho, mitovy amin'ilay voa mihitsy izany. Fa endaho izany ka mipetraha, ary maka fitaratratra mikrôskôpy iray ka manomboha manokatra azy. Akofa eo amin'ilay katsaka fotsiny izany, na ilay akofa eo amin'ny vary. Miaro azy fotsiny izany, saingy mitovy amin'ilay voa marina tokoa izy. Ankehitriny dia firy no mahafantatra an'izany ho fahamarinana, atsangano ny tânanagero? Azo antoka. Fa ilay akofa izany.

³⁴⁸ Ankehitriny, ianareo rahalahy Pentekotista, aza mihevitra ahy ho diso, fa izany no Fahamarinana. Tsy afaka manohitra ny natiora ianareo. Ary ny natiora dia manambara an'Andriamanitra ao amin'ny zavatra rehetra, ny Mpamorony.

³⁴⁹ Ankehitriny dia jereo io akofa io. Izy dia mitovy... Inona no ataon'izy ireo? Niteny tamin'ny fiteny tsy fantatra izy ireo. Mihetsika tahaka ny nataon'izy ireo tao amin'ny Pentekosta izy ireo. Fa raha tapahanareo izany, alaivo io zavatra kely io ka sokafy izy, manana akofa kely betsaka izy ao anatiny. Ary rehefa manokatra azy ianareo, dia hitanareo any amin'ny farany aorian'izany, tsy maintsy hanana fitaratra tsara iray ianareo, jereo ao aorianao. Misy tsirim-boa kely bitika iray mivoaka, io ilay tena zavatra. Mpitondra iray izany. Nahoana? Tsy maintsy eo izany mba hiaro an'io voa io. Miasa ao amin'ny firindrana izany, fa hiaro an'io voa io izany. Ankehitriny eo amin'izay ahatongavan'ilay voa avy tamin'ny tany, miakatra mandalo amin'ireo Loterana, mandalo an'ireo fiangonana ireo, mandalo amin'i Wesley sy mandalo eo, mandalo amin'ireo salohy, ary ankehitriny midina mankao amin'ilay akofa. Ankehitriny dia mitovy tanteraka tokoa izy. Tsy mahagaga raha hoy Jesosy hoe, "Hamitaka ny tena voafidy izany raha azo natao." Mitovy amin'ilay voa mihitsy, eo amin'ilay toerana izay tokony hisy an'ilay voa mihitsy, saingy inona no nitranga? Nanao an'ilay zavatra iray ihany izay nataon'ireo hafa talohany izany, nandrafitra! Lasa inona izany? Mpitondra iray.

³⁵⁰ Ao amin'ireo andro izay iainantsika ankehitriny, ny mpahay tantara rehetra eto dia mahafantatra fa ny fifohazana iray dia eo amin'ny telo taona eo ihany no haharetany, ary avy eo avy ao amin'io fifohazana io no mivoaka ny rafi-pandaminana iray. Rahalahy, ranabavy, ao amin'ity fifohazana lehibe dimy ambin'ny folo taona izay efa niainako ity, efa tombontsoa ny niaina an'izany niaraka taminareo, dia tsy nisy rafi-pandaminana iray nivoaka avy tao aminy. Tsy misy rafi-pandaminana intsony. Tsy hisy. Io no farany. Ankehitriny, tsy maintsy teo ny Pentekosta hiaro an'ity. Ho taiza no nandehanantsika niaraka tamin'ny Hafatra iray tahaka an'ity raha tsy nisy Pentekotista iray hino azy? Ankehitriny miverena mankany amin'ny Renirano Ohio, tamin'ny 1933. Hitanareo?

³⁵¹ Mamelà an'ity, fa tiako ho fantatrareo ny Fahamarinana. Ary tsy manana fotoana betsaka tavela aho, fantatrareo izany, dimy amby dimampolo taona aho. Fa ho velona ireto horonam-peo ireto rehefa lasa aho, ary ho hitanareo na marina izany, na tsia, raha mpanompo marina iray aho na mpaminany sandoka iray. Tsy mbola niteny taminareo afa-tsy izay nitranga mihitsy aho, noho izany dia hitranga ity.

³⁵² Mpitondra iray izany. Tsy maintsy nisy. Fa rehefa manomboka mitombo io vary io, tahaka an'ilay fiangonana izay mpitondra iray an'i Jesosy aloha, fa rehefa nanomboka niteny

tamin'izy ireo ny Fahamarinan'Andriamanitra Izy, dia nisaraka Taminy izy ireo. Ankehitriny dia inona no mitranga? Tsy misy fiaraha-miasa. Nahoana? Tsy maintsy tahaka an'izany ilay izy, mba ahafahan'ilay vary izy tenany mipetraka eo anatrehan'ny masoandro, m-a-s-o-a-n-d-r-o, ary mba ahafahan'ilay vary ara-panahy hipetraka eo anatrehan'ilay Z-a-n-a-k-a, mba hivadika ho voa volamenan'ny Teny, hitanareo, tonga Teny, Andriamanitra tonga nofo, voamarina. Ny... “Izay mino Ahy, ireo asa izay Ataoko no hataony koa.” Ny fiangonana izay mivelona amin’ity Teny ity, marina mihitsy, tsy amin’ny alàlan’ny rafi-pandaminana, fa ao amin’ny Fanatrehan’ny Teny, ilay Zanaka, lasa (inona?) ilay tena Teny iray ihany izay nidina tamin’ny Andron’ny Pentekosta izy.

³⁵³ Ankehitriny, tsy mampianatra antsika ve ny Malakia 4, fa alohan’ny hahatongavan’ilay andro lehibe sy mahatahotra an’ny Tompo, no hiseho izany? Firy no mahafantatra an’izany? “Ary Izy hamerina ny fon’ny zanaka ho amin’ny ray,” marina ve izany, “ny Finoan’ireo ray pentekotista tany am-boalohany.”

³⁵⁴ “Ary amin’izany andro izany,” Lioka 17:20, mino aho fa izay ilay izy, dia hoy Jesosy hoe, “rehefa voambara ny Zanak’olona,” fa tsy lehilahy. “Ny Zanak’olona,” fa tsy anaram-piangonana iray. “Ny Zanak’olona,” ilay Teny velona Izy tenany indray eo anivon’ny olona! Hitanareo?

³⁵⁵ Ny Teny, Izy tenany, tonga nofo ao anatinareo, ianareo no taratra iray an’ity ora ity, ny Hafatra, taratr’izany. Hitanareo, velona indray ianareo, miaina an’ilay Aina izay tao amin’i Jesosy Kristy. Ao amin’ny Fanatrehan’ilay Zanaka ianareo. Noho izany ho an’ilay...

³⁵⁶ Inona no mitranga aminy? Inona no mitranga amin’io Fiangonana io? Farany, henoy, miendaka miala avy amin’ilay vary io akofa io, rehefa manomboka voaseho izy. Inona no nitranga? Ilay Aina izay tao anatin’ilay akofa, no nuditra tao amin’ilay vary. Tsy hiova ilay Aina. Ireo mpitondra no miova, nanao anaram-piangonana izy ireo; hitanareo, ireo ravina, ilay salohy, ilay akofa. Fa tsy afaka miova ilay vary. Tsy maintsy ho asam-panompoana iray marina tokoa eo amin’ny Teny izany tahaka Azy teo amin’ny Teny, ary tahaka an’ilay Fiangonana voalohany izay teo amin’ny Teny, feno ny Fanahy, vokin’ny Teny; tsy voky ara-anaram-piangonana. Vokin’ny Teny!

³⁵⁷ Ankehitriny izay no natiora, sy ny Tenin’Andriamanitra. Izy io Mofo io. “Tsy ny mofo ihany no hiveloman’ny olona, fa ny Teny rehetra izay aloaky ny vavan’Andriamanitra.”

³⁵⁸ Mamarana ankehitriny, alohan’ny vavaka. Mariho eto, eto no tonga ilay zavatra tiako ho lazaina.

³⁵⁹ Ankehitriny dia tsy maintsy miendaka miala amin’io vary io ilay akofa, ao amin’ny fitandremen’Andriamanitra izany. Firy no manao hoe “amena”? [Hoy ny fiangonana

hoe, "Amena."—Mpand.] Tsy maintsy miendaka miala lavitra amin'ny vary ilay akofa, satria eo am-pamasahana izy ankehitriny. Ambony izy. Ankehitriny, tsy teo io akofa io, mpitondra iray izy, mpitondra ny Aina izy, avy eo ilay Aina avy ao dia miditra avy hatrany mankao amin'ny vary. Ankehitriny, izany ilay antony.

³⁶⁰ Henoy, ry sakaiza, andro inona no iainantsika? Efa nanana fifohazana dimy ambin'ny folo taona isika. Firy no afaka hanao "amen" amin'izany? [Hoy ny fiangonana hoe, "Amena."—Mpand.] Rafi-pandaminana inona no nitsangana? Tsy nisy. Niezaka ny hitondra ahy hanao rafi-pandaminana iray izy ireo, nanao hoe, "Hanao rafi-pandaminana iray ve ianao, Rahalahy Branham, eo amin'ny asam-panompoanao? Izany dia ho . . ." Ankehitriny, tsy izaho, tsy miresaka ny amiko aho. Miresaka mikasika ny Hafatry ny ora aho, an'ilay andro.

³⁶¹ Ary nandeha nankany Canada izy ireo ka nahazo rahalahy fara-orana vitsivitsy. Maty teo no ho eo ilay izy. Tsaroanareeo ve ilay fara-orana, ianareo rahalahy? Lasa aiza izany? Lasa aiza ny zavatra hafa rehetra? Fa inona no azon'ilay anaram-piangonana avy ao amin'izany? Niova fo an-tapitrisany, ary nanao andevo avy amin'izy ireo, ho an'ny fanekem-pinoan'izy ireo, lasa manan-karena, ary nanorina tranobe an-tapitrisany sy an-davitrisany dolara ao amin'ireo tranobe sy ny zavatra tahaka an'izany, nefa milaza fa "ho avy ny Tompo," mandefa mpitoky teny mankany amin'ny seminera sy ny sisa, ary mampianatra azy ireo teolojia nataon'olona, tahaka an'i Luther, Wesley, sy ny sisa aminareeo. Lasa akofa iray izany.

³⁶² Fa, isaorana Andriamanitra, manohy mandeha ilay voa. Noho izany raha marina araka ny Teny izany, eo amin'izay iainantsika, dia marina araka ny natiara izany, voamarina izany, ilay voam-bary, amin'ny lafiny rehetra, hafiriana no ananantsika? Mba fantatrareo moa? Mandre ny fihavian'ilay milina aho, ilay Fiombonambe Maneran-tany, hanasaraka an'izany izy. Inona no ataony? Manala azy avy eo amin'ny tahony. Fa manana tohatra iray miandry Azy Izy. Handeha hody any an-Trano Izy, amin'ny iray amin'ireo maraina. Oh, eny. Azonareeo ve, manaova "amen"?" [Hoy ny fiangonana hoe, "Amena."—Mpand.]

³⁶³ Fantatro fa tsy mino an'izany izao tontolo izao. Tsy afaka mino an'izany izy ireo. Aza . . . Malahelo azy ireo fotsiny aho, satria, "Tsy misy olona mahay manatona raha tsy Ny Raiko no mitarika azy; ary izay rehetra nomen'Ny Raiko Ahy no hanatona." Raha eo amin'ny Bokin'ny Fiainana ny anarany, dia hahafantatra tokoa ny Teny izy. Tsy maintsy izy, efa vita ela be izany. Efa voamarina tanteraka mihitsy izany, hany ka ny Fahamarinana pozitifa izany.

³⁶⁴ Tsy hanana rafi-pandaminana intsony isika, fa hiditra ao anatin'ny anankiray ireo rafi-pandaminana rehetra. Ho an'ny inona no mahatsara azy? Handeha... Ataon'izy ireo inona ny mololo? Dorana izany. Hoy Jesosy hoe, "Ho avy ireo anjely hanangona ny vary hankao an-tsompittra." Ary inona no hiseho? "Ireo taho, sy vodi-vary, sy tsilo, dia hodorana amin'ny afo tsy mety maty." Hitanareo? Ary inona no tsy maintsy vita aloha? Nivoaka ireo anjely ka namatotra an'ireo tsimparifary aloha. Marina ve izany? Hitanareo, mamatotra ny tenany miaraka ao anatin'ny rafi-pandaminana anankiray goavana be izy ireo, tsy misy rafi-pandaminana intsony.

³⁶⁵ Eto ilay vary. Ho an'Andriamanitra ny saotra, eto ilay vary. Eto Kristy. Manaporofo Ny Teniny Izy, Izany no Fahamarinana. Eto ilay vary, eo am-pamasahana izy ankehitriny, mipetraka ao amin'ny Fanatrehan'ny Zanaka izy.

³⁶⁶ Tsy misy olona afaka mikasika Azy, niendaka niala ny rehetra, "Tsy hanana na inona na inona hatao amin'Izany izahay." Tsy maintsy manao an'izany ianareo.

³⁶⁷ Oh, rahalahy, midira ao amin'ilay vary, aoka ilay Aina izay ao anatinareo hiditra ao amin'ilay vary. Sitrakareo ve? Minoa an'Andriamanitra. Aza... Mijanòna fotsiny miaraka amin'Andriamanitra. Azonareo antoka ve fa hanao an'izany ianareo? Ahoana moa raha nilaza ny olona iray... tsy ahoako.

³⁶⁸ Tahaka ny tantara iray izay novakiako, indray mandeha. Nisy dokotera iray, lehilahy iray nahafinaritra izy, ary tia an'ireo olona mah mantra. Ary isaky ny tsy afaka nandoa ny trosany ny mah mantra, dia fantatrareo ve izay nataony? Nosoniaviny fotsiny tamin'ny ranomainty mena izany, nanao hoe, "Voavela ianao." Farany, maty ilay dokotera. Ary rehefa maty ilay dokotera, niavonavona ny vadiny. Hafa izy, tahaka ny fiangonana amin'izao andro izao. Nandeha izy ka nanorotoro azy rehetra ireo. Nitondra fitoriana izy, ka nampiditra azy rehetra tao amin'ny fitsarana hoe, "Handoa an'ireo faktiora ianareo, na ahoana na ahoana!"

³⁶⁹ Fa naka ny sasany tamin'ireo rosia ilay mpitsara, nanao hoe, "Avia eto, madama." Hoy izy hoe, "Sonian'ny vadinao ve ity ranomainty mena ity?"

Hoy izy hoe, "Eny, tompoko, izy io."

³⁷⁰ Hoy izy, "Tsy misy fitsarana iray eto amin'ny firenena afaka manenjika azy ireo. Afaka izy ireo."

³⁷¹ Avelao izy ireo hilaza an'izay tiany lazaina. Efa nanao sonia Ny Teniny tamin'Ny Ràny Manokana Izy. Tsy misy na inona na inona afaka manaisotra an'izany amintsika, rahalahy. Afaka isika.

³⁷² Ndao isika hivavaka. Azo antoka fa ianareo...

[Manome fampaherezana ny fiangonana ny rahalahy iray. Elanelana tsy voaraki-peo—Mpand.] Amena.

³⁷³ Ankehitriny miaraka amin'ny lohanareo miondrika. Raha azoko, nisy anankiray nitsangana teo afovoan'izy ireo, tamin'ny andron'ny mpanjaka, ka nanome faminaniana iray, eo amin'izay tokony hihaonan'izy ireo amin'ilay fahavaloo ka handrava azy ireo. Ankehitriny, raha azoko tsara izany, dia misy toerana anankiray hihaonana amin'ny fahavalonareo, izany dia eo amin'ny Teny. Eo no iezahany hihaona aminareo. Mihaona aminy eo ianareo miaraka amin'ny HOY NY TOMPO HOE.

³⁷⁴ Firy ato, miaraka amin'ny lohanareo miondrika, (tena akaikin'ny mitataovovanana izao, tsy manana fotoana ho an'ny antso eny amin'ny alitara afa-tsy izao fotsiny aho) no hanangana ny tànanareo, miaraka amin'ny lohanareo miondrika, ny masonareo mikimpy hoe, "Te-ho Ampahany aho. Te-hanakambana ny tenako Aminy sy Ny Teniny aho. Tsy mampaninona izay tonga sy lasa, izay lazain'izao tontolo izao, te-ho Ampahany aho," atsangano ny tànanareo ka manaova hoe, "tiako"? Andriamanitra hitahy anareo. Zato isan-jato, mino aho.

³⁷⁵ Miaraka amin'ny lohantsika miondrika, raha mbola eo am-pieritreretana isika, ndao isika hisamonomonona an'ity hira kely ity ankehitriny. Ny tsirairay avy mivavaka.

Isaorana anie ilay Tady izay mamatotra (Ny Teny izany.)

Ny fontsika ao amin'ny fitiavana Kristiana;

Ny fiombonan'ny firaisan-tsaina

Dia tahaka an'ilay any Ambony.

"Tahaka ny maha-iray Ahy sy Ny Raiko, ianareo dia iray miaraka Aminy, ihany koa."

Rehefa misaraka isika,

Dia manome antsika fanaintainana anaty izany;

Saingy mbola hifandray am-po isika,

Ary manantena ny hihaona indray.

³⁷⁶ Amin'ny Asabotsy heriny maraina any Flagstaff, Arizona, raha sitrakny Tompo, manantena ny hihaona aminareo indray aho. Tianareo ve Izy?

³⁷⁷ Ankehitriny dia havelako tahaka an'izany fotsiny ilay izy, hitanareo. Hoy ny Baiboly hoe, "Izay rehetra nino Azy, sy izay rehetra nandray ny Teny." Hitanareo? Tsy afaka milaza aho hoe iza no izy ary iza no tsy izy, miankina aminareo izany. Fa raha mifikitra eo amin'ny fanekem-pinoana kely iray ianareo, ny sasany aminareo Metodista, Batista, na Pentekotista, na mety ho iza ianareo, izay mifikitra eo amin'ny zavatra mifanohitra amin'ny Teny, azafady, ry olona malalako, mialà amin'izany, androany. Tsy ho tianareo ve? Mialà amin'izany, ary mitodiha

mankany Aminy. Aza mamela Teny anankiray hany hanimba anareo hiala amin'ny fiombonan'i Kristy. Enga anie hanaiky an'izany Ny Fanahiny.

³⁷⁸ Andriamanitra Ray, nипетрака тето нандриити ny fotoana ela ireto olona ireto. Izany dia mampahatsiahy ahy ny fotoana iray izay i Paoly, nitory teo amin'ity laharana iray ihany ity, ny Filazantsara izany, nипетрака нандриити ny alina manontolo izy ireo ary nihaino azy, nianjera avy teo amin'ny varavarankely ny lehilahy tanora iray ka maty. Nandeha i Paoly ka nametraka ny vatany teo ambonin'ilay lehilahy tanora, ary nanao hoe, "Niverina taminy ny aina." Ankehitriny, Ray, misy marary sy ory eto, misy ireo izay mila vavaka ho an'ny vatany. Mivavaka aho, Andriamanitra Malala, tsy hiandry hatramin'ilay favoriana. Tsy voatery hiandry favoriana iray izy ireo. Eto foana ny Teny, Kristy izany. Mivavaka aho mba Hanasitrananao ny tsirairay avy amin'izy ireo. Aoka ny tsirairay avy amin'izy ireo ho lasa salama tanteraka, Andriamanitra. Ekeo izany. Tahio izy ireo, ireo fiezahany. Tsy ho nипетрака тето izy ireo, Tompo, tsy ho nihaino an'Ity izy ireo, raha tsy efa nino an'Izany. Ankehitriny, Tompo, nanangana ny tànany izy ireo, mino an'Izany izy ireo, ankehitriny dia enga anie ho voaray ao am-pon'izy ireo Izany, ny mpitoriteny tsirairay, ny tsirairay avy amin'ny mpivavaka. Ny mpanota, enga anie izy handray an'i Kristy; hiverina ilay mpiverin-dàlana. Ekeo izany, Ray. Mangataka an'ireo fitahiana ireo amin'ny Anaran'i Jesosy Kristy izahay. Amena.

Tiako Izy, tiako Izy,

Nametraka ny anarako ao anatiny ao Izy, taona maro lasa izay.

...nitia ahy mialoha

Ka nividy ny famonjeko

Teo amin'ny hazon'i Kalvary.

³⁷⁹ Tianareo ve Izy? Ankehitriny raha mbola mihira an'izany indray isika, dia atsory eo am-pitan'ny latabatra fotsiny ny tànana ka raiso ny tànan'ny olona iray, manaova hoe, "Ry mpivahiny malala, faly aho ny mипетрака eto izao maraina izao. Mino an'i Kristy aho. Ary ianao?" Zavatra tahaka an'izany, rehefa mihira indray isika.

Izaho . . . (. . . ? . . .)

...nividy ny famonjeko

Teo amin'ny hazon'i Kalvary.

³⁸⁰ Ankehitriny, manomboka izao, nahafarana niaraka tamin'izao tontolo izao ve isika? Nahafarana niaraka tamin'ireo lamaodin'izao tontolo izao ve isika? Ary ny . . . ny hadalana rehetra, sy ity mamirapiratra rehetra eto ity, ka mandray ny Filazantsara ary manao zavatra ara-barotra avy amin'izany, ary—ary nahafarana niaraka tamin'izany ve isika? Tsy nahavita ve isika? Omeo ahy fotsiny Jesosy, izay ihany no ilaike.

“Ny mahafantatra Azy no Fiainana, mahafantatra Azy.”
Tiako Izy. Tsy tia Azy ve ianareo? [Hoy ny fiangonana hoe,
“Amena.”—Mpand.] Oh, toy ny ahoana no itiavako Azy!

³⁸¹ Ankehitriny dia hamerina ny fotoana amin-dRahalahy Carl
aho, tsy fantatro hoe inona koa no mbola hataony.

³⁸² Andriamanitra hitahy anareo. Ary manantena ny hahita
anareo indray aho amin’ny Alahady heriny, ary raha tsy afaka
mahita anareo aho...na amin’ny Asabotsy heriny. Raha tsy
mahita anareo aho amin’izay fotoana izay, dia hahita anareo any
Tucson. Raha tsy amin’izany, dia hahita anareo eto indray aho ny
fahafito ambin’ny folo. Raha tsy amin’izany, dia hahita anareo
aho ao amin’ny Voninahitra. Amená.

³⁸³ Rahalahy Carl ankehitriny, tsy fantattro izay tiany hatao
mihitsy amin’izao fotoana izao, Rahalahy Williams. 

NY FOTOAM-PIJINJANA MAG64-1212
(The Harvest Time)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Asabotsy maraina, 12 Desambra, 1964, ho an'ny sakafomarainan'ny Full Gospel Business Men's Fellowship International tao amin'ny Ramada Inn ao Phoenix, Arizona, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org